

পরগারে

বিজেন্দ্রলাল রায়

গুরুদাস চট্টোপাধ্যায় এণ্ড সন্স,
২০৩/১/১, কর্ণওয়ালিস্ স্ট্রীট, কলিকাতা

দুই টাকা

একাদশ সংস্করণ
প্ৰাইম ১৩৩৮

উৎসর্গ

পূজ্যপাদ

প্রসাদদাস গোস্বামী

দাদামহাশয়

শ্রীচন্দ্রণকমলেশ্ব—

কুশীলবগণ

পুরুষ

বিশ্বেশ্বর	জমিদার
মহিমারঞ্জন	সরযুর স্বামী
দয়াল	করুণাময়ীর বৃদ্ধ প্রতিবেশী ও বিশ্বেশ্বরের বাল্যবন্ধু
পরেশ	সরযুর মাতুল
কালীচরণ	জনৈক নিষ্কর্মা ব্যক্তি
পার্বতী	মহাজন
চারু ও বিনোদ	পার্বতীর বন্ধু

স্ত্রী

করুণাময়ী	মহিমারঞ্জনের মাতা
সরযু	বিশ্বেশ্বরের পোত্ৰী
হিরণ্ময়ী	জনৈক ভ্রষ্টা নারী
শান্তা	বেশা

পরপারে

প্রথম অঙ্ক

প্রথম দৃশ্য

স্থান—ককণাময়ীর কুটীব। কাল—প্রভাত।

বাড়ীর আঙ্গিনায় ককণাময়ী, তাঁহার বৃদ্ধ প্রতিবেশী দয়াল,

ও প্রতিবেশিনীগণ আনীন

ককণা। আজ আমার বড় আনন্দ। এসো। এ আনন্দে যোগ
দাও। আজ আমার বড় আনন্দ।

১ প্রতিবেশিনী। তা ত হবেই। ছোট ছেলের বিয়ে। হবে না ?

২ প্রতিবেশিনী। খাসা বৌ হয়েছে। টুকটুকে বৌ !

৩ প্রতিবেশিনী। ঘর আলো করা বৌ !

১ প্রতিবেশিনী। হ্যাঁগা ! মেয়েটির বাপ কি করে ?

দয়াল। মেয়েটির বাপ মা কেউ নেই।

২ প্রতিবেশিনী। তবে কে আছে ? *

দয়াল। তার দাদামহাশয়।

৩ প্রতিবেশিনী। দিদিমা।

দয়াল। দিদিমাও নেই।

১ প্রতিবেশিনী। আহা ! তা'লে তাকে দেখবার কেউ নেই !

দয়াল। দাদামহাশয় আছেন। মেয়েটির বাপ মাও সে রকম তাকে দেখতে পার্ত না—তার দাদামহাশয় যেমন এত দিন দেখে এসেছে।

২ প্রতিবেশিনী। বটে!

দয়াল। বুড়ো দিবারান তাকে বকের উপর করে' রাখত; নিজেব হাতে করে' খাওয়াত; আব বলতে বলতে আমার চোখে জল আসে।

৩ প্রতিবেশিনী। কেন গা!

দয়াল। আমিও বুড়ো হয়েছি; কিন্তু দাদামহাশয়ের মত বুড়ো কখন দেখি নি। এদিকে ত দান করে' ফতুর। ওদিকে আবাব যেন একখানি মূর্তিমান্ন স্নেহ; আব সেই স্নেহের প্রাণ এই নাতিনী। এক দিন—তখন তার নাতিনীর বয়স বছর চারেক হবে—একদিন সকালে বুড়োর ওখানে গিয়েছি দেখি যে বুড়োর মুখে দড়ি বেঁধে, তার নাতিনী, তার পীঠে দস্তুরমত মোড়-সাঁঘাব হ'য়ে বসে', একগাছ কঞ্চি হাতে করে' এসেছে “হট হট”—আব বুড়ো হামাগুড়ি দিয়ে বারান্দাময় ঘুরে বেড়াচ্ছে!

করণা। আঁহা!

১ প্রতিবেশিনী। বল কি গো। বুড়ো তা'লে দস্তুরমত পাংগল।

২ প্রতিবেশিনী। বুড়ো ম'কে।

৩ প্রতিবেশিনী। সে যা হোক কিন্তু খাসা বো পেয়েছো দিদি!

দয়াল। বো পেয়েছো, কিন্তু হয় ত ছেলে হারালে।

করণা। সে কি বল ভাই—এমন ছেলে—আমা বৈ জানে না।

১ প্রতিবেশিনী। মা ব'লে অজ্ঞান।

২ প্রতিবেশিনী। সুবোধ।

৩ প্রতিবেশিনী। বিদ্বান।

দয়াল। যতই সুবোধ হোক, মায়ের প্রতি যতই টান থাকুক—বিষে হ'লে ছেলে আর ভেমনটি থাকে না।

ককণা। না না, সে কথা বোলো না ভাই। আমার অমন ছেলে—

১ প্রতিবেশিনী। নিজের হাতে করে' মানুষ করেছে।

২ প্রতিবেশিনী। তার অসুখে বিসুখে রাত্রি জেগে নিজের দেহপাত করেছে।

৩ প্রতিবেশিনী। গাভি ধবোছা।

ককণা। বল কি ভাই। চিবিদিন সে মা বৈ আর জানে না। আব আজ মর্ত্তো বসেছি—আজ সে পব হয়ে যাবে!

দয়াল। এদিকেও ম'র্ত্তে ব'সে, ওদিকেও ম'র্ত্তে বসেছো!

এহান

১ প্রতিবেশিনী। কি অলক্ষণ কথা পব।

ককণা। এমন ছেলে পব হ' যাবে!—হাঁ গা!

৩ প্রতিবেশিনী। শোন কেন নাহ!

ককণা। তাই যদি হয়, হোক সে ত সুখী হবে।

২ প্রতিবেশিনী। তা আর হ'ল না! এমন টুকটুকে বো।

১ প্রতিবেশিনী। যেন মা লগদ্বাটো।

২ প্রতিবেশিনী। হরগৌরী ব'সিনা!

মহিমের প্রবেশ

ককণা। এহ যে বাছা!—মুখখানা যে শুকিয়ে গিয়েছে।

প্রাতবেশিনীগণ। আমরা শুবে আজ খাসি ভাই।

ককণা। এসো।

প্রতিবেশিনীগণের এহান

করুণা। মুখখানি শুকনো শুকনো দেখ্‌চি যে! কোনও অসুখ করে নি ত ?

মহিম। না মা—তুমি এখনও খাও নি ?

করুণা। না বাবা।

মহিম। খাও গে যাও। তোমার অসুখ ক'র্বে !

করুণা। এত সুখের মধ্যে অসুখ আস্বে কোথা দিয়ে!—মহিম!
বৌ পছন্দ হয়েছে ?

মহিম। তুমি খাও আগে। নৈলে আমি তোমার কোন কথা শুনবো না।

করুণা। এই যাচ্ছি।—ও কি, চোখে জল! কি হয়েছে বাবা!

মহিম। মা!

করুণা। কি বাবা!

মহিম। মা!

বন্ধে মুখ লুকাইলেন

করুণা। (কল্পিত স্বরে) কি বাবা! কাঁদছি ক'ন ?

মহিম। না মা! কিন্তু এ কি হ'ল মা! আজ প্রাণ এত আকুল হয় কেন? কে যেন আমাকে তোমার কাছ থেকে ছিনিয়ে নিতে এসেছে! ঘরে চোব সঁধিয়েছে।—আমায় ছোড়া না মা।

করুণা। সে কি বাছা! এ কি! কাঁপছি যে—

মহিম। জানি না—কেন!—না মা, খাবে এসো। আমি তোমার খাওয়া আজ নিজে দেখবো।

করুণা। কেন!

মহিম। আমার ইচ্ছা হয়েছে।—এসো মা।

দ্বিতীয় দৃশ্য

স্থান—বিশ্বেশ্বরের প্রাসাদমঞ্চ । কাল—সন্ধ্যা ।

বিশ্বেশ্বর ও সরযু

বিশ্বেশ্বর । বলি কেমন । বর পছন্দ হয়েছে ত ।

সরযু । যান ।

বিশ্বেশ্বর । যাবোই ত । যেতে ত বসেছি । তবে দুদিন আব তর
সৈছে না—তোব বর পছন্দ হয়েছে ?

সরযু । যান ।

বিশ্বেশ্বর । তা—এখন আর আমাকে পছন্দ হবে কেন । বুড়ো
হয়েছি । এখন নতুন চাই ।

সরযু । আপনি ভাবি ছুট ।

বিশ্বেশ্বর । মাথায় টেরি, হাতে ছড়ি, চোকে চশমা, আর নবীন
গোঁফ—এ নইলে কি আব এখন মন ওঠে । তবে বর পছন্দ হয়েছে ?

সরযু । আমি আর আপনার সঙ্গে কথা কৈব না ।

বিশ্বেশ্বর । তা আব কৈবি কেন । বুড়ো হয়েছি । এতে কি আর
মন ওঠে !—সরযু ।

সরযু । দাদামহাশয় !

বিশ্বেশ্বর । আমাকে ঠিক আগেকাব মত ভালবাসবি ?

সরযু । বাস্বো ! চিরদিন বাস্বো, যতদিন বেঁচে থাকি ।

বিশ্বেশ্বর । তেমনি করে' গলাটি জড়িয়ে ধরে দাদামহাশয় বলে'
ডাকবি ? তেমনি কবে' খাবার সময় কাছে এসে বসবি ? তেমনি
আদর করে'—

সরযু। দাদামহাশয় ! আমি চলে' গেলে আপনার দুঃখ হবে ?

বিশ্বেশ্বর। তোর কি বোধ হয় ?

সরযু। তবু জিজ্ঞাসা করি, উত্তর দেন। বড় কষ্ট হবে ?

বিশ্বেশ্বর। কষ্ট ! চক্ষু দুটি অন্ধ হলে' মানুষের কি হয় সরযু ? পিতৃ-
মাতৃহীনা তোকে আমি যে হাতে বরে' মাহুষ করেছি, খাইয়ে দিবেছি।
তোর মুখ পানে চেয়ে চেয়ে দেখেছি—চোক ঠিকুরে গিয়েছে তবু যেন
দেখা শেষ হয় নি। বৃকে চেপে ধরেছি—এমন জোরে চেপে ধরেছি যে,
তুই ঘুমের ঘোরে কেঁদে উঠেছিস। তার পর বিছানা থেকে উঠে
বারান্দায় বেড়িয়ে বেড়াইছি ; মনে মনে ভেবেছি—কাকে এত ভালো
বাসছি ? কেন ভালো বাসছি ? ও আমার কে ? বৃকের রক্ত খাইয়ে
কালসাপিনী পুষেছি। যখন সে চলে যাবে, তখন যে বৃকে ভালো বাসি
সেই বৃকে ছোঁবল মেনে চলে' যাবে, আমি বস্ত্রণায় ছটফট করব, আব সে
একবার ফিরেও চাইবে না।

সরযু। দাদামহাশয় ! আমি স্বপ্নরবাতী যাবো না।

বিশ্বেশ্বর। তুই ত বলি যাবো না। সে ছাড়ে কৈ ! সে যে
কড়ি দিবে কিনেছে। এখন দড়ি দিবে বেঁধে টেনে হেঁচড়ে নিয়ে
যাবে।

সরযু। কেন আমার বিয়ে দিলেন দাদামহাশয় ?

বিশ্বেশ্বর। পরে বুঝবি কেন দিলাম, কেন আমার জুপিও টেনে
ছুঁড়ে ফেলে দিলাম ; কেন নিজের চক্ষু দুটি নিজের উপড়ে ফেলে দিলাম ;
এক দিন বুঝবি।

সরযু। কেন দিলেন ?

বিশ্বেশ্বর। তোমারই সুখের জন্য দিদি !

সরযু। আমার সুখ ? এ বিবাহে আমি সুখী হবো না।

বিশ্বেশ্বর । সে কি দিদি !

সরযু । কেন জানি না । আমার মন বন্ডে ।—দাদামহাশয় !
আমি আপনাকে ছেড়ে যাবো না ।

বিশ্বেশ্বর । বাবি বৈ কি ! শুরু যাবি ! এক বৎসর পরে উল্টো
গাইবি ; বলবি—আমি আব দাদামহাশয়ের কাছে ফিরে যাবো না ।

সরযু । ঈস্—

বিশ্বেশ্বর । তখন দেখে নিস্ ! তখন আর তোর দাদামহাশয়কে
দিনান্তে একবার মনেও পড়বে না ।

সরযু । আমি যাবো না । দাদামহাশয় ! আমি আপনাকে ছেড়ে
যাবো না । (গলদেশ জড়াইয়া ধবিলেন)—আমি যাবো না ।

বিশ্বেশ্বর । যাবি না কি ! আমার কষ্ট হবে না দিদি । সযে'
যাবে । সযে' যাবে । তুই চলে' গেলে আমি কি করব জানিস্ ?

সরযু । কি করবেন ? আত্মহত্যা করবেন না ?

বিশ্বেশ্বর । ঈস্ ! তোর জন্ত আমি আত্মহত্যা করব ! ভারি
শুভ ! ওরে তোর বিরহে আমি 'কোথায় সরযু, কোথায় সরযু,' বলে'
কেঁদে কেঁদে রাস্তায় ছুটে বেরোবো না ।

সরযু । তবে কি করবেন ?

বিশ্বেশ্বর । এই সঞ্জিহীন বিড়ালের ছানার মত আমি নিজের লেজের
সঙ্গে খেলা করব ।

চক্ষু মুছিলেন

সরযু । না দাদামহাশয়, আমি আপনাকে ছেড়ে যাবো না । (কণ্ঠ
জড়াইয়া) দাদামহাশয় !

বিশ্বেশ্বর । এ কি তোমার নিয়ম দ্যাময় ! একজনের দুঃখ নৈলে কি
আর একজনকে সুখ দিতে পারো না ! এই ভুজবন্ধন নিজের হাতে ছিঁড়ে

দিতে হচ্ছে। তার চিরদিনের আশ্রয় এই বুক থেকে তাকে নিজে
তাড়িয়ে দিয়ে পরের দ্বারে ভিক্ষুক করে' পরের ঘরের দাসী ক'রে দিতে
হচ্ছে।—না তুই থাক। কোথায় যাবি! আমার ঘর আঁধার করে' বুক
খালি করে' প্রাণ শূন্য করে' কোথায় চলে' যাবি দিদি! না, আমি
তোকে ছেড়ে থাকতে পারি না!

সরযু র গলদেশ জড়াইয়া ধরিলেন

দরোয়ানের প্রবেশ

দরোয়ান। হুজুর জনকতক বাবু এসেছেন।

বিশ্বেশ্বর। কেন?

দরোয়ান। তা জানি না হুজুর!

বিশ্বেশ্বর। এখন যেতে বল।

দরোয়ান। যে আজ্ঞে!

দরোয়ানের প্রস্থান

বিশ্বেশ্বর। সরযু!

সরযু। দাদামহাশয়!

বিশ্বেশ্বর। মেঘ করেছে না?—দেখু ত।

সরযু। (দেখিয়া) কৈ না।

বিশ্বেশ্বর। ও! আমারই ভুল!—নিতাই!

নিতাইয়ের প্রবেশ

বিশ্বেশ্বর। না কিছু না—যাও।

নিতাইয়ের প্রস্থান

সরযু। দাদামহাশয়! ও রকম কর্ছেন কেন?

বিশ্বেশ্বর। (সহাস্ত্রে) কৈ না!—আচ্ছা সরযু! তবে কাল
যাবি!

সরযু । বলেছি ত দাদামহাশয় ! আমি যাবো না ।]

বিশ্বেশ্বর । তা কি হয় ! বিয়ের পর স্বামীর বাড়ী যেতে হয় । তার পর আবার আসবি । তোরা দাদামহাশয় এমন করে' তোরা পথ চেয়ে থাকবে ।

দরোয়ানের প্রবেশ

দরোয়ান । গোমস্তামহাশয় এসেছেন ।

বিশ্বেশ্বর । কেন ?

দরোয়ান । মোলাকাত চান ।

বিশ্বেশ্বর । এখন হবে না !

দরোয়ান । বল্লেন বিশেষ দরকার ।

বিশ্বেশ্বর । এখন হবে না । যেতে বল্ ।

দরোয়ানের প্রস্থান

বিশ্বেশ্বর । এ সময় বুথা ক্ষেপণ ক'র্ত্তে পারি না । এর প্রতি মুহূর্ত্ত পবিত্র । বর্ষার আকাশে রৌদ্রের হাশ্বের মত বেশীক্ষণের জন্য নয় ! কাল দীপ নিভে যাবে । সব অন্ধকার হ'য়ে আসবে !

পরের প্রবেশ

বিশ্বেশ্বর । কে ! পবেশ ! কি সংবাদ ?

পরেশ । চাকুবাবু নীচে এসেছেন' ।

বিশ্বেশ্বর । ও ! তাঁর কন্যাদায় । আজ তাঁকে আস্তে ব'লে-
ছিলাম বটে ।—পরেশ ! তাঁকে ৫০০০ টাকা দিয়ে দাও গে যাও ।

পরেশ । দলিল আনেন নাই ।

বিশ্বেশ্বর । কিছু দরকার নাই ।—ভদ্রলোক !

পরেশ। মানুষকে অত বিশ্বাস কর্বেন না তাওয়াইমহাশয়!

বিশ্বেশ্বর। সে কি! মানুষকে বিশ্বাস কর্ব না! ঐশ্ববের শ্রেষ্ঠ সৃষ্টি, মর্ত্যে ভগবানের অবতার—যে রূপে আমরা দেবদেবীর কল্পনা করি, তাকে বিশ্বাস কর্ব না! জগতের প্রভু, সমাজের নিয়ন্তা, সভ্যতার সন্তান, ধর্মের প্রতিষ্ঠাতা, জ্ঞানের গুরু, ত্যাগের শিষ্য, স্নেহের দাস—মানুষকে বিশ্বাস কর্ব না! বল কি পরেশ! তবে কি পশুকে বিশ্বাস কর্ব?

পরেশ। অনেক মানুষ আছে, যারা পশুর অধম। যারা ভাইয়ের প্রতি অত্যাচার করে, বন্ধুর সর্বনাশ করে, স্ত্রীকে প্রহার করে, বৃদ্ধ পিতাকে ধাক্কা দিয়ে সংসার থেকে সরাতে চায়—

বিশ্বেশ্বর। ছি ছি! মানুষের নিন্দা কোরো না। মানুষ আমার ভাই! তার নিন্দাবাদ শুন্তে চাই না—যাও গোমস্তাকে বলগে—

পরেশ। কিন্তু—

বিশ্বেশ্বর। যাও বাবাজি!

পরেশের প্রস্থান

বিশ্বেশ্বর। সরযু!

সরযু। কি দাদামহাশয়?

বিশ্বেশ্বর। কথা কচ্ছিস্ না যে?

সরযু। কি কথা কৈব দাদামহাশয়?

বিশ্বেশ্বর। কি কথা কৈবি! তাও ত বটে! এখন যত কথা সেই নবীন গৌফ, আর কৌকড়া চুল, আর বাঁকা টেড়ির সঙ্গে। না?

সরযু। যান।

বিশ্বেশ্বর। আমার সঙ্গে ঐ এক কথা—‘যান’! আমি ত আর তোঁর ‘প্রাণেশ্বর’ নই!—আচ্ছা সরযু! আমার একবার প্রাণেশ্বর বলে’

ডাক দেখি ! দেখি কেমন শোনায। অনেক দিন কাবো কাছে সে
মধুর ডাক শুনি নি ! একবার ডাক দেখি !

সরযু। কি বলেন যে দাদামহাশয়—

বিশ্বেশ্বর। ঋগ্ণ একবার ডাক না। তোর প্রাণেশ্বর ত আর
এখানে নাই যে রাগ করবে। ডাক না—‘প্রাণেশ্বর’, ‘নাথ’, ‘বলভ’,
‘হৃদয়সর্কস্ব’—যা হোক একটা বিছু। ‘ডাক না। বড় যিষ্ট ডাক।’

সরযু। কেন ? দাদামহাশয় ডাক পড়ন্দ হয় না !

বিশ্বেশ্বর। ম—ন্দ নয়। তবে কি না ওর মধ্যে অতখানি বস নেই।
‘দাদামহাশয়’—বল্লি আব টকাশ ক’বে ফুরিয়ে গেল। প্রা—ণে—
শ্ব—র—কতখানি টান দেখ দোখ। বনুতে বলুতে সন্দেহেব মত অর্ধেক
জিভে জড়িয়ে গেল। সমস্তটা বলা হোন না।

সরযু। সে ত আমাব। তাতে আপনার কি।

বিশ্বেশ্বর। আমাব কি। আওয়াভটা বেহাগ রাগের মত যেন
আমান চক্ষে এসে চুম্বন কর্ণ, দেহটা যেন কি একটা নেশায় ঢলে
প’ড়ল, মমনি দুইখানি কোমল সুগোল বাহু ফুলের মালার মত কে যেন
আমার গলায় জড়িয়ে দিল ! কেমন কবিত্ব কর্ণাম দেখলি !

সরযু। খানা ! আপনি কবিতা লেখেন না কেন দাদামহাশয় ?

বিশ্বেশ্বর। মেলে না—যদি কেউ মিলিয়ে দিত, আর অক্ষরগুলোর
একটা হিসাব রাখত, আমি খুব বড় একটা কবি হ’তাম। [তবে ঐ
মেলে না।

সরযু। কেন—অমিত্রাক্ষর ?

বিশ্বেশ্বর। মাইকেল অনেক পরিশ্রম ক’বে লিখে গেছে। বেচাবীর
নাগটা লোপ কর্ণ ! তাই লিখি না !

সরযু। দেশের সৌভাগ্য !

বিশ্বেশ্বর । ঐ সূর্য্য অস্তে গেল !—চেয়ে দেখ সরযু ! আকাশে কে যেন বর্ণের জাল বুনে দিয়েছে । কি সুন্দর !

সরযু । কি সুন্দর !

বিশ্বেশ্বর । কাল সন্ধ্যায় এই ছাদের উপরে কেবল আকাশ আর আমি—আর মধ্যে রাশি রাশি অন্ধকার ।—ঐ শোন্ সরযু ।

সরযু । কি দাদামহাশয় ?

বিশ্বেশ্বর । গান শুন্তে পাচ্চিস !

সরযু । (কান পাতিয়া শুনিয়া) হাঁ—(সাগ্রহে) কে গাইছে দাদামহাশয় ?

বিশ্বেশ্বর । ভবানীপ্রসাদ । একজন কালীভক্ত । আমি তাকে মাইনে দিয়ে রেখেছি—আশ্চর্য্য মানুষ !

সরযু । কি রকম !

বিশ্বেশ্বর । বেশী কণা কয় না । ঐ দেখ, নিজের মনে গান গেয়ে চলেছে । যেন তার সমস্ত প্রাণ সমস্ত ইহকাল ঐ গানের মধ্যে ঢেলে দিয়েছে ! ঐ যে গান গাইতে গাইতে এই দিকেই আসছে ।—শোন্ ।

গাহিতে গাহিতে ভবানী প্রসাদের অবেশ ও অস্থান ।

গীত

এবার তোরে চিনেছি মা, আর কি শ্রামা তোরে ছাড়ি ।

ভবের দুঃখ ভবের আলা (এবার) পাঠিয়ে দিইছি যমের বাড়ী ।

ফেলেছিলি গোলক ধাঁধায়—মা হয়ে কি এমন কাঁদায় !

(শেষে) ছেলের কান্না শুনে অমনি (ও তোর) কেঁদে উঠলো মায়ের নাড়ী ।

হাত ধরে' নিলি মোরে (আমি) ভাবনা ভীতি গেলাম তুলে,

চোখের বারি মুছিয়ে দিয়ে (তখন) নিলি আমার কোলে তুলে ;

ভবার্গবে দিশেহারা—পাচ্ছিলি না কুলকিনারা,

(তখন) দেখা দিলি প্রবতারা (অমনি) তারা বলে দিলাম পাড়ি ।

বিশ্বেশ্বর। পৃথিবী পবিত্র হ'ল—আমার প্রাণ মায়ের নামে ভরে' গেল। সরযু!

সরযুর গলদেশে জড়াইয়া ধরিলেন

সরযু। দাদামহাশয়!

এক হস্তে বিশ্বেশ্বরের কটিদেশে জড়াইয়া ধরিয়া অপর হস্তে
বস্ত্র দিয়া চক্ষু মুছিতে লাগিলেন

তৃতীয় দৃশ্য

স্থান—পার্বতীর গৃহের বহিঃকক্ষ। কাল—রাত্রি।

পার্বতী, পরেশ ও কামীচরণ আমীন

পার্বতী। বিশ্বশুদ্ধ যে বিশ্বেশ্বরের গুণকীর্তন করে! তাঁর জমীদারীর এত আয়, অত আয়! কিন্তু নাতিনীর বিয়েতে টাকা ধার কর্তে ঘান কেন?

পরেশ। সময় অসময়ে টাকা ধার দিতেও হয়, নিতেও হয়।

পার্বতী। ধার দিতে ত কখন দেখলাম না, নিতেই ত দেখছি।

পরেশ। তিনি বড় ধার দেন না—দেন ত একেবারেই দেন।

পার্বতী। একেবারে দাতাকর্ণ!

পরেশ। নয় ত কি!

পার্বতী। দুদিন পরে হাত ধুয়ে পথে বসতে হবে আর কি!

কালী। অনেকের হাত ধুলেই ফর্সা। ফর্সা আমি এখানে বিকল্পে ব্যবহার করছি, মনে রেখো পরেশ! আর অনেকের (পার্বতীকে

দেখাইয়া) হাত সমুদ্রের জল ধুলে সমুদ্রের জল রাজা হয় কিন্তু হাতেব
দাগ যায় না; পবিষ্কার বাঙলা বলছি, না? সেক্সপীয়ার বলেছেন—
The multitudinous seas incarnadine, বেশ বলেছেন—কিন্তু
বড্ড সংস্কৃত। আমার এ খাটি বাংলা। আর—

পার্কীতী। কিন্তু পথে বসতে আব বেণা বিনাম্ব নাই
ভেনো। আমি—

পরেণ। পথে অনেকেই বসে। তবে তফাৎ এই যে, দান করে’
যে পথে বস, সে পথে বস বটে, কিন্তু সিংহাসনের উপরে বসে—পথিক
তাকে দেখে তার সন্মুখে ভাক্তভাবে জ হু পেতে অর্চনা করে। আব
অেকে দান না করে পথে বসে, আব পথের শৃগাল বুকুবও তাদের
পদাঘাত কবে’ চলে’ যায়।

পার্কীতী। দান। দান। দান! ‘বংশধর দান করে’ কবেছে
কি। আমি ধাব। দায় জমীদারী কিনেছি। আর তিনি দান করে’
জমীদারী ফোগাচ্ছেন—এই ত!

পরেণ। তিনি জমীদারী কিনেন নি বটে, কিন্তু তিনিও কিনেছেন।

পার্কীতী। কি।

পরেণ। প্রশংসা।

পার্কীতী। ফুঃ! হাওয়া। হুস্ করে’ উড়ে যায়। কিছু হয় না।
কিন্তু ডাম বঠিন পদার্থ—আবার ক’লে ফসল হয়।

কারী। এটা ত পার্কীতী বেশ বলেছে হে. আবার উৎপ্রেক্ষা
দিয়ে ললেছে। Pope বলেছেন বটে solid pudding against
empty praise. কিন্তু প্রশংসা ফুঃ! হাওয়া হুস্ করে’ উড়ে যায়—
চমৎকার। পার্কীতী! shake hands.

পরেশ। কিন্তু লোকে সকলে আপনাকে বাপাস্ত না করে' জল গ্রহণ করে না, তা জানেন !

পার্বতী। হিংসা।

পরেশ। হিংসা আপনাব। 'বিশ্বেশ্বরবাবুব প্রশংসাটি শুনলেই আপনার মুখখানা চক্রাকার হয় কেন ?

কালী। But envy withers at another's joy and hates the excellence it cannot reach.

পরেশ। বিশ্বেশ্বরবাবু ও আপনাব হিংসা কবেন না।

পার্বতী। ওহে মনে মনে করে, কেবল মুখে দেখায় না।—৩৩।

পরেশ। ষবদ্যাব, বিশ্বেশ্বরবাবুব ৩৩ বলবেন না ! সৈব না।

পার্বতী। কি ! মার্কেন না কি !

পরেশ। দবকার হয় ও। দব' ক হ না জেনো !

পার্বতী। ঈস্। ও র সাব্য !

পরেশ। তবে দেখবে !

অপ্তিন গুটীঃলেন

কালী। আগ কর কি ! এ মোটেই দার্শনিক অবস্থা নব। তর্ক কবে' মীমাংসা কব। তার বেশী যেও না।

পরেশ। না, তোমার সঙ্গে হাতাহাতি করা আমাব দজ্জার কথা।
তুমি কি একটা মানুষ ?

কালী। আহা—God made him.

চাক ও বিনোদের প্রবেশ

পরেশ। এবার এটা দস্তুরমত শয়তানের কারখানা হ'য়ে উঠলো।

সক্রোধে অহান

চারু । ব্যাপারখানাটা কি ?

পার্বতী । এই চতভাগটা আমার বাড়ী বেঘে ঝগড়া ক'রতে এসেছে—বলে মার্কে ।—এসো না (আস্তিন গুটাইতে গুটাইতে) আয় না দেখি, পাজী ।

কালী । Why পার্বতী, this is worse than quixotic. Don Quixote গিয়েছিলেন যুদ্ধ ক'র্তে wind millএর সঙ্গে । কিন্তু তুমি যাচ্ছ যুদ্ধ ক'র্তে—windএর সঙ্গে ।

পার্বতী । আচ্ছা আর একদিন দেখবো ।

বসিলেন

কালী । সেই ভালো—said like a wise man.

পার্বতী । তার পর । এদিকে খবর কি ?

চারু । নিলামে উঠেছে । ২৫ নম্বর লাট শ্রীপুর । ২৭এ জুলাই ।

পার্বতী । তা জানি ! নীলামী ইস্তাহার !

চারু । জারি হবে না । ঠিক করেছি ।

পার্বতী । কেযাবাং ! তবে তুমি এখন এস চাক । আমি একবার এটর্নির ওখানে যাব ।

চারু । কেন আমিই যাচ্ছি ।—বল না কি ক'র্তে হবে !

পার্বতী । এখন তোমার আর কোন কাজ নাই ?

চারু । আমার আবার কাজ ! আমার এই ত কাজ ।

পার্বতী । আচ্ছা তবে এই কাগজখানা নিয়ে যাও । সেই করে' দিবেছি । আর সব তিনি জানেন । নাও ।

বাল্ল খুলিয়া কাগজ চাকর হাতে দিলেন

চারুর এস্থান

কালী । For Satan finds some mischief still for idle hands to do.

পার্বতী । তার পর—এদিকে ?

বিনোদ । সব ঠিক !

পার্বতী । কত চায় ?

বিনোদ । বেশী নয় (কর্ণে কর্ণে কহিয়া)—নিখুঁত সুন্দরী ।

পার্বতী । গাষ ভালো ?

বিনোদ । উঃ !

পার্বতী । ঠিক করে' ফেল ।

বিনোদ । আচ্ছা তবে আমি আসি । বিশেষ দরকার আছে ।

এহান

কালী । ওদিকে ঘেঁসো না বলছি পার্বতী ; বাড়ী বসে' ব্রাণ্ডি খাও—বাস ! কিন্তু মেয়েমানুষ—জানো না—

What dire offence from amorous causes springs,

What mighty contests rise from trivial things.

এহান

পার্বতী । 'আমি মাথার চুলের ডগা থেকে পাথের ক'ড়ে আঙ্গুলের নোধ পর্যন্ত—পাষণ্ড ! কি কাজ না ক'র্তে পারি !—চুরি ? যতদূর সম্ভব এ চুরি !) জমীদারী চুরি—ইস্তাহার রদ করে'—তা সকলেই করে' থাকে । বিষয় ক'র্তে গেলেই ও সব চাই । আসরে নেমে আর ঘোমটা কেন ! আর এদিক ? আমোদও চাই ত । এর চেয়ে ঢের ধারণা কাজ করেছি । একদিন—

হিরণ্ময়ীর প্রবেশ

হিরণ্ময়ী । এই যে !

পার্বতী । (চমকিয়া) কে তুমি ।

হিরণ্ময়ী । কেন আমি ! চেয়ে দেখ, চিন্তে পারো কি না ।

প্রদীপ নিজের মুখের কাছে ধরিলেন

পার্বতী । (সবিস্ময়ে) হিরণ্ময়ী !

হিরণ্ময়ী । চিন্তে পেরেছ ?

পার্বতী । তুমি কোথা থেকে ?

হিরণ্ময়ী । পাগলা গাবদ থেকে ।

পার্বতী । পাগলা গাবদ থেকে ?

হিরণ্ময়ী । হ্যাঁ, পাগলা গাবদ থেকে । সেখানে কেন গেলাম শুনবে ?

পার্বতী । কেন ?

হিরণ্ময়ী । তোমার অসীম অনুকম্পায় । তবে শুনবে ?

পার্বতী । কি ?

হিরণ্ময়ী । তোমার দয়ার কাহিনী ! তার প্রত্যেক অক্ষর থেকে 'টস্ টস্ কবে' রক্ত পড়ছে ; তার প্রত্যেক ছত্র এক একটা শয়তানী । তবে শোন—তুমি যখন আমায় বিনা খাওয়া, বিনা বসন, সেই নিদারুণ শীতে বিনা একখানি ছেঁড়া কম্বল, সেই ভাঙ্গা কুঁড়ে ঘরে ফেলে এলে, তখনই আমি পাগল হ'য়ে যেতাম ; যাই নাই শুদ্ধ বাছার চাঁদমুখখানি পানে চেয়ে । কিন্তু সে গাঢ় অন্ধকারে আমার সে প্রদীপটিও নিভে গেল । বাছা আমার সেই মাঘের শীতে না খেতে পেয়ে মারা গেল । আমি আমার শরীরের উত্তাপ দিয়ে ঘিরে তাকে রক্ষা কর্তাম, বন্ধ নিংড়ে দুধ বাঃর ক'রে তাকে খাওয়াতাম ! কিন্তু যে নিজে তিন দিন অনাহারী,

তার দেহে উদ্ভাপ কোথায় ? তার শুনে দুঃস্থ কোথায় ? বাছা আমার
শীতে না খেতে পেয়ে শুকিয়ে কুঁকড়ে আড়ষ্ট হ'য়ে মারা গেল ।

স্বর কাঁপিতে লাগিল

পার্বতী । তাতে আমার কি ।

হিরণ্যগো । তোমার কি ! হাঁ—তা বটে, তাতে তোমার কি !
সে ত আর তোমার সম্মান নয় । সে যে আমার নয়নের তারা, আমার
সাগর-ছেঁচা মাণিক, আমার বুকভরা ধন, আমার সর্বস্ব ।

ক্রন্দন

পার্বতী । তা কেঁদে কি হবে !

হিরণ্যগো । কিছু হবে না । কেঁদে কিছু হবে বলে' লোকে কাঁদে
না । কান্না আসে বলে' কাঁদে । আমি কেঁদে তোমার মন গলাতে
আসি নি । তোমার আশ্রয় ভিক্ষা ক'র্ত্তে আসিনি । এক দিন ছিল,
যে দিন তুমি একশিশ 'সেন্ট' কিনে এনে দিলে আমি মাথায় করে'
নিতাম । কিন্তু আজ তুমি যদি কুবেরের ঐশ্বর্য্য এনে আমার পায়ে
ঢেলে দাও, আমি তাতে পদাঘাত কবে' চলে' যাই ।

পার্বতী । তবে এখানে এসেছ কেন ?

হিরণ্যগো । তোমার কাঁর্ত্তি তোমায় শুনিযে পরে ম'র্ত্তে ।
শোন । যখন দেখলাম—যে আমার বাছা কাঁদে না, নড়ে না, চোখ
মলে না—তখন আমি চীৎকার কবে' কেঁদে উঠলাম—এমন চীৎকার
করে' কাঁদলাম, যেমন বোধ হয় পৃথিবীতে কেউ কখন কাঁদে নি ! কিন্তু
কেউ তা শুন্তে পেল না । শীতের কুজ্জাটিকা বোধ হয় পথে সে ক্রন্দনের
কণ্ঠরোধ করল । তার পর সেই মৃত শিশু কোলে করে' ছুটে বেরোলাম ।
ওছট খেয়ে পড়ে' গেলাম । পরে যখন জ্ঞান হ'ল, দেখলাম যে, আমি

পুলিশের কবলে, আর আমার মৃত শিশু আমার বন্ধে নাই। তার পর তারা বিচারকর্তার কাছে আমায় নিয়ে গেল। ডাক্তার আমায় পরীক্ষা করল। আমায় কি সব কথা জিজ্ঞাসা করল—বুঝতে পারলাম না। আমি কি জবাব দিলাম—মনে নাই। পরে আমায় তারা একটা বাড়ীতে পাঠিয়ে দিল—গুনলাম সেটা পাগলা গারদ। দশ বৎসর সেখানে বাস করে' পরণ্ড সেখান থেকে বোরয়ে এসেছি।—এই তোমার কীর্তি।

পার্কতী। সে আমার দোষ নয়।

হিবগ্নথী। না, তোমার দোষ নয়। সব দোষ এই হতভাগ্য নারীজাতির। সব দোষ আমার। দোষ আমার যে, আমি তোমায় বিশ্বাস করেছিলাম; দোষ আমার যে, আমি ধর্ম দিয়েছিলাম; দোষ আমার যে, তোমায় নিদ্রিত পেয়েও হত্যা করি নি।

পার্কতী। কি বল্ছ উন্মাদিনী।

হিবগ্নথী। (হাসিয়া) ও! এখন থেকেই সাফাই তৈরি কর্ছ! আমি পাগলা গারদের ফের্তা বটে, কিন্তু আমি আর পাগল নই। ডাক্তার পরীক্ষা করে' বলেছে আর আমি পাগল নই, তবে আমায় ছেড়ে দিয়েছে। উন্মাদের প্রলাপ বলে' এমন একটা ভীষণ সত্য, এমন একটা নিষ্ঠুর পরিত্যাগ, এমন একটা মহা শয়তানী উড়িয়ে দিতে চাও। আশুন কি নেকড়া চাপা থাকে!

পার্কতী। (সাহুনেবে) হিবগ্নথী!

হিবগ্নথী। ভয় নাই, সে কথা রাষ্ট্র কর্ছ না। বিচার হ'য়ে তোমার জেল হবে। ফুরিয়ে গেল। নিজের কলঙ্কের কথা রাষ্ট্র করে' কি হবে! আমি যদি রাস্তায় দাঁড়িয়ে চাঁচিয়ে বলি যে, তুমি একটা হৃদয় ভোঙ্গ দিয়েছ, একটা জীবন মক্ৰভূমি করেছ, একটা কুলবালাকে মজিয়েছ, জগৎ হেসে সে কথা উড়িয়ে দেবে; বলবে, "তুমি নিজের সর্বনাশ করেছ—ওর



দোধ কি, ব্যাধের ব্যবসাই ত হত্যা কবা, পুরুষেব স্বভাবই ত নারীর সর্বনাশ কবা ; তুমি কেন ধরা দিতে গিয়েছিলে ।” তোমার কেউ দোষ দিবে না । আমার যদি শও জিহ্বা থাকতো, আর প্রত্যেক রসনা জয়ভেবীর শব্দে সে কথা প্রকাশ কর্তে পার্তে, সংসার পাথরেব মত স্থির হ’যে তা শুন্তো । বাড়ীগুলো ভেঙে পড়ে’ যেত না, গাছগুলো জলে উঠ’ত না । সব পূর্ববৎ খাড়া দাঁড়য়ে থাকতো । কিন্তু তুমি তোমাব ভীষণ ভবিষ্যৎ ভেবে শিউরে ওঠো, শিউরে ওঠো, শিউরে ওঠো ।

পার্কতী । চীৎকার কোবো না ।

হিরণ্ময়ী । চীৎকার কর্কা না ! যদি পার্কাম ত এমন একটা চীৎকার কর্কাম যাতে আকাশ চৌচীব হ’য ফেটে যেত, যাতে জগতের সব আর্কনাদ একসঙ্গে নিনাদিত হোত, যাতে ঈশ্বর কেঁপে উঠ’তেন । কিন্তু— হায় ভগবান ! মানুষেব ইচ্ছাকে এত প্রবল, আব শক্তিকে এত দুর্বল করেছিলে !

ললাটে করাঘাত করিয়া উদ্ভ্রাস্তভাবে জুও প্রধান

চতুর্থ দৃশ্য

স্থান—শাস্তার বাসবাটী । কাল—অপরাহ্ন ।

শাস্তার গীত

আমি, চেয়ে থাকি দূর সাক্ষা গগনে
—ধীরে দিবা হয় অবসান ।

আমি নিভূতে রজনীরে করি অভিবিক্ত নৈশ-উপাধান ।
উধা অনাদরে এসে কিরে যায়,
লাগে এসে বায়ু বিকারের গায়,
তন্ত্রাজড়িত অলস শ্রবণে পশে প্রভাতের পিকগান ।

আমি জানি না কাহারে বলিতে আপন,

তারা, এসে হেসে চলে' যায় ;

আমি অপর কাহার জীবন যাপন

করি যেন এসে বহুদায়—

আমি বেঁচে আছি—নাহি জানি কি কারণ,

—জীবন শুধুই জীবনধারণ ;

আমি চাপিয়া চক্ষে রাগি আঁধারি,

চাপিয়া বক্ষে অপমান ।

ওস্তাদের প্রবেশ

শান্তা । আইয়ে ওস্তাদজি ! মেরা মেজাজ আজ ঠিক নেহি হয় ।

ওস্তাদ । ঠিক নেহি হয় ! কেয়া ছয়া বেটি ?

শান্তা । তবিয়ে আছি নোহ, আওর কুছ নেই । আভি একঠো
ময় বাকলা নীত কসবৎ কর্তি থি ।

ওস্তাদ । বহৎ খুব—লেকেন—

শান্তা । (হাসিয়া) ওস্তাদজি, সব বাতমে একঠো 'লেকেন'
হোনা চাহিয়েই ।

ওস্তাদ । ওহো ! সমজ্জ গই । লেকেন উয়ো হামরা আদৎ হো
গই—লেকেন—

শান্তা উচ্চ হাসিল

ওস্তাদ । কেয়া মিঠা আওয়াজ ! তোমারা হাসই নীত হয়—আওর
কেয়া গীত গায়খি বেটা ।

শান্তা । উস্ হাস শুনকে কই রূপেয়া দেগা ওস্তাদজি ।

ওস্তাদ । নেই দেনেসে কেয়া হরজ্জ,—

শান্তা । খানা পিনা চলোগা কেইসে

ওস্তাদ। উহ মুস্কিল কি বাত হয় বেশখ্। লেকেন গীত বেচেনেকা
চীজ নেহি হায। গায়েগী দিলসে, যো শুনেগা উহ মসগুল্ হো যায়গা।
গুল কেয়া গাহক কো ওয়াস্তে রং বেরং হাস্তা হয় বেটী ?

শান্তা। বহৎ খুব। আজ সেলাম ওস্তাদজি।

ওস্তাদ। সেলাম! কাল আওয়েঙ্গে ?

শান্তা। বেশখ্। আদাব!

ওস্তাদ। আদাব!

এহান

শান্তা। সত্য কথা বলেছো ওস্তাদজি—এই গান বেচে খেতে হবে!
আর একটা কথা তুমি বল নি আমার দুঃখ হবে বলে—কিন্তু সে কথা ঐ
কথার মধ্যেই আছে। দুঃখের সেরা দুঃখ এই যে এই রূপ বেচে খেতে
হচ্ছে! নারীর রূপ—যা ঈশ্বরের শ্রেষ্ঠ দান; নারীর রূপ—যা ইন্দ্রধনুর
মত সেই অনাদি শুভ্র রূপকে বঞ্জিত করে; নারীর রূপ—যার মহিমায়
পৃথিবী মদভরে উঁচু করে স্বর্গকে বন্দযুক্তে আহ্বান করছে, যেন বলছে—
দেখাও দেখি এর মত তোমার কি আছে; নারীর রূপ—যাব পদতলে
সমস্ত বিশ্ব-সৌন্দর্য এসে লুটিয়ে পড়ে; যার দিকে চেয়ে শব্দ সঙ্গীতে বেজে
ওঠে, ভাষা ছন্দে গেয়ে ওঠে, জ্ঞান উন্মাদ হয়, ভক্তি নতজানু হ'য়ে
ছুষে পড়ে, যে সৌন্দর্যের কোমল করস্পর্শে পশুও বশ হয়; সেই
নারীর রূপ বেচে খেতে হচ্ছে! ওঃ! (বেড়াইতে বেড়াইতে সহসা
নিজের প্রতিচ্ছবি প্রকাণ্ড আয়নায় দেখিয়া) ও কে! না আমারই
প্রতিচ্ছবি! (নিরীক্ষণ) মহিমাময়! এ রূপ পুরুষ কামুক ভাবে স্পর্শ
ক'র্ত্তে পারে! এ রূপ দেখে পুরুষ সবিস্ময়ে ভক্তিভরে এর পায়ের তলায়
এসে লুটিয়ে পড়বে না? তবু এই রূপ লাগসার গ্রাস থেকে রক্ষা করবার
জন্ত অস্ত্র নিষে বেরোতে হয়! আশ্চর্য্য!

দাসীর প্রবেশ

শান্তা। (চমকিয়া) কে!

দাসী। গোপালবাবু এসেছেন।

শান্তা। তাড়িয়ে দে! কুকুর লেলিয়ে দে!

দাসী। তাড়িয়ে দেবো?

শান্তা। হাঁ—নিকালো! নিকালো!

দাসী। সে কি! ও কি! ও রকম করছ কেন!

শান্তা। না না যা, চলে' যেতে বল। আমি তার সঙ্গে সাফাৎ করব না।

দাসী। যদি তিনি জিজ্ঞাসা করেন "কেন?"

শান্তা। উত্তর দিস্ না—আচ্ছা উত্তর দিস্! বলিস্ আমি তাকে ঘৃণা করি—

সব্বসে প্রস্থান

দাসী বিষ্ময়ে চলিয়া গেল

শব্দওম দৃশ্য

স্থান—ককণাময়ীর কুটীর। কাল—রাত্রি।

ককণাময়ী ও দয়াল দাঁড়াইয়া কথোপকথন করিতেছিলেন

ককণা। আমার জীবনের সাধ মিটেছে—ছেলের বো পেয়েছি।
এখন ম'র্ত্তে পার্লেই হয়। তারা ব্রহ্মময়ী! পার কর মা!

দয়াল। এত তাড়াতাড়ি কেন? আরও একটু দেখে যাও।

ককণা। আর দেখতে চাই না ভাই! এর পরে কি হবে কে
জানে। দিন থাকতে সরা ভালো।

দয়াল। ঐ যে তোমার গোপাল আসছেন।

মহিমের প্রবেশ

মহিম। মা!

করুণা। কি বাবা!

মহিম। কি! আমার পানে চাইছ যে! ও! বুঝছি।
আমি যাচ্ছি।

করুণা। (মহিমের স্বন্ধে হাত দিয়া) কি বাবা! মুখখানা ভার ভার
দেখছি যে! (সাগ্রহে) কি হয়েছে বাপ?

মহিম। মা, তুমি বোকে বকেছ?

করুণা। বোমা কিছ বলেছে না কি?

মহিম। না—তবে—তুমি বকছিলে আমি শুন্ছিলাম।

করুণা। নিজেই যখন শুনেছ—তখন আর জিজ্ঞাসা করছ কেন
বকেছ কি না? হাঁ বাবা, আমি বোমাকে বকেছি। সংসারের কাজকর্ম
শেখাতে হ'লে মাঝে মাঝে ধমক ধামক দুটো একটা দিতে হয়।

মহিম। তার কাজ শেখার দরকার কি?

করুণা। ওমা তা নৈলে চলে! আমি ত আর চিরকাল থাকবো
না। একদিন ত এই সংসার তাকেই দেখতে হবে।

মহিম। যখন হবে তখন দেখা যাবে। এখন কি!

করুণা। মেয়েমানুষের ঘরের কাজকর্ম শেখা দরকার—তা এখনই
কি আর তখনই কি! আর আমি বুড়ো হয়েছি—একা সব পেরে উঠি না।

মহিম। এতদিন ত পাচ্ছিলে! মা, আমি ঘরে বো এনেছি দাসী
আনি নি। আমার মরা বো কাজ কর্তে পারবে না।

করুণা সবিস্ময়ে চাহিয়া রহিলেন; পরে ধীরে ধীরে কহিলেন—

করুণা। বেশ—তা—আচ্ছা যতদিন বেঁচে থাকি, আমিই করব।
তোমার বোকে পুতুল সাজিয়ে তুই কোলদ্বায় তুলে রেখে দিস।

মহিম। না, বৌ এখানে আর থাকতে পারবে না। ওর শরীর খারাপ হচ্ছে। তুমি ওকে কিছু দেখ না। তার উপর!

করুণা। তার উপর—খাম্লে কেন! বলে' যাও বাবা।

মহিম। সত্য কথা বলবো তাতে দোষ কি! ও বড়মানুষের নাতনী—কারো চোখবাক্সানী কখনও সহ্য করে নি। তুমি যা পাবো, ও তা পারে না।

করুণা। ও! বেশ! আমি আর তোর বৌকে একটা কথাও বলবো না।

মহিম। না—আব তা—ওর—না—ও তার দাদামহাশয়ের বাড়ী চলে' যাবে।

করুণা। ও! তোর দাদাশুভ্রের বাড়ী কলকাতায়, আর তোর কলেজ কলকাতায়—ভাই! না?

মহিম। না মা, তার জন্ম নয়। ও এ পাড়াগাঁয়ে থাকতে পারবে না। এ ভাস্কি কুঁড়ে ঘরে ও থাকতে পাবে না। বিশেষতঃ তুমি ওকে কিছু দেখ না। ও নিজের বাড়ী চলে যাবে।

করুণা। আব এ ওর পরেব বাড়ী। বেশ! তা ও যাব কেন! আমিই যাচ্ছি! আমি কাশীবাস করব। এতদিন আমার তাই করা উচিত ছিল। তাহলে তোর ভালবাসা বুকে করে' মর্ন্তে পার্তাম। মা আমি—আজ একজন পরের মেয়ে এসে আমার মৌরুখী আস্তানা থেকে আমায় তাড়িয়ে দেয়—তাও দেখতে হ'ল! মা দুর্গা! আমি বুড়োবয়সে সংসারে মজে' আছি, সব ভুলেছি, তবু ছেলের চিন্তা ভুলতে পারি নি—যখন তোমার পায়ে সব টেলে দেওয়া উচিত ছিল—তার খুব শাস্তি দিলি মা! ঘাড় পেতে নিচ্ছি! আর না। মহিম, আমার কাশী যাবার বন্দোবস্ত করে' দাও।

মহিম । বেশ কালই দেবো ।

করুণা । তোর বৌকে নিয়ে তুই সুখে ঘরকন্না কর । আমি শুনেও সুখী হব । তুই সুখে থাক বাছা । আর কিছু চাই না । তবে মাযের চেয়ে তোর বৌ বড় ভাল—এই কথাটা চিরদিন আমার বুকে কাঁটার মত বিঁধে থাকবে । কোথাকার এক বেহায়া হাঘরে মেয়ে—

মহিম । মা, মুখসাম্লে কথা কও । ও হাঘরে মেয়ে না তুমি হাঘরে মেয়ে ?

দয়ালের প্রবেশ

দয়াল । চোপ্‌বও বেযাদব ! মাযের কথার উপর কথা ! উচ্ছন্ন যেতে এসেছি স্তম্ভভাগা—বেবো বাড়ী থেকে ।

মহিম । কার বাড়ী ?

দয়াল । দিদির বাড়া । এখনও তোর মা মরে নি জানিস্ । যা তুই তাঁর ত্যাজ্যপুত্র । মাযের কথার উপর কথা !—দিদি ! তোমার ও ত্যাজ্যপুত্র । বা'র করে' দাও বাড়ী থেকে !—দিদি ।

করুণা । না না—ও যে ছেলে—ও যে ছেলে । ছেলেকে কি তা বলতে পারি । ছেলেকে কি বলতে পারি “বেরিয়ে যা বাড়ী থেকে ।” তা কি পারি দয়াল ! আমি যে মা—মা !—বাছা, তোর বৌকে আমি আব একটা কথা বলবো না । সে আমাব বাড়ীব রাজরাণী হ'য়ে থাকুক আমি তাকে দেখব, তার দানীপনা করব ! , কেবল তুই আমায় তেমনি ভালোবাস, যেমন একদিন বাসুতিস্ । আমার গলাটি জড়িয়ে তেমনি আদর করে' হেসে মা ব'লে ডাক—যেমন ডাকতিস্ ! বুড়ো হয়েছি । আর ক'দিন ! তার পর আমায় একেবারে ভুলে যাস্ ! আমি আর চাইতে আসবো না । তবে যে ক'দিন বেঁচে আছি—তোর মা যেন সেই মা-ই থাকে—বাছা আমার !

কাঁপিতে কাঁপিতে মহিমের পায়ের তলার পড়িয়া গেলেন

সরযু প্রবেশ

সরযু। ও কি কর্ছ মা! ও কি কর্ছ! ছেলের পায়ের তলায়
মা!—ওঠো মা, নৈলে পৃথিবী উল্টে যাবে, সূর্য্য থমে' পড়বে, আকাশ
জমাট হ'য়ে যাবে, সমুদ্র শুকিয়ে যাবে, ব্রহ্মাণ্ড কেঁপে উঠবে।
(মহিমকে)—কি! অথাক্ হ'য়ে আমার মুখের পানে চাইছ কি!
ওদিকে চেয়ে দেখ। দেখ, তোমার পায়ের তলায় মা! (করুণাময়ীকে)
—ওঠো মা (উঠাইলেন) অবোধ ছেলের অপরাধ নিও না। (মহিমকে)
তবু চুপ করে' দাঁড়িয়ে! হাত ষোড় কর। পা জড়িয়ে ধর—তোমার
চোখের জলে মায়ের ঐ রাজা পা দু'খানি ধুইয়ে দাও। করেছে কি!

মহিম। মা, ক্ষমা কর।

পা জড়াইয়া ধরিলেন

সরযু। মা, তোমার ছেলেকে কোলে নাও। আর—আমি তোমার
দাসী। ঘরে কাজকর্ম্ম শিখি নি। শিখিয়ে নিও মা। আমার অপরাধ
ক্ষমা কর।

পদতলে পড়িলেন

করুণাময়ী। ওঠ মা লক্ষ্মী! যদি রাগের মাথায় কিছু বলে থাকি
কিছু মনে করিস্ না মা। বুড়ো হয়েছি—সব সময় সব কথা গুছিয়ে ঠিক
করে' বলতে পারি না। বাছা আমার!

মহিমকে ও সরযুকে বক্ষে ধারণ করিলেন

[দয়াল। (চক্ষু মুছিতে মুছিতে) হারে মা! ঈশ্বর কি দিয়ে
তোমায় গড়েছিলেন। এই মানব জীবনের তপ্ত সৈকতে এই মাতৃস্নেহের
অমৃতসমুদ্র উচ্ছলিত হয়ে যাচ্ছে!—মানুষ নান কর, পান কর, পবিত্র হও।

দ্বিতীয় অঙ্ক

প্রথম দৃশ্য

স্থান—ককণামৌর কুটীবকক্ষ । কাল—সন্ধ্যা ।

ককণাময়ী ও দয়াল

ককণা । মহিম আমার ঠিক আসবে । বড়দিনের ছুটিতে বৎসরান্তে
সে আমার কাছে আসবে না ? চিবদিন এসেছে । আজ আমার জ্বর
শুনেও সে আসবে না । তা কি হ'তে পারে দয়াল !

দয়াল । কখন কখন চিবদিনের অভ্যাস একদিনে যায় দিদি !

ককণা । না না । তা কি যায় ! তা কি যায় !

দয়াল । বিশেষতঃ এমন খারাপ অভ্যাস !—মাতৃভক্তি ! মানুষ মদ
ছাড়তে পারে না , কুসঙ্গ ছাড়তে পারে না । কিন্তু মাকে এক দিনে
ছাড়তে পারে ।

ককণা । পারে ? মানুষ তা পাবে ! পশু পারে বটে ।

দয়াল । অনেক মানুষ আছে, যাদের আর পশুদের মধ্যে এই তফাৎ
যে, পশুব চরটে পা আব লেজ আছে, আব মানুষের দুটো পা আর
লেজ নেই ।

ককণা । তুমি যে বাল্ল সে তোমায চিঠি লিখেছে যে, ১৬ই পৌষ
আসবে । সেই দিন থেকে আমি দিন গুন্ছি ! আজ ত ১৬ই পৌষ
সে নিশ্চয় আসবে । চিঠি লিখেছ—

দয়াল । চিঠি ত লিখেছে ! কিন্তু সে চিঠির যদি ভঙ্গী দেখতে
দিদি ! পেন্সিল দিয়ে—হিজিবিজি—পড়া ছুঁকর । যে ঘোড়ায় চড়ে'

লিখেছে—আর সে ঘোড়া তখন যেন শিরূপা তুলছে! তবে সে আমার পত্রের উত্তর দিয়েছে বটে। তাই আমার—তোমার—পরম সৌভাগ্য।

করুণা। না। মহিম আমার সে বকম ছেলে নয়। মহিম আসবে, ঠিক আসবে। আমার প্রাণ বলছে আসবে।

দয়াল। মাযেব প্রাণ অনেক মিছা কথা বলে দিদি।

করুণা। (সহসা আগ্রহে) ঐ বুঝি আসছে।

দয়াল। কৈ?

করুণা। ঐ গাড়ীর শব্দ শুনছো না?

দয়াল। শুনছি। পৃথিবীতে বুঝি মহিমই একা গাড়ী চড়ে।

করুণা। ঐ দেখ দেখ—ঐ গাড়ী।

দয়াল। গাড়ী বটে, সে বিষয়ে সন্দেহ নাই।

করুণা। চুপ্—না—না, গাড়ী চলে' গেল।

দয়াল। হা রে মা!

করুণা। বড়দিনেব ছুটি হয়েছে ঠিক?

দয়াল। হাঁ দিদি। শুধু হয়েছে না, প্রায় ফুবিয়ে এল।

করুণা। তন্দে—বাছাব কোন অসুখ-বিসুখ করে নিত?

দয়াল। হা বে মাযেব প্রাণ!

করুণা। আনায় নিয়ে চল দয়াল। আমি তাব কাছে যাবো।

দয়াল। কোথায় যাবে? বেগাই বাড়ী? শাও, দেখবে তোমার ছেলে চন্দ্রের সুখা পান করছে, ফুলের হাওদায় স্নান করছে। তুমি গিষে তার সুখেব স্বপ্ন ভঙ্গ করবে। তুমিও মনে ব্যথা পাবে, সেও মনে ব্যথা পাবে।

করুণা। সে ছুটিতে তার মাকে ছেড়ে তার দাদাশুভ্রের বাড়ী গিয়েছে! এ কি হ'তে পারে!

দয়াল। যাও গিয়ে দেখ !

ককণা। তুমি তাকে জানো না। আমি তাকে জানি। আমি তাকে গর্ভে ধরেছি। সে তেমন ছেলে নয়।

দয়াল। ঈশ্বর কি দিয়ে এই মা তৈরী করেছিলে ! দিদি ! দাওয়ায় বসে' পথপানে চেয়ে থাকলেই কি সে আসবে ? ঘরের ভিতরে যাও। হিম পড়ছে। তোমার জ্বর হয়েছে। আজ একাদশী করেছে। হিম লাগিও না !

ককণা। (উঠিয়া) এই যাচ্ছি ভাই।

দয়াল। আমি তবে আসি দিদি ! কাল সকালে আবার আসবো !
—আর ঠাণ্ডা লাগিও না, সন্ধ্যা হ'য়ে এস !

ককণা। আমারও সন্ধ্যা হ'য়ে এলো !—তারা ব্রহ্মময়ী ! তবে সত্যই কি বাছা এলো না ! সত্যই কি—এ কি গলা ধরে' আসে কেন ! চোখে অন্ধকার দেখি কেন !—না সে আসবে ! সে আসবে ! এ কি হ'তে পারে ! ছেলে ত ! না, আমি আজ সারারাত এই দাওয়ায় বসে' তার পথ চেয়ে থাকবো ! সে আসবে। আর যদি না আসে—ঐ যে মা বলে' ডাকলো না ? এই যে আমি, বাছা আমার !

* দৌড়িয়া বাহিরে যাউতে উদ্যত

বৃদ্ধ ভিখারীর প্রবেশ

ভিখারী। আজ রাতে একটু থাকবার ঠাই পাই মা !

ককণা। ওঃ ! (দুই হস্তে মুখ ঢাকিলেন)—এসো বাছা !

দ্বিতীয় দৃশ্য

স্থান—পার্বতীর বহিঃকক্ষ । কাল—প্রভাত ।

পার্বতী ও চাক

পার্বতী । নিলাম আজই ?

চাক । হাঁ আজই ।

পার্বতী । আঃ ! ৫০০০ টাকা কোথাও পেলে না ? ঠিক এই সময়ে আমার টাকা হাতে নাই । তুমি আর একবার যাও । না পাও, ব্যাঙ্ক থেকে টাকা ধার কর্তে হবে ! যাও—

চাক । আচ্ছা যাচ্ছি । একটা কাজ করব !

পার্বতী । কি ?

চাক । মন্দ কি ! ঐ যার শিল যার নোড়া তারই ভান্ডি দাঁতের গোড়া ।

হাস্ত ও অস্থান

পার্বতী । কি মতলব এঁটেছে ! অত হাসে কেন !—এই যে পরেশ আর কালীচরণ ।

পরেশ ও কালীচরণের প্রবেশ

পার্বতী । কি পরেশবাবু ! হঠাৎ যে এ দীনের বাড়ীতে পদার্পণ ?

পরেশ । এই কালীবাবুর সঙ্গে বেড়াতে বেড়াতে ভুলে এসেছি । ষাই ।

অস্থানোত্ত

পার্বতী । আরে যাবে কেন ! বোস্ ! বলি এখন তোমাদের বিশ্বেষরের সংবাদ কি ! এখনও কি বিশ্বগুরু তাঁর গুণগান কর্ছে ?

পরেশ। কচ্ছে বৈ কি পার্শ্বতীবাবু!

পার্শ্বতী। এখনও তিনি হুহাতে গরীব হুঃখীকে বিলোচ্ছেন?

পরেশ। বিলোচ্ছেন বৈ কি।

পার্শ্বতী। কি বিলোচ্ছেন?

পরেশ। খুদ কুঁড়ো।

পার্শ্বতী ঠাসিলেন

কালী। পার্শ্বতী! তোমার খুব আনন্দ হচ্ছে?

পার্শ্বতী। না, আনন্দ নয়। তবে বিশ্বেশ্বরের ড্যামাক দেখে অবাক হচ্ছিলাম। আজ তার বিষদাত ভেঙ্গেছে এই এল্‌ছিলাম—আর কিছু নয়।

পরেশ। পার্শ্বতীবাবু! এই বিশ্বেশ্বরবাবু অনেক দোষ থাকতে পারে, কিন্তু ড্যামাক ত দেখি নি।—মাটির মানুষ।

পার্শ্বতী। মাটির মানুষ। ড্যামাকে মাটিতে তাঁব পা পড়ে না।

পরেশ। সে কি পার্শ্বতীবাবু। তিনি রাস্তা দিয়ে ত হেঁটেই যান—অথচ তাঁব এমন টাকা এখনও আছে যে, তিনি চৌঘুড়ি চালাতে পারেন। কি! হাসছেন যে!

পার্শ্বতী। তিনি হেঁটে যান বটে—‘কিন্তু মাথা উঁচু করে’। আশে-পাশে আমাদের দিকে ফিরে দেখবারও তাঁর অবকাশ হয় না। তিনি আমাদের ঘৃণা কবেন।

পরেশ। তিনি সংসারের কাউকে ঘৃণা কবেন না—তোমাকেও না। নইলে, যে পাপিষ্ঠ, যার হাতছানি দীনহুঃখীর বক্তে মাথা, যে ইস্তাহাব গাপ করে’ ছলে জমীদারী চুরি কবে—

পার্শ্বতী। কে বলে?

পরেশ। আমি বলি।

পার্শ্বতী। তুমি আমার ছুর্নাম করছ।

পবেশ । কচ্ছি । তোমার যা সাধ্য হয়, কর ।

পার্বতী । আমি তোমায় জেলে দেব !

পবেশ । ঈস্! জেলে দেওয়া তোমার মুঠোর মধ্যে কি না !

জেলে দেবে—দাও না ।

পার্বতী । তুমি আমায় অপমান করেছো—এই কালীবাবুর কাছে ।

পবেশ । দবকাব হয় ত হাতে এ কথা টেঁচিয়ে বলতে পারি !

তাই চাও ?

কালী । Tell it not in Gath ; publish it not in the streets of Askelon.

পার্বতী । এহ কথা তুমি বলতে পারো যে, আমি প্রতারক ?

পবেশ । প্রতারক ! তোমার যোগ্য বিশেষণ অভিধানে খুঁজে পাই না ! চোর, লম্পট, ধাঙ্গলাবাজ, অ ভধানে অনেক কথা আছে । কিন্তু সব শব্দগুলি এক কলেও তোমার ঠিক বর্ণনা হয় না । যতই বলি না কেন, কিছু ঠিক থেকে যায় । যতই নামি না কেন, তোমার নাগাল ধর্তে পারি না । যতই মাপি না কেন, তোমার অন্ত পাই না । ইতিহাসে তোমার মত চরিত্র পাড় নি । সংসার খুঁজে তোমার জুড়ি মেলে না । তুমি একটা অনিয়ম, তুমি একটা অপচাব, তুমি একটা ব্যাধি, তুমি একটা আবজ্জনা ।

পার্বতী । ওনুছো কালী ! তোমায় সাক্ষী দিতে হবে । (পবেশকে) তোমায় জেলে না দিই ত আমার নাম পার্বতীচরণ ঘোষ নয় ।

পবেশ । এর জন্ত জেলে যেতে হয়, আমি প্রস্তুত । তোমাকে পাজি না বলাও চেয়ে জেলে যাওয়া অনেক সোজা ।

প্রহান

কালী । পার্বতী হেরে গেলে ।

পার্বতী । হেরে যাবো কেন !

কালী । 'যাবে কেন' নয় । গিয়েছো । অতীত । এর চেয়ে সহজ, সবল, সংস্কৃত, পরিষ্কার গালাগালি—বান্দালা হিন্দিতে মিশিয়ে—এর আগে আমি শুনি নি । আর এমন নির্ভয়ে বলে' গেল ! এই ত চাই—

Who dares think one thing and another tell

My heart detests him as the gates of hell

কিন্তু এ ব্যক্তি একেবারে অকুতোভয়ে বলে' গেল ।

পার্বতী । কি রকম ।

কালী । গালাগালির কোন জায়গাটা বুঝতে কষ্ট হ'ল না । বেশ ক্ষত বলে' গেল । কোন জায়গায় বাধল না । বলতে বলতে একবার কান্দলও না । ত হ'লেও না হয় বুঝলাম ভয় খাচ্ছে । তার পবে মাঝে মাঝে উৎস্রুতি দিবে গেল—গোম হ'ল, গালাগালি দিচ্ছে আর সঙ্গে সঙ্গে সেটা বেশ উপভোগ করছে । আর শেষে যা বলো, এত জোরালো গালাগালি পূর্বে কেউ কখন কাউকে দেয় নি ।

পার্বতী । কি গালাগালি ?

কালী । যে তোমাকে পাজি না বলাব চেয়ে জেলে যাওয়া অনেক সোজা । I would rather go to hell than not call you a villain—কে বলেছে ?—রোস মান কার । অত্যন্ত মৌলিক ! চমৎকার !

পার্বতী । তুমি এটা বেশ উপভোগ করছ কোথায় চটবে—

কালী । চটতাম যদি পদেণ কোণ অশ্লীল বা সামান্য বা ছোটলোকের মত গালাগালি দিত । কিন্তু এমন সত্য সরস প্রাঞ্জল অথচ জোরালো—ওঃ ! কেয়াবাৎ ! আমি এক দিন নিঃস্বপন ক'বে খাওয়ারো ।

পার্বতী । কাকে ?

কালী । পরেশকে । এহ রবিবারে ছপুর বেলা । তোমারও

নিমন্ত্রণ রৈল। ঐ গালাগালিটা আর একবার শুন্বো—(ষতদূর মনে থাকে। কেযাৰাৎ! ঐ বিশ্বেশ্বরবাবু আস্ছেন। পলাই। Ye cannot serve both God and Mammon.

প্রহান

পার্কতী। তবু বিশ্বেশ্বরবাবু প্রশংসা এদের মুখে ধরে না! কিন্তু বিশ্বেশ্বর আজ আমার বাড়ীতে! জাস্তে পেবেছে নাকি! নিশ্চয় আমার পায়ে ধৰ্ত্তে এসেছে। এস ত চাঁদ! আমি ছাড়্চি নে।

ভবানীপ্রসাদ ও বিশ্বেশ্বরের প্রবেশ

বিশ্বেশ্বর। পার্কতী! এই নাও টাকা।—নাও ত ভবানীপ্রসাদ।

পার্কতী। টাকা কিসের? (ভবানীপ্রসাদ টাকা দিলেন) কত?

বিশ্বেশ্বর। ১০০০ টাকা যখন পাবো শোধ দিও।

পার্কতী। (সবিস্ময়ে) টাকা! কেন!

বিশ্বেশ্বর। শুন্লাম যে, তোমার দরকার হয়েছে। নাও।

পার্কতী। এর সুদ?

বিশ্বেশ্বর। সুদ আবার কি! শুন্লাম তোমার দরকার হয়েছে। নাও। আবার আমার যখন দরকার হবে, দিও। এট ত চাই। সুদ আবার কি! আমার উপর বিবন্ধ হ'যো না। আমায় ঘৃণা ক'রো না। আমায় ভালোবাসো, ভালোবাসো। পার্কতী! ভাই!*

আলিঙ্গন করিতে উত্তত

পার্কতী। এর দলিল?

বিশ্বেশ্বর। তার কিছু প্রয়োজন নাই। আমি তোমায় বিশ্বাস করি। বিশ্বাসেই মোক্ষ। বিশ্বাসেই মুক্তি। বিশ্বাসেই সংসার চলেছে। অবিশ্বাসেই ধ্বংস। অবিশ্বাসেই নরক। পাচক ব্রাহ্মণ ত খাণ্ডে বিষ

দিতে পারে। ভৃত্য পিছন দিক থেকে পিঠে ছোঁরা বসাতে পারে। তাদের বিশ্বাস করে চলেছি। আর তুমি ভদ্রব্যক্তি, তোমাকে বিশ্বাস কর্তে পারি নে? টাকা ফেরত দিতে না চাও, দিও না। বিনিময়ে শুধু আমায় ভালোবাসো, ভালোবাসো!—চল ভবানীপ্রসাদ! কি চোখ মুছছো যে।

ভবানী। আশ্চর্য না। তবে একটা গল্প মনে পড়ল।

বিশ্বেশ্বর। পড়ল না কি? কি গল্প?

ভবানী। একদিন একটা ভেড়া নারায়ণের কাছে গিয়েছিল জানেন!

বিশ্বেশ্বর। গিয়েছিল না কি? কেন?

ভবানী। নাগিস কর্তে। গিয়ে বলে ‘বিষ্টু মহাশয়, বাঘ আমাকে পেলেই খায়। আপনি তার একটা প্রতিকার করুন।’

বিশ্বেশ্বর। নারায়ণ তাতে কি জবাব দিলেন?

ভবানী। তিনি এই বল্লেন ‘বাপু হে! পালাও; তোমার সূচিকণ নখর শরীর দেখে আমারই খেতে ইচ্ছে হচ্ছে—তা বাঘ। তোমায় খাবার জন্তুই ত ব্রহ্মা সৃষ্টি করেছিলেন। নৈলে অস্বতঃ সম্ভ্যরকম দুটো শিং দিতেন, কিম্বা ভদ্ররকম চারটে পা দিতেন।’

বিশ্বেশ্বর। হাঃ হাঃ হাঃ—

ভবানী। পার্শ্বতীবাবু এ টাকা কেন চান, তা আপনি জানেন!

বিশ্বেশ্বর। দরকার কি! তাঁর টাকার দরকার হয়েছে—তাই যথেষ্ট।

ভবানী। তবু শুনে রাখুন। পার্শ্বতীবাবু এই টাকা দিয়ে ইস্তাহার রদ করে’ আপনারই একটা তালুক কিনবেন। তালুক নিলামে উঠেছে।

বিশ্বেশ্বর। উঠেছে না কি!

ভবানী। আপনি তাঁর হাতে একখানি ছুরি দিয়ে গলা বাড়িয়ে দিয়ে
বলছেন—বড় সুড় সুড় করছে।

বিশ্বেশ্বর। তা কি হ'তে পারে ভবানী। ছিঃ অমন কথা বোলো
না। মানুষ ত।

ভবানী। আজকাল মানুষে মানুষ খায়। রাক্ষসের আর দরকার
নাই। (তাই তারা প্রশ্নান করেছে) —দাদামহাশয়! খোলা সিঁকুক
পেলে সাধু চোর হয়। পার্শ্বতীবাবুর কোন দোষ নাই।

বিশ্বেশ্বর। ছি ছি ছি বোলো না। তা কি হয় ভবানী! আর
তাই যদি হয়—পার্শ্বতী! আমার জমীদারী নাও, আমার সর্বস্ব নাও,
শুধু আয়াত ভালোবাসো, ভালোবাসো।

ভবানী। দাদামহাশয়! আমি না ব'লে থাকতে পাচ্ছি না।
মা কানী! এই পাপ কলিযুগেও এ রকম মানুষ হয়!—পার্শ্বতীবাবু
কেনো, এর পরে এঁর টাকায়ত এঁর জমীদারী কিন্তে চাও, পারো,
কেনো। আসুন দাদামহাশয়।

বিশ্বেশ্বর। চল ভাই। পার্শ্বতী আমায় ভালোবাসো। আমায়
ঘৃণা কোরো না ভাই। (আলিঙ্গনোচ্চত)

ভবানী। চলে আসুন! কোলাকুলি হয় শেয়ানে শেয়ানে। অন্ত
কোলাকুলি কলিযুগে—ভগামি!—আসুন।

উভয়ের প্রস্থান

পার্শ্বতী। এ কি! চোখে জল আসে কেন? না আমি পাষণ্ড!
কি কাজ না করেছি, কি কাজ না কর্তে পারি! এ ত তুচ্ছ!—বিশ্বেশ্বর!
তুমি আমার মন গলাবে! এত অসার আমি নই।

হাস্ত ও প্রস্থান

তৃতীয় দৃশ্য

স্থান—করুণাময়ীর কুটীরকক্ষ । কাল—শেষরাত্রি ।

করুণাময়ী মৃত্যুশয্যায় । পার্শ্বে দয়াল

করুণা । দুর্গানাম কর, দুর্গানাম কর । শুভে শুভে মরি ।

দয়াল । কেন দিদি ! কবিরাজ বলে' গিয়েছে, কোন ভয় নাই ।

করুণা । কবিবাজ ঠিক বলে' গিয়েছে, আমার কোন ভয় নাই ।
আমি কারো অনিষ্ট কবি নি । যা উচিত বুঝেছি, করে' গিয়েছি । মা
দুর্গা চরণে স্থান দেবেনই । আমার আবার ভয় !

দয়াল । না আমি বলছি যে তুমি সেরে উঠবে দিদি ।

করুণা । আমি সেরে উঠতে আবার চাই না ভাই । কিসের জন্ত
বাঁচতে চাইব ! তিনকুড়ি বয়স হয়েছে । জীবনে দুঃখ বৈ আর
কিছু পাই নি । পাঁচ ছেলের মা হয়েছিলাম ! চারিটা গিয়েছে ।
একটি আছে ; তা সে থেকেও নেই । আবার কি সুখে বেঁচে থাকতে
চাইব !

দয়াল । মহিম আসবে । ভেবো না । সে এতক্ষণ পথে ।

করুণা । (সন্দীর্ঘনিশ্বাস) আমিও পথে ।

দয়াল । আমি বলছি যে, সে আসবে । আমি কি মিছে বলছি ।
সে দিন বলেছিলাম, সে আসবে না ; সে আসে নি । আজ বলছি, সে
আসবে, সে আসবেই । মায়ের পীড়া শুনে কি সে বসে' থাকতে পারে !

করুণা । আসবে ? আসবে ? কখন ? আর কখন আসবে ।
মর্কবার আগে একবার সেই চাঁদঘুণথানি দেখতাম । দেখতে পেলাম না ।

দয়াল। ও সব কি কথা বলছ! ছি দিদি!

করুণা। হায় রে, মর্কবার সময়ও তারই কথা বারবার মনে হচ্ছে! কোথায় মাযের নাম কর্ব—দুর্গানাং কর। দুর্গানাং কর। ছেলে কে! কেউ না। আমার ছেলে নাই, কখন ছিল না। (দয়াময়ি! এ অন্তিম-কালে চরণে স্থান দিও মা। এ অন্ধকারে ছেড়ো না!)—ভাই! সত্যই কি মহিম আমার এলো না!

দয়াল। আসছে। ব্যস্ত হও কেন দিদি! ঘুমোও!

করুণা। এই যে একেবারেই ঘুমোচ্ছি! ভাই, আমি মরে' যাওয়ার পর মহিম যদি আসে, তা হ'লে তাকে বোলো যে, আমি সুখে মরেছি, কোন কষ্ট হয় নি। সে এসে যদি কাঁদে, ত তাকে বুঝিও—বুঝিও যে আমার মর্কবার সময় কোন কষ্ট হয় নি। শুধু একবার মরণকালে তাকে দেখতে চেয়েছিলাম।—না সে কথা বলে' কাজ নেই। বাছা দুঃখ করবে! বোলো, আমি সুখে মরেছি আর কিছু না। আর যদি সে না আসে—(কণ্ঠরুদ্ধ হইল)

দয়াল। তারে মা!—দিদি, মহিম আসছে। আজ রাত্রে মধ্যৈ আসবে। বোধ হয় প্রথম ট্রেন ফেল হয়েছে।

করুণা। আসবে? আসবে? সত্য বলছ? সে আসবে? ভাই বল সে আসবে? সত্য হোক মিথ্যা হোক, বল সে আসবে। সেই বিশ্বাস নিয়ে আমি পরকালে যাই!—না সে আসবে না, আসবে না।

মুখ ফিরাইলেন

দয়াল। ঘুমোও দিদি!

করুণা। এই যে ঘুমোচ্ছি।—তবে মহিম এলো না! আমি তার বোকে বকেছিলাম, সেই অভিমানে বাছা চ'লে গিয়েছে; আর আসবে না—ঐ পাখী ডাকলো না?—ঐ যে!

দয়াল। হাঁ দিদি।

ককণা। তবে ভোর হয়েছে ?

দয়াল। ভোর হ'ল বৈ কি।

ককণা। তুমি সমস্ত রাত ঘুমোও নি ?

দয়াল। ঘুমিয়েছি বৈ কি।

ককণা। না ঘুমোও নি। তুমি সাব্বারাত আমাব শিওরে বসে' আছো। আমি যখনই চোখ মেলেছি, দেখেছি যে, তোমার ঐ কালিবর্গ মুখখানি—ঐ স্নেহময় চক্ষু দুটি আমাব পানে চেয়ে আছে। দয়াল, ঘুমোও গে যাও।

দয়াল। আমি ঘুমিয়েছি দিদি।

ককণা। ঐ পাখী ডাকছে।—দয়াল! জানালাটা খুলে দাও ত ভাই। একবার আমার ধানভবা ক্ষেত, আমাব গানভরা বাগান, একবার শেষবার প্রাণ ভরে' দেখে নিই। আব ত দেখতে পাবো না। খুলে দাও।

দয়াল জানালা খুলিয়া দিলেন

ককণা। ঐ সেই সব! এখনও জাগে নি! সব ঘুমিয়ে আছে। ওবে তোবা জাগ। চেয়ে দেখ, আমি যাচ্ছি, জন্মের মত তোদেব ছেড়ে যাচ্ছি। (দেখ)।—দয়াল!

দয়াল। দিদি!

ককণা। একবার বাইরে যাও ত ভাই, আমার গাইটাকে একবার দেখবো। তাব বাছুর হয়েছে। আমি দেখবো।

দয়াল। পরে দেখো।

ককণা। না দয়াল! পরে দেখবার আর অবকাশ হবে না। যাও ভাই!

দয়ালের প্রস্থান

করুণা । ঐ হাঙ্গারবে আমায় ডাক্ছে । রোজ নিজের হাতে করে' তার খাবার দিতাম । এক দিন যদি দৈবাৎ না দিতে পার্তাম, ত সে ভালো করে' খেত না ; সারাদিন মুখ ভার করে' থাকতো । আমার মুখ স্নান দেখলে তাব চোখে জল আসতো !—ঐ আবার ডাক্ছে ।—এই যে আমি—ধবলী !—এই যে !

দয়াল । (নেপথ্যে) এই যে দিদি এনেছি, দেখ ।

করুণা । ঐ যে আমার গাঠ !—ধবলী ! চল্লাম মা ! এখান থেকে দয়াল তোমায় দেখবে । দয়াল—ভাই—আর—শেষ হ'য়ে এলো ! মা দুর্গা !—মহিম তবে সত্যই এলো না । দু—র্গা—

মৃত্যু

দয়ালের প্রবেশ

দয়াল । দিদি, দিদি—দীপ নিতে গিয়েছে ! একটা বুদ্ধ সমুদ্রে মিশে গেল । একটা শিশিরবিন্দু পদ্মপত্র থেকে ঝরে' পড়ে' গেল ! একটা সামগান উঠে আকাশে মিলিয়ে গেল ।—যাও দিদি, পরপারে ; যেখানে সব 'মা' জগন্মাতার কোলে শুয়ে আছে । পুত্রকন্যা নিষ্ঠুর । তাদের ভুলে যাও, মায়ের গলা জড়িয়ে ধর । শান্তি পাবে ।—মা ! মেয়েকে কোলে তুলে নাও ।)

চতুর্থ দৃশ্য

স্থান—বিশ্বেশ্বরের প্রাসাদকক্ষ । কাল—জ্যোৎস্না রাত্রি ।

বিশ্বেশ্বর ৩ সরয়্যর প্রবেশ

বিশ্বেশ্বর । কি রকম নাতিনী ! কেমন লাগ্ছে ?

সরয়্য । কি ?

বিশ্বেশ্বর । জীবনটা ! বেশ মধুর হেঁক্ছে না ! যেন একটা অবাধ

বসন্ত, অগাধ জ্যোৎস্না! আমাদের আর গ্রাহের মধোই বোধ হচ্ছে না—কেমন!

সরযু। কি রকম?

বিশ্বেশ্বর। এই যখন কেউ ফেটিন হাঁকিয়ে যায় তার মত! আশে-পাশে যারা হেঁটে যাচ্ছে তারা যেন অত্যন্ত ছোটলোক।

সরযু। কে বলেছে?

বিশ্বেশ্বর। তুই।

সরযু। কখন বললাম!

বিশ্বেশ্বর। আরে সব কথাই কি মুখে বলতে হয়। চোখে চোখেও অনেক কথা চলে।

সরযু। চলে না কি!

বিশ্বেশ্বর। চলে না!—ওমা! নূতনবো গুরুজনের দৃষ্টিজালের মাঝখান দিয়ে ঘোমটার ভেতর থেকে নূতন স্বামীর পানে চেয়ে নেয়—অমনি চোখে চোখে কতখানি কথাবার্তা হয়ে গেল বল দেখি।

সরযু। কি কথা?

বিশ্বেশ্বর। সে কথার অর্থ এই যে, এরা সব শুধু ভবঘোরে ঘুরে মচ্ছে, তাদের মধো মজা লুটছি বা, সে—তুমি আর আমি।

সরযু। কখন না।

বিশ্বেশ্বর। আবে চটিস্ কেন দিদি! আমি সব জানি। আমি চিরদিনই কিছু এমনই ছিলাম না। আমারও একদিন ছিল। তখন—‘মিলনে নিখিলহারা বিরহে নিখিলময়!’—যেদিন ফুলের মধু পান কর্তাম, সুবাসিত বসন্তপবনহিল্লোলে গা ঢেলে দিতাম। তুই এখন সেঃ রকম কিনা।—নে, মিথ্যার রাজত্ব ভালো করে’ ভোগ করে’ নে। শীঘ্রই এ স্বপ্ন ভেঙ্গে যাবে।

সবসু। যাবে নাকি ? আমার যে ভয় কর্ছে দাদামহাশয় ।

বিশ্বেশ্বর। তার দেরি আছে । আমার প্রেমের ইতিহাস শুনিম্ নি ?

সবসু। না । (শোনা যাক্, দেখি আপনার প্রেমের কাহিনীটা)

বিশ্বেশ্বর। আচ্ছা তবে শোন্ । আর তার সঙ্গে—তোরাটা মিলিয়ে
নিম্ । শোন্ ! প্রথম প্রণয়ে চন্দ্রালোকে—অর্থাৎ ছাদের উপর যখন
আমরা দুজনে একা থাকতাম, তখন আমি একবার সেই শ্রীমুখের পানে
আব একবার তাঁদের পানে চেয়ে দেখতাম—কোনটা বেশী সুন্দর ঠিক
করে' উঠতে পারতাম না ।

সবসু। আর তিনি দেখতেন না ?

বিশ্বেশ্বর। কে ?

সবসু। দিদিমা ?

বিশ্বেশ্বর। তিনি !—ও বাবা ! আর কোন দিকে চাইবাব তাঁর
অবসর ছিল না । কিন্তু প্রেয়সী দেখতেন যে কি, সেইটে বুঝতে পারতাম
না । আমার গাঁফের ঝোপ, না চোখের ডোবা, না নাকের বাঁধ, না
দাড়ির চষা ধানক্ষেত্র (কেন না একদিন না কামালেই সেটা নূতন চষা
ধানক্ষেত্রের আকার ধারণ কর্ত) । প্রেয়সী যখন আদর করে' আমার
সেই শ্রীমুখে হাত বুলাতেন, তখন সেই চষা ক্ষেত্রের উপর দিয়ে যেন কেউ
মঠ দিয়ে যেত ।—এই চেহারাখানা দেখ্ছিসু ।

সবসু। দেখ্ছি ।

বিশ্বেশ্বর। কেমন চেহারা ?

সবসু। বেশ চেহারা ।

বিশ্বেশ্বর। এঃ ! তবে তুই নিশ্চয় আমার সঙ্গে প্রেমে পড়েছিস্ । প্রেমে
না পড়লে এ চেহারাখানা যে চলনসই তা কেউ বলবে না । অনেকেই
আমাকে বাড়ীর চাকর ভেবে তামাক সাজতে বলতো ; আমি তাই রেগে

এমনি বাগিষে টেড়ি কাট্‌তাম যে, চেহারাখানাকে প্রায় ভদ্রলোকের মত করে' তুলেছিলাম আর কি! এই দেখেই প্রেমসী মুগ্ধ!—মিল্‌ছে?

সরযু। তার পরে?

বিশ্বেশ্বর। বলি—মিল্‌ছে?

সরযু। কতক। তাব পরে!

বিশ্বেশ্বর। আমাদের মনে হোত যে, পৃথিবীতে আর কেউ নাই—মা নাই, ভাই নাই, বন্ধু নাই, আছে কেবল 'প্রাণেশ্বর' আর 'প্রাণেশ্বরী'।—মিল্‌ছে?

সরযু। তাব পর?

বিশ্বেশ্বর। আমাদের গল্প আর ফুরোতো না। আমি যদি বল্‌তাম যে, আমাদের ক্লাসে এক ছাত্র আছে তার নাম 'মহেন্দ্র', প্রেমসী তার মধ্যে একটা রসিকতা অনুভব করে' হেসে আকুল! আর তিনি যদি বল্‌তেন যে, তাঁর 'আতবকে' একদিন একটা ফড়িন্‌কে কাম্‌ড়েছিল, আমি হেসে মাটিতে গড়িয়ে পড়্‌তাম।

সরযু। কথাবাত্তা কি রকম চল্‌তো?

বিশ্বেশ্বর। প্রথমে দুই অক্ষর। আমি বল্‌তাম 'প্রিয়ে' তিনি বল্‌তেন 'নাথ'। তার পর তিন অক্ষরে উঠ্‌তাম। আমি বল্‌তাম 'প্রেমসী' তিনি বল্‌তেন 'বল্লভ'। তার পরে চার অক্ষর। আমি বল্‌তাম 'প্রাণেশ্বরী' আর তিনি বল্‌তেন 'প্রাণেশ্বর'। তার পরে—ঘুমিয়ে পড়্‌তাম!

সরযু। আচ্ছা! বিরহে কি রকম হোত?

বিশ্বেশ্বর। রোজ একখানা ক'রে চিঠি।

সরযু। কি লিখ্‌তেন?

বিশ্বেশ্বর। মাথামুণ্ড! 'তুমি ভালোবাস না আমি ভালোবাসি' পাকে চক্রে ঐ একই কথা।

সরযু । তাব পরে ?

বিশ্বেশ্বর । তার পরে আবার কি ! তার পরে তুই বুল ।

সরযু । আচ্ছা ! তার পর আমি বুলছি ! শুনে যান্ ।

বিশ্বেশ্বর । আচ্ছা বুল । তুই তবে এই জায়গায় দাঁড়া, আর আমি
ঐ জায়গায় দাঁড়াই ।

সরযু । কেন ?

বিশ্বেশ্বর । এখন তুই বুলো, আর আমি শ্রোতা ।

উভয়ে স্থান পরিবর্তন করিলেন

সরযু । আচ্ছা— এখন শুনুন ।

বিশ্বেশ্বর । শুনছি—

সরযু । তার পবে অবস্থাটা কি বকম দাঁড়ালো জানেন ?

বিশ্বেশ্বর । কি বকম ?

সরযু । আপনার বাড়ী ফিরতে দেবী হ'লে দিদিমার মেজাজটি ঠিক
নবনীত মত মোলায়েম ঠেকত না । আর দিদিমার রান্না খাবাপ হ'লে
আপনার গলা ঠিক ইমনকল্যাণ ভাঁজত না ।

বিশ্বেশ্বর । তা ভাঁজত না—তাব পবে ?

সরযু । বাহুর বাড়ী আর ভিতর বাড়ী যে আলাদা জায়গা, সেটা
বেশ বোঝ যেতে লাগ্ ।

বিশ্বেশ্বর । তা লাগ্ । তাব পরে ?

সরযু । তার পর যে অবস্থা দাঁড়ালো—সে ভয়ানক !

বিশ্বেশ্বর । (সাগ্রহে) কি বকম !

সরযু । আপনি—অর্থাৎ প্রাণনাথ বাড়ীর কাছে একটা আড্ডা
খুঁজে নিলেন—যাতে প্রাণনাথের কথাবার্তা প্রেরসীর শ্রবণগোচর না

হয়—অথচ ভাত হ'লেই চট করে' প্রাণনাথকে ডাকা যায়। রাত্তিকালে গহনার ফর্দ দিতে দিতে প্রেয়সীর নাসিকাধ্বনি; সংসারের ঝঞ্জাটের তালিকা দিতে দিতে প্রাণনাথের নির্বাণ-প্রাপ্তি; যবনিকা পতন; মশকের ঐক্যতান বাদন! 'কেমন! মিলছে কি না!

বিশ্বেশ্বর। ওরে! ঠিক মিলছে! তুই এসব জান্নি কেমন করে'?

সরযু। কল্পনায়। আপনার ত কল্পনাশক্তি নেই!

বিশ্বেশ্বর। কল্পনাশক্তি অত নেই।

সরযু। তার পর শুধুন—তখনকার অবস্থার সঙ্গে ঋতুরাজ বসন্তের কোন সাদৃশ্যই লক্ষিত হোত না। বরং বর্ষার সঙ্গে কতক সাদৃশ্য ছিল।

বিশ্বেশ্বর। বর্ষার সঙ্গে?

সরযু। অন্ততঃ তার সঙ্গে গর্জন বষণ আব বিদ্যুৎ যথেষ্ট পরিমাণে ছিল—মিলছে কিনা?

বিশ্বেশ্বর। ওবে অক্ষরে অক্ষরে মিলছে। ঐ যে তোর প্রাণেশ্বর দূরে ক্ষুধার্ত্ত ভিক্ষুকের মত চেয়ে আছে। ও চাহনির অর্থ—'সরে' যা না বুড়ো'—এই আমি যাচ্ছি—

প্রস্থানোত্তর

সরযু। যাবেন কেন!

বিশ্বেশ্বর। না না, নৈলে তোর প্রাণেশ্বর চটে' যাবে।

সরযু। না চটে'বেন কেন!

বিশ্বেশ্বর। আমি থাকলে 'প্রেয়সী' সঙ্ঘোধনটা মুখ দিয়ে বেরোতে তোর প্রাণেশ্বরের ঠোঁটে বেধে যাবে [ঠিক, সে রকম করে' হাত ধরে', ঘাড় বঁকিয়ে, মুখের পানে চেয়ে হেসে বলতে পারবে না—'প্রেয়সী আমি তোমারই।'

সব্বয়। আচ্ছা দেখুন না।

বিশ্বেশ্বর। দেখবি—বলি ও ভায়া, এদিকে এসো। লক্ষ দাও!
-হাঃ হাঃ হাঃ—এসো ভায়া! ঐ যে আসছে। চূপ।

মহিমের প্রবেশ

মহিম। (নতমুখে) আপনি ডাকছিলেন?

বিশ্বেশ্বর। ঐ ডাকার অপেক্ষায় ছিলে কি না!—এঁকে চেনো?
কি! নীরবে রৈলে যে! একবার—কি বলে' এঁকে ডাক, ডাক ত!
'প্রিয়তমে' 'প্রাণেশ্বরী' না 'প্রেমসী' কি বলে' ডাক? একবার ডাক
ত। না চষ নাম ধ'রেই ডাকো। 'সব্বয়—উ-উ-উ'—আহা কি মধুর!
আমার জিভেই জড়িয়ে যাচ্ছে, তা তোমার! পার্কে কেন? আমার
অনেক দিনের অভ্যাস, তবু নাম ধবে' ডাকতে ডাকতে কেমন ঘুমিয়ে
পড়ি। আর দেখি যে ডাকা হ'ল না!

সব্বয়। দাদামহাশয় যে কি বলেন তাব ঠিকানা নাই!

বিশ্বেশ্বর। উল্লাদেব প্রলাপ!—কি ভায়া চূপ করে' বৈলে যে।
মুখ নীচ করে' বৈলে যে! আবার নাতিনীর পানে আড়ে আড়ে চাওয়া
হচ্ছে। আবার উনিও—হঁ!

সব্বয় হাসিয়া ফেলিলেন

বিশ্বেশ্বর। ওবে! ওরে! আমি আর তোর দিদিমা ঠিক এই
রকম কর্তাম রে, ঠিক এই রকম কর্তাম! কি দিনই গিয়েছে! (দীর্ঘ
নিঃশ্বাস) তবে এতক্ষণ চোখে চোখে কথা হচ্ছিল—এখন খানিক মুখে
মুখে হোক!—নাতনী! নাতজামাই আমার বোবা না কি! আচ্ছা
আমি সরে' যাচ্ছি!

প্রস্থান

মহিম ও সরযু পরস্পরের দিকে চাহিলেন, পরে মহিম অস্তর্হিত বিশ্বেশ্বরের দিকে চাহিলেন; পরে অগ্রসর হইয়া সরযুর করতল স্বীয় করতলে গ্রহণ করিলেন; পরে আবার নেপথ্যে চাহিলেন; পরে কহিলেন—

মহিম। সবযু!

সরযু। কি!

মহিম। বলি—বলি—ভালো আছ?

সরযু। হাঁ বেশ আছি। তাবপর?

মহিম। এঁ—এঁ—এঁ—বেশ বাতাস বৈছে!

সরযু। সুন্দর!

মহিম। সবযু!

সরযু। কি!

মহিম। আমি তোমাবই!

সরযু। শুনে সুখী হ'লাম!

মহিম। আমি তোমায় ভালোবাসি।

বিশ্বেশ্বর। (উকি মারিয়া) এখন পাখী পড়ছে ত বেশ।

মহিম ত্রস্ত হইয়া সরযুর হাত ছাড়িয়া দিয়া ফিরিয়া দাঁড়াইলেন। সরযু

চীৎকার করিয়া হাসিয়া উঠিলেন

বিশ্বেশ্বর। যাচ্ছি, পড় আত্মারাম, পড়।

এখানে

[মহিম। খাসা চাঁদ উঠেছে! ছাদে যাবে?

সরযু। চল।

উভয়ের এখানে ও ভবানীর প্রবেশ

ভবানী। দাদামহাশয়! ভেবেছো কেউ দেখতে পাচ্ছে না! পাচ্ছে—একজন দেখতে পাচ্ছে; আর কাঁদছে। আপনি যতই

হাসছেন, সে ততই কাঁদছে। আপনার মুখে হাসি অস্তরে ক্রন্দন।
যাকে পরের বাড়ী পাঠিয়ে দিতে হবে তাকে এত ভালবাসতে নাই
দাদামহাশয়! সে আজন্ম পরের সম্পত্তি। লোকে মেয়ে মরে' গেলে
কাঁদে কেন জানি না।

এহান

পট পরিবর্তন

স্থান—প্রাসাদমঞ্চ। কাল—জ্যোৎস্নারাত্রি।

মহিম ও সরযু □

মহিম। তোমার দাদামহাশয় তোমায় খুব ভালোবাসেন?

সরযু। উঃ!

মহিম। তুমি তাঁকে খুব ভালোবাসো?

সরযু। তাঁকে? জগতে আর কাউকে এত ভালোবাসি না।

আমি দাদামহাশয়ের জন্ত প্রাণ দিতে পারি।

মহিম। আর আমার জন্ত?

সরযু। তোমার সঙ্গে ক'দিনের পরিচয়?

মহিম। আচ্ছা বেশ!

সরযু। অভিমান করলে! (হাত ধরিয়) ছিঃ! চোটো না।

মহিম। (হাত ছাড়াইয়া) যাও, তুমি আমায় ভালোবাসো না।

সরযু। বাসি। কারণ তুমি আমার স্বামী। এ ভালোবাসা
অভ্যাসগত। আর দাদামহাশয়কে যে ভালোবাসি সে ভালোব
প্রকৃতিগত!

মহিম। সেইটেই বেশী!

সরযু। নিশ্চয়। তাঁর আর তোমার মধ্যে তফাৎ অনেক।

মহিম । কি তফাৎ ?

সরযু । আমি যদি মরে' যাই ত দাদামহাশয় শোকে অন্ধ হ'য়ে যাবেন ; আর তুমি বৎসর না যেতেই একটা নূতন বিয়ে করবে ।

মহিম । কখন করবে না ।

সরযু । আচ্ছা দেখিয়ে দোবো ।

মহিম । কি রকম করে' !

সরযু । (সহাস্তে) সত্যই মরে' দেখিয়ে দিতে ইচ্ছা করে যে তোমরা স্বামীর জাত কি ভণ্ড !

মহিম । কিসে ?

সরযু । প্রথমে ভালোবাসা দেখাও—সমুদ্র-তরঙ্গের মত বেলার উপর বাহু তুলে যেন তাকে গ্রাস কর্তে আসো । তারপর তৃপ্তি হ'লে সেই সমুদ্র-তরঙ্গের মত অবসাদে বেলা থেকে সরে যাও ।

মহিম । আমি তোমাকে সে রকম ভালোবাসি না ।

সরযু । কি রকম বাসো ?

মহিম । এ ভালোবাসা আকাশের মত অনন্ত, উদার, স্বচ্ছ । এর শেষ নাই, তৃপ্তি নাই । এ ভালোবাসা পর্বতের মত অটল, ঋবতারার মত স্থির ।—হাস্বে ছো যে ! যাও, তুমি আমায় ভালোবাসো না ।

সরযু । তোমার কবিতা শুন্ছিলাম ! তোমার মা কেমন আছেন ! কোন চিঠি পেয়েছো ?

মহিম । এর মধ্যে সে কথা আসে কোথা থেকে ?

সরযু । কথাটা এর মধ্যে নয়, এর বাইরে !—আচ্ছা ! 'মা' জিনিষটা বড় গল্পময় । না ?

মহিম । কেন ?

সরযু । নৈলে ছুটিটায় একবার তাঁর কাছে গেলেও না ! দাদাখণ্ডর-

বাড়ীতেই কাটিয়ে দিলে! চক্ষু লজ্জাও নাই! এখানে কচ্ছ কি! সেখানে যে তোমার মা শূন্যনয়নে তোমার পথ চেয়ে আছেন।

মহিম। কে বললে?

সরযু। আমি জানি। সে কথা আবার কারো বলতে হয়? হায় স্বামী! মা চিন্লে না। চিন্বে সেইদিন, যেদিন হারাবে।

মহিম। তুমি চিনেছ?

সরযু। হাঁ—আমি যে হাবিয়েছি। ও রতন না হারালে ঠিক চেনা যায় না। তোমার বৃদ্ধা মা একাকিনী সাক্ষনয়নে পথের দিকে চেয়ে আছেন, আর তুমি এখানে একটা নগণ্য নারীর পাষের তলায় পড়ে' আছ? যাকে এক বৎসর আগে চিন্তে না, যার একমাত্র গুণ আছে, সে গুণ রূপ ঘোবন!

মহিম। তা হ'লে তোমার ইচ্ছা নয় যে, এখানে আমি থাকি।

সরযু। ইচ্ছা যে এখানে থাক—কিন্তু মাকে ছেড়ে নয়। প্রেমের পায়ে নিজের স্বার্থ বলি দিতে পার—কিন্তু কর্তব্য নয়, মাতৃভক্তি নয়।

[মহিম। সে আমার বিচার্য। তোমার কি! তোমার কাজ আমায় আদর, চুম্বন, আলিঙ্গন দেওয়া।

সরযু। আমি তোমার গণিকা নই। আমি তোমার স্ত্রী। তোমার জন্তু আমার ভয় হয়।

মহিম। কেন?

সরযু। তুমি কি পাপ কাজ না কর্তে পার জানি না, যখন মায়ের প্রতি তোমার টান নেই। মাতৃভক্তি—যে কর্তব্য সর্ব কর্তব্যের মূল; জীবনের প্রথম মহাশিক্ষা, মনুষ্য প্রকৃতির মজ্জাগত সনাতন ধর্ম; মাতৃভক্তি—যার কোমল করস্পর্শে কর্তব্যের কাঠিন্য ধসে' পড়ে, ভক্তি স্নেহে হান্ত করে—যে কর্তব্য তর্কের ধার ধারে না, যুক্তির সাহায্য চায়

না, বিধি ও বিধান মানে না ; মাতৃভক্তি—যা একটা স্বর্গীয় অভিপ্রায় মানবজীবনকে মগ্নিত করে, সানন্দে প্রকৃতির ঋণ পরিশোধ করে, আত্মাকে দীপ্ত করে, অভ্যাসগত সংস্কারকে জীবনের মূলমন্ত্র করে' মানুষের সমস্ত কোমল প্রবৃত্তির উপর রাজত্ব করে, ঘটনার বিপর্যয়ের উপর ক্রীড়া করে, জবার ত্রিযমাণ শক্তি সঞ্জীবিত করে, আর মৃত্যুব সেই ভয়ানক মুহূর্ত্ত আলোকিত কবে । যে এই মাতৃভক্তির কাঙ্গাল, তার আর কি আছে ! সে জীবনে কি পাপ কাজ না কর্তে পারে ! তাই বল্ছিলাম—সাবধান ! সংসারে মায়ের বাড়া কেউ নেই—ভগ্নী নয়, কন্যা নয়, স্ত্রী নয় ।—বল তোমাব মা ভাণ আছেন ?

মহিম । আ—ছেন ।

সবয়ু । মিথ্যা কথা । নিশ্চয় তিনি ভাল নাই । সত্য কথা বল—তাঁর অসুখ ?

মহিম । বিশেষ কিছু নয় ।

সবয়ু । আবার মিথ্যা কথা ! আমি তোমার স্ত্রী, আমার কাছে মিথ্যা কথা ! না, মনে হচ্ছে যে তোমাব মায়ের সংঘাতিক পীড়া হয়েছে । না কি ! চুপ করে' রৈলে যে ! বুঝেছি । তোমার মা এখন কোথায় ? আমি তাঁর দাসীত্ব স্বীকার করেছি । তাঁর পীড়ায় আমি তাঁর সেবা করব । তুমি না যাও আমি যাবো । তাঁর কি হয়েছে বল ।

মহিম । নিউমোনিয়া—বিশেষ কিছু নয় ।

সবয়ু । তবে আমি যা স্বপ্নে দেখেছি তা মিথ্যা নয় । আমি যাবো তাঁর কাছে । আজই যাবো । তুমি এখানে থাক । শৈশবে মা হারিয়েছি । সেবা করে' সাধ মেটে নি । মা বলে সাধ মেটে নি । আর এক মা পেয়েছি যদি, সেবার সাধটা তাঁকে সেবা ক'রে মেটাবো—আমি যাবো ।

মহিম । তোমার এ অবস্থায় কোন যায়গার যাওয়া উচিত নয় ।

সরষু। উচিত নয়! তুমি তাঁর ছেলে হ'য়ে এই কথা বলছো!
তোমার মা যিনি—তোমায় যিনি গর্ভে ধরেছিলেন—বল, তোমার মা
এখন কোথায়?

দয়ালের প্রবেশ

দয়াল। স্বর্গে। উৎসব কর মহিম! আপদ দূর হয়েছে। তাঁর
মৃতদেহের উপর তোমরা দুজনে তাণ্ডব নৃত্য কর। তোমাদের বাল্যই
গিয়েছে।

সরষু। তাঁর মৃত্যু হয়েছে?

দয়াল। বৌমা! ধনু তোমরা এই বৌজাতি! তোমরা স্বামীকে
পশুর অধম করে ফেল, ভাইকে ভায়ের শত্রু কব, পুত্রকে মায়ের কোল
থেকে ছিনিয়ে নাও! ধনু জাতি! বলিহারী!—আর তুমি মহিম!
নীচ, পাষণ্ড, মাতৃহস্তা! নরকেও যেন তোমার স্থান না হয়! তোমাকে
অভিশাপ দিই, যেন আহারে ভাতের মুঠো মুখে তুলতে তা ভস্ম হ'য়ে
যায়; আর সর্বসময়ে তোমার মায়ের মরাসুখ দেখে যেন তুমি শিউরে
ওঠো, আমি তোমায় এই অভিশাপ দিবে গেলাম। মনে রেখো।

পঞ্চম দৃশ্য

স্থান—বাগানবাড়ী। কাল—রাত্রি।

পার্কতীর বন্ধুবর্গ—নানারূপ অবস্থায় অবস্থিত। ঘুরে খানসামা ইত্যাদি

আহার পাত্রাদি গুছাইতেছেন

নীলমাধব। আজকের পার্টি বেশ জমকালো রকম হবে।

সারদা। এবার দুর্ভিক্ষ হবে বোধ হয়।

বিনোদ। ওরে বিন্দে, তামাক সাজ।

অম্বুকুল। দেবেন্দ্রবাবুর স্ত্রীর বড় অসুখ!

সারদা । প্রমাণ হ'য়ে গিয়েছে, বক্ত্রিয়ার খিলিজি নবদ্বীপ আক্রমণ করেন নি ।

নীলমাধব । এবাব শীত পড়েছে খুব ।

নবীন । ওহে গীতগোবিন্দ তোমার কেমন লাগে ?

হরি । ওবে সোডা এনেছি স্ ত !

চন্দ্র । তোমার ছেলেপিলে কটি ?

সাবদা । অশোকের সময় বৌদ্ধধর্মের প্রচার হয় নি । তাম্রলিপি পাওয়া গিয়েছে ।

কালী । ওহে ! Give me a glass of liquid fire—distilled damnation.

পার্বতীর প্রবেশ

অমুকুল । এই যে পার্বতী !

পার্বতী । কৈ ! এখনো আসে নি ?

অমুকুল । জাপানীরা যে দিন পোর্ট আর্থর দখল করে, সেদিন আমাদের আপিশে যাবা রুঘিয়ার পক্ষে ছিল, তাবা তামাক খাষ নি ।

নীলমাধব । বল কি ! এই যে—

সারঙ্গীসহ বাইজি-বেশে শাস্তার প্রবেশ

চন্দ্রকান্ত । এই যে সরে' দাঁড়াও, সরে' দাঁড়াও । বাইজীর জন্ত রাস্তা কর, রাস্তা কর ।

রাস্তা করিতে লাগিলেন

নীলরতন চাদর দিয়া রাস্তা ঝাড়িতে লাগিলেন ।

বিনোদ চাদর দিয়া শাস্তাকে বাতাস করিতে লাগিলেন ।

সারদা প্রশান্তভাবে তামাক টানিতে টানিতে অনুকূলের সহিত নিঃশব্দে গল্প
করিতে লাগিলেন। প্রেমতোষ গিয়া শাস্তার হাত ধরিয়া কহিলেন—

আমুন—

শাস্তা। হাত ছাড়ুন।

ছাড়াইয়া লইলেন

প্রেমতোষ। ও বাবা! এত বাইজী নয়, এ যে গোখরো সাপ।
একেবারে ফণা তুলে ফোস্ করে' উঠলে! এস চাঁদ—

পুনরায় তাহার হাত ধরিতে উদ্ভত

শাস্তা। খবর্দাব, আমায় স্পর্শ করবেন না।

প্রেমতোষ। ওহে পার্বতী?

মাথা ঝাঁকিয়া প্রশ্ন করিলেন

কালী। ওহে! বেশ বাংলা বলছে ত! 'স্পর্শ করবেন না'—বেশ
বলেছে! এ যে অত্যন্ত ভদ্র রকম বাইজি। Is she a vision! Or a
fairy! She seems to me too fine to be a woman.

পার্বতী। এত বোখ কিসের চাঁদ! তুমি ত বেশা।

শাস্তা। যাব মাতা বেশা, পিতা লম্পট, সে বেশা না হ'য়ে কি
স্বর্গের দেবী হবে? তথাপি আমি বেশা নই।

সকলে চমকিত হইয়া তাহার পানে চাহিলেন

বিনোদ। তুমি বেশা নও! তবে কি তুমি খড়দার মা গৌসাই!

শাস্তা। ওঃ! অস্বীকারও যে কর্তে পারি না। এ কলঙ্ক, এ
অপবাদ বিধাতা আমার কপালে দেগে দিয়েছেন। আমি কি করব!
যাক। মহাশয় গান আরম্ভ হবে?

পার্বতী । তোমার সঙ্গে কি শুদ্ধ গাইবার বন্দোবস্ত হয়েছে, না নাচবে ?

শান্তা । আজ্ঞে না, শুদ্ধ গাইব ।

চাক । আর আমবা চোখ বুজে শুন্বো ! এটা কি উপাসনা মন্দির পেয়েছো ?

নীলবতন । আচ্ছা গাও—

শান্তা । (সারঙ্গীদিগকে) ধব ।

সারঙ্গীরা সারঙ্গ কোলে লহয়া বসিয়া বাঁধিতে লাগিল]

পার্বতী । দাঁড়াও । আগে 'ঐশূ' ধার্য্য কবে' নেই ! তুমি শুদ্ধ গায়িকা হিসাবে এখানে এসেছো ?

শান্তা । আজ্ঞা হাঁ !

পার্বতী । তা হবে না ।

শান্তা । মহাশয়ের অভিকর্চি ।

চলিয়া যাহতে উদ্ভত

পার্বতী । যাচ্ছ কোথায় ? আগাম টাকা নিয়ে—

একজন সারঙ্গী নোটসহ টাকার পুঁটলি ঝনাৎ করিয়া ফেলিয়া দিল ।

পরে সারঙ্গী ও শান্তার প্রস্থান

নীলবতন । উঃ ! একেবাবে যে কুইন সেন্টিবেমিস্ ।

শ্রেমতোষ । আজকের আমোদটাই মাটি কবে' দিলে ।—ওহে ডাক ডাক, গানই গাক্, তা আব কি হবে । চাক, ডাক ।

চাক বাহিরে গিয়া শান্তা ও সারঙ্গীকে ডাকিয়া আনিল

পার্বতী । আচ্ছা গাও । তুমি কেমন তা আব একদিন দেখে নেবো !

শান্তা । (সারঙ্গীকে) ধর ।

সারঙ্গীরা সারঙ্গ বাঁধিতে লাগিল

সারদা । (অন্নকুলকে) তুমি গণ্ডমূৰ্খ ।

অন্নকুল । তুমি গোমূৰ্খ ।

সারদা । ১৪১৫ শাল ।

অন্নকুল । ১৪১৬ শাল ।

সারদা । বেযাদব !

অন্নকুল । চোপরাও ।

পার্বতী । কি হযেছে ! কি হযেছে !

সারদা । Battle of Agincourt ১৪১৫ শাল ।

অন্নকুল । হাঁ Battle of Agincourt ১৪১৬ শাল ।

সারদা । নরাধম !

অন্নকুল । গৰ্ভস্রাব !

সারদা । এসো ত !

আন্তিন গুটাইলেন

অন্নকুল । এসো না দেখি !

আন্তিন গুটাইলেন

পার্বতী । আৰে কর কি ! কর কি ! হযেছে কি ?

সারদা । Battle of Agincourt.

ঘুঁষি তুলিলেন

অন্নকুল । হাঁ Battle of Agincourt.

ঘুঁষি তুলিলেন

সারদা । ১৪১৫ শাল ।

হকার

অনুকূল । ১৪১৬ শাল ।

হকার

চারু । আরে Battle of Agincourt কোন্ শালে—তা নিয়ে
যুষোযুধি কেন ? আর এখানেই বা কেন ? আমোদ কর্তে এসেছো ?

সারদা । আচ্ছা—এসো, বাইরে এসো !

মালকৌচা মারিলেন

অনুকূল । এসো না !

মালকৌচা মারিলেন

সারদা । মাঠে চল ।

অনুকূল । চল ।

সারদা । (লাফাইতে লাফাইতে) Battle of Agincourt.

অনুকূল । (লাফাইতে লাফাইতে) Battle of Agincourt.

উভয়ে । Battle of Agincourt.

হকার ও নিজ্জাগু

পার্বতী । আরে ! এবা করে কি ! Battle of Agincourt
নিয়ে এদের এত মাথাব্যথা কেন !

কালী । হাঁ, বীর বটে ! সত্য সত্যই যেন দুজন Battle of
Agincourt কর্তে গেল ! মালকৌচা মেরেছে, আস্তিন গুটিয়েছে, ঘুঁষি
ভুলেছে, লাফিয়েছে—আর কি চাও ? Strange all this differ-
ence should be betwixt Tweedledum and Tweedledee.

শান্তা । মহাশয় গাইব ?

পার্বতী । গাও ।

কালী । রোস, আগে Battle of Agincourt কোন্ শালে ঠিক
হ'য়ে থাক ! আমার একটা ছুঁর্তাবনা হয়েছে । রাত্রে ঘুম হয় না ।

সকলে হাসিলেন

পার্কর্তী । তুমি হিন্দী গাও, না বাঙ্গালা গাও ?

শান্তা । দুই গাই ।

কালী । তবে একটা বাঙ্গালাই গাও—যা বুঝি । হিন্দী is Greek
to me

প্রেম । না, আগে একটা হিন্দী হোক—(সুরে) আবে সেইয়া ।

কালী । ওস্তাদ ।

চন্দ্র । না—না, বাঙ্গালাই গাও—সেইয়া মেইয়া বেথে দাও ।
বাঙ্গালাই গাও ।

বিনোদ । ব্রহ্মসঙ্গীত এখানে চলবে না ।

কালী । দেখ না কি গায । Perhaps it may turn out song,
perhaps turn out a sermon.

পার্কর্তী । আগে একটা হিন্দী গাও ।

শান্তা । যে আজ্ঞে ।

শান্তার গীত

পল খন সেই পাগে ঝারে রিম
ষব ঘর আই প্যারা মোরা ।
গারোয়া লাগাড' নবত বুঝাট—
তন মন ধন সবোয়ারা ।

হিরণ্ময়ীর প্রবেশ

প্রেম । এ আবার কে !

পার্কর্তী । . (চমকিয়া) তুমি ! এখানে !

হিরণ্ময়ী । বাঃ ! খাসা সজ্জিত বিলাসভবন, চমৎকার উজ্জল প্রশস্ত
কক্ষ, অপার্থিব প্রাণোন্মাদী সঙ্গীত ।—(পার্কর্তীকে) কি ! মুখ যে

ছাইয়েব মত সাদা হ'য়ে গেল। সে কথা বলব না, ভয় নাট! রাস্তা দিয়ে যাচ্ছিলাম, আলোকিত উদ্যানভবন দেখলাম, হাঁসবিজড়িত সুন্দর সঙ্গীত শুনলাম, ভাবলাম, একবার উঁকি মেবে দেখে যাই যে এখানে কি রকম প্রেতের নৃত্য হচ্ছে।

পার্বতী। তা—এখন যাও।

হিরণ্ময়ী। একটু থাকলামই বা। বাইবে যোর অন্ধকাব। পথ কর্দমাক্ত। শীতেব প্রথম বাতাস বৈছে। সেই কাল রাত্রির কথা মনে হ'ল। মনে হ'ল সেই পাষণ্ডক একবার দেখে যাই।

পার্বতী। দারোয়ান।

হিরণ্ময়ী। কিছু বলছি না, ভয় নাট। এখন এই সুসজ্জিত নাট্যশালায়—এই গীতমুখর দীপোদ্ভাসিত বিলাসমন্দের যদি সে কথা উচ্চারণ করি—তা হ'লে সঙ্গীত ভয়ে থেমে যাবে, আলো আতঙ্কে মুখ ঢাকবে, হাশ্ব আর্ন্তনাদ করে' উঠবে।

পার্বতী। এহ দবোয়ান!

হিরণ্ময়ী। 'তার পর সেই অন্ধকাবে হঠাৎ শ্মশানের চিতা ছুপ করে' জ্বলে' উঠবে, সুবাসিত বাতাস পচা হাডের দুর্গন্ধ বমন করবে, মাটি ফুঁড়ে শয়তানের দল লাফিয়ে উঠবে।' না, সে কথা প্রকাশ করব না। সে কথা শুন্লে বন্ধু বন্ধুর মুখের দিকে মুখ তুলে চাইতে পারবে না, জী স্বামীর আলিঙ্গনের নীচে গুপ্ত ছোঁরা দেখবে, সম্মান মাতৃস্তুতে বিষ আছে বলে' সন্দেহ করবে। কিছু প্রকাশ করব না, ভয় নাই! তবু উচ্ছা করে যে একবার সে কথা বাত্ৰি কবে' দেই, পরে কি হয় একবার দেখি। একবার বলে' দেখবো কি হয়?

পার্বতী। কোথা থেকে এক উন্মাদ এসে জুটলো! নিকালো—

হিরণ্ময়ী। কি! উন্মাদ? নিকালো? তবে বলি! না, বলবো।

এ কথা রাষ্ট্র কর্ক ! আর চেপে রাখতে পারি না।—মহাশয়েরা ! আমি পাগল নই ! যে কথা আজ বলছি তা উন্মাদের প্রলাপ নয় !

পার্কতী । দারোয়ান ।

বাহিরে দারোয়ান ডাকিতে গেলেন

হিরণ্ময়ী । ঈশ্বরকে আমরা সাক্ষী মানি, কিন্তু তিনি কখন সাক্ষ্য দেন না । তিনি হাত গুটিয়ে বসে' আছেন । মরা মানুষ সাক্ষ্য দেয় না ; শুধু স্থির, পারদপাংশু, দৃষ্টিহীন নেত্রে চেয়ে থাকে । কিন্তু আমি যা এই সভায় প্রকাশ কর্ক, তাঁর প্রত্যেক অক্ষর যে কোন বিচারালয়ে প্রমাণ কর্তে পারি ।—না, আমি উন্মাদ নই ! এই কুশা, চীরবসনা, রুক্মকেশা, ধূলিধূসরিতা ভিখারিণী—সম্রাটকুলের শিক্ষিতা মহিলা ।

পার্কতীর পুনঃ প্রবেশ

পার্কতী । দারোয়ান গেল কোথা ?—বেরিয়ে যা বলছি, নৈলে—

হিরণ্ময়ী । মহাশয়েরা, এই যে আপনাদের সম্মুখে নিরীহ ভদ্রের মত পোষাক পরা ব্যক্তিকে দেখছেন—এ ব্যক্তি শঠ, ব্যভিচারী, হত্যা—

পার্কতী । (দৌড়িয়া গিয়া হিরণ্ময়ীর কণ্ঠদেশ সজোরে ধরিয়া)
চোপঁরাও—

হিরণ্ময়ী । রক্ষা কর—রক্ষা কর—(গলদেশ ছাড়াইবার চেষ্টা করিতে লাগিলেন) আমি এ কথা—আজ—প্রকাশ করে—তবে মর্কো ।
—রক্ষা কর ।

শান্তা । (সম্মুখে নারীহত্যা হয় ; আর পুরুষ সবই পাথরের মূর্তির মত স্থির ! যখন পুরুষ এমন কাপুরুষ—তখন পুরুষের কাজ নারীরই কর্তে হয় ।) (দৌড়িয়া গিয়া পার্কতীর কণ্ঠদেশ ধরিয়া) ছেড়ে দাও—ছাড় এই মুহূর্তে—নইলে—

পার্বতী। (হিরণ্যযীকে ছাড়িয়া) চোপ্‌রও ! (শাস্তার কণ্ঠদেশ ধরিলেন)

“এর জন্ত প্রস্তুত হ’য়ে এসেছি।” বলিয়া শাস্তা স্বীয় বস্ত্রমধ্য হইতে তৎক্ষণাৎ একখানি শানিত দীপ্ত ছোরা বাহির করিয়া পার্বতীর বক্ষ লক্ষ্য করিয়া কহিল, “সাবধান !”

পার্বতী তৎক্ষণাৎ শাস্তাকে ছাড়িয়া পশ্চাতে হেলিলেন। শাস্তা কিন্তু ছোরা হস্তে পূর্ববৎ দাঁড়াইয়া রহিল। ইত্যবসরে প্রায় সকলেই উঠিয়া দাঁড়াইয়াছিল ও নির্ঝাক বিষয়ে তাহার পানে চাহিয়া রহিল। হিরণ্যযী নেত্রদ্বয় বিস্ফারিত করিয়া সভয়ে চৌৎকার করিয়া শাস্তাকে লক্ষ্য করিয়া কহিল, “কে তুমি ? কে তুমি ? বলিয়া মূচ্ছিত হইয়া পড়িল।

তৃতীয় অঙ্ক

প্রথম দৃশ্য

স্থান—বিশ্বেশ্বরের বহির্কোণ। কাল—প্রভাত।

বিশ্বেশ্বর, পরেশ ও কালীচরণ

পরেশ। তাও উই মহাশয়, আপনি দুহাতে সম্পত্তি বিলিয়ে দিচ্ছেন—শেষে যে হাত ধুয়ে রাস্তায় বসতে হবে।

বিশ্বেশ্বর। যখন বসতে হবে বসবো।

পরেশ। তবু বিলোবেন ?

বিশ্বেশ্বর। যতদিন আছে—বিলোতে হবে বৈ কি !

পরেশ। আর কি আছে যে বিলোবেন ?

বিশ্বেশ্বর। সে কি বাবাজি ! এটা বাড়ীখানা কি সহজ ব্যাপার বিবেচনা কর বাপু। আব জমিদারি !

পরেশ। সে ত একে একে বিক্রয় হ'য়ে গিয়েছে।

বিশ্বেশ্বর। তা কি হয় ! তবে টাকা আসছে কোথা থেকে ?

পরেশ। সে ত নিলাম খবিরদেব বাকি টাকা আমমোক্তার যা দয়া করে' এনে দিচ্ছে। তাও জানেন না ? এখন আপনার জমিদারির আয় কত জানেন ?

বিশ্বেশ্বর। কত ?

পরেশ। কিছু খবর রাখেন না ?

বিশ্বেশ্বর। না।

পরেশ। আশ্চর্য ! আচ্ছা, জমিদারির আয় একলাখ হবে ?

বিশ্বেশ্বর । তা হবে !

পরেশ । না, ৫০,০০০ ?

বিশ্বেশ্বর । মোটে—

পরেশ । তাও যে নেই ।

বিশ্বেশ্বর । নেই না কি ?

পরেশ । এখন বার্ষিক আয় ১০,০০০ হবে কি না সন্দেহ ।

বিশ্বেশ্বর । সে কি !

পরেশ । ছিল দু'লাখ, হবেছে দশহাজার ।

বিশ্বেশ্বর । বটে ! বাকি একলাখ ৯০ হাজার কি হ'ল ?

পরেশ । বোতামিউ না দেওয়ায় নিলাম হ'য়ে গিয়েছে ।

বিশ্বেশ্বর । যাক—আপদ গিয়েছে ।

পরেশ । আপনার গেমস্টা খাজনা আদায় করে' টাকা নিজেই
গাপ কবেছে ।

বিশ্বেশ্বর । কবেছে না কি ! কেন বর্ন ? চাইলেই ত দিতাম !

পরেশ । তাব উপরে পার্কীতীবাবুব সঙ্গে ষড় করে' বিনা ইস্তাহারে
জমীদারি নিলাম করিয়েছে ।

বিশ্বেশ্বর । নালাম কবিযেছে ? না না, তা কি হয় ! তুমি শুন্তে ভুলেছ ।

পরেশ । শুন্তে ভুলেছি ! আগে তাই শুন্তে পেতাম ; এখন বিশেষ
তদন্ত কবে' জেনেছি । শুনুন, এখনও একটু হাত গুটোন ; নৈলে দুদিন
পরে যে খেতে পাবেন না , সাফ খেতে পাবেন না ।

বিশ্বেশ্বর । (হাসিয়া) তাও কি হয় বাবাজি ।

পরেশ । জমীদারি যা আছে এখন থেকে আমি দেখছি—আপনি
হাত গুটোন ।

বিশ্বেশ্বর । হাত কখন গুটোন যায় ? গরীব চাইলে যে চোখে জল

আপনি আসে, হাত যে আপনি এগিয়ে যায় তাকে বুকের মাঝখানে জড়িয়ে ধর্তে। থাকতে দেবো না! এ কি হয় বাবাজি!

কালীচরণ। The robbed that smiles, steals something from the thief.

এস্থান

বিশ্বেশ্বর। পরেশ! নিজের বাড়ীর খরচ চেঁচা কল্লের কমাতে পারি। কিন্তু পরেব দুঃখ মোচন কর্তে হাত কি গুটোন যায় বাবাজি! তুমি জান না যে ত্যাগে কি আনন্দ, দানে কি সুখ! চক্ষের জল মুছিয়ে দেওয়া, শুক ওষ্ঠপুটে হাসি ফোটান, স্নান মুখ উজ্জল করা—এ একটা সৃষ্টি! কঠোরকে ভালবাসান, পাপীকে কৃতজ্ঞ করা—তুমি জান না পরেশ—ছেলে-মানুষ—হেঁ হেঁ হেঁ—নিতান্ত ছেলেমানুষ!

পরেশ। আর এদিকে জমীদারি যে একে একে সব পার্বতী কিনে নিল।

বিশ্বেশ্বর। নে'ক। তার ত আনন্দ হচ্ছে।

পরেশ। চোরা না শোনে ধর্মের কাহিনী।

এস্থান

বিশ্বেশ্বর। পরেশ বড় চটেছে।—ও কে? দয়াল না! তাই ত, দয়ালই ত!—এসো দয়াল। এ যে অনেক দিন পরে!

দয়ালের প্রবেশ

বিশ্বেশ্বর। এসো আমার প্রিয়তম বাল্যবন্ধু—(ব্যস্ত ভাবে উঠিয়া কোলাকুলি করিয়া) দেশ থেকে এলে কবে?

দয়াল। আজই।

বিশ্বেশ্বর। ওঃ! কতদিন তোমায় দেখি নি?—আমার সরষু ভাল আছে?

দয়াল। চমৎকার!

বিশ্বেশ্বর। আর মজিম!

দয়াল। ততোধিক।

বিশ্বেশ্বর। বোস বোস, সবযুর কথা বল! কতদিন যে তাকে দেখি নি—নিজের অসুখ, বাতে পঙ্গু—যাক্ সবযুর সঙ্গে তোমার প্রায়ই দেখা হ'ত?

দয়াল। তা হ'ত।

বিশ্বেশ্বর। সে আমাব কথা তোমায় বলতো! বলতো যে সে আমায় এখনও ভালবাসে।

দয়াল। তা আর বাসবে না! তাব যে বিষে দিযেছো!

বিশ্বেশ্বর। কি বিষে দিযেছ!

দয়াল। চমৎকার! এমন সোণাব প্রাণমাকে এক চণ্ডাসের হাতে সঁপে' দিযেছ।

বিশ্বেশ্বর। সে কি!

দয়াল। তার অবস্থা একবার নিজে গিয়ে দেখ এসো! তাকে এখন দেখলে চিন্তে পারবে না।

বিশ্বেশ্বর। কেন!

দয়াল। কেন আবার! মনেব কষ্টে, অনাহারে—

বিশ্বেশ্বর। অনাহারে! কেন! আমি মাসে তাকে ৫০০ টাকা পাঠাই, তা কি পাঠান হয় না?—পরেশ!

দয়াল। পাঠান ঠিক হয়। তবে তোমার সাধেব নাতজামাই সেই পাঁচশর মধ্যে চারশ যে এক বেণ্ডার পায়ে ঢেলে দিচ্ছেন।

বিশ্বেশ্বর। কি! কার পায়ে ঢেলে দিচ্ছে?

দয়াল। কার পায়ে আবার! সেই গণিকার পায়ে! বেছে বেছে

পাত্র খুঁজে বের কবেছিলে খুব! তোমার সম্পত্তি এক বেণ্ডার ভোগে লাগছে। বলিহারি!

বিশ্বেশ্বর। তুমি কি বলতে চাও যে মহিম এক গণিকা রেখেছে?

দয়াল। সে কি তুমি জান না? শোন নি?

বিশ্বেশ্বর। না। দিদি ত সে বকম কিছু লেখে নি!

দয়াল। লেখে নি যে সে খেতে পায় না?

বিশ্বেশ্বর। কৈ—না।

দয়াল। লেখে নি যে তার ছেলে অনাহারে জ্বরে বিনা চিকিৎসায় মারা গিয়েছে?

বিশ্বেশ্বর। কে! খোকা?

দয়াল। হাঁ খোকা।

বিশ্বেশ্বর। মাঝা গিয়েছে? কি বলছ সব?

দয়াল। তাও শোন নি?

বিশ্বেশ্বর। মারা গিয়েছে? কৈ! দিদি ত কিছু লেখে নি।

দয়াল। লেখে নি! আশ্চর্য্য।

বিশ্বেশ্বর। মারা গিয়েছে? ঠিক?

দয়াল। আমার কথা বিশ্বাস হচ্ছে না?

বিশ্বেশ্বর। বুঝেছি সব! এ সংবাদ শুনে আমার কষ্ট হবে বলে' সে কথা লিখিস্ নি! ওঃ! এই বয়সেই তোর পুত্রশোক সহ্য করতে হ'ল দিদি!

দয়াল। অদৃষ্ট!

বিশ্বেশ্বর। মহিম গণিকা রেখেছে?

দয়াল। হাঁ।

বিশ্বেশ্বর। গণিকা?

দয়াল। বুঝতে পারছি না? এ ত বেশ বিগুঢ় বাঙ্গালা! গ্রাম্য ভাষায় বলবো?

বিশ্বেশ্বর। গণিকা রেখেছে! কেন?

দয়াল। নাও! এ 'কেন'র জবাব কি দেব! গণিকা লোকে আবার রাখে কেন!

বিশ্বেশ্বর। মহিম সরযুকে আর ভালোবাসে না? বল কি!

দয়াল। তা বাসে বৈ কি। তোমার নাতিনৌই ত সে গণিকার খরচ যোগায়।

বিশ্বেশ্বর। মাথা ঘুলিয়ে যাচ্ছে। বোস। মহিম সরযুকে আর ভালোবাসে না!

দয়াল। সর্প যেমন ভেককে ভালোবাসে।

বিশ্বেশ্বর। কিন্তু একদিন ত বাসতো!

দয়াল। তা হবে।

বিশ্বেশ্বর। এ যে আমার স্বপ্নের অগোচর! সরযুকে ভালো না বেসে কেউ থাকতে পারে? এ যে আমার ধারণার অতীত। সে আমার সরযুকে এত ভালোবাসতো! সে যে সরযু বৈ আর জান্ত না! সে যে সরযু বলতে অজ্ঞান ছিল! সে কি আমি সব স্বপ্ন দেখেছি, সে কি সব ভ্রম! এ যে আমি কখনও ভাবি নি!

দয়াল। যা কখন ভাব নি এমন ব্যাপাব পৃথিবীতে অনেক ঘটে।

বিশ্বেশ্বর। (চিন্তিতভাবে) সে যে তাকে বড় ভালোবাসতো! বেশ মনে আছে। (একদিন মনে পড়ে)—সে দিন বিজয়া—সেই শরতের শান্ত সন্ধ্যায়, নাতিনৌ আমার বাগানে একটা নারিকেল গাছে হেলান দিয়ে দাঁড়িয়ে ছিল; অস্তগামী সূর্যের স্বর্ণরশ্মি তার মুখের উপর এসে পড়েছিল; দূরে বিজয়ার বাজ বাজছিল; বাতাসে গাছের পাতাগুলো

নড়ছিল ; মহিম একটা গোলাপ ফুল তুলে হেসে সরযুর কুস্তলে পরিয়ে দিচ্ছিল ; একটা ভ্রমর ফুল থেকে আর একটা ফুলে উড়ে বসছিল । আর আমি অন্তরালে দাঁড়িয়ে সেই ছবিখানি আমার চিত্তপটে এঁকে নিচ্ছিলাম । সে দিন ত মহিম তাকে ভালোবাসতো ?

দয়াল । কে না বাসে ! সে যে যুবকের সম্মুখে যুবতী, ক্ষুধিত গ্রাসের সম্মুখে স্নান ছাড়া খাওয়া । ভালোবাসবে না !

বিশ্বেশ্বর । তার পর সন্ধ্যায় প্রদীপ জ্বালা হ'লে সরযু এসে আমাকে বিজয়ার প্রণাম করলে । আমি এমনি তাকে কল্পিত আলিঙ্গনে বক্ষে তুলে নিয়ে সেই উদ্ভাসিত মুখখানি বারবার চুম্বন করলাম ! তার পর তার গলাটি ধরে' হেসে তাকে জিজ্ঞাসা করলাম, “সরযু ! বাগানে কি হচ্ছিল ?” সরযু হেসে বলে, “আপনি লুকিয়ে লুকিয়ে দেখেছিলেন বুঝি ! ভারি দুষ্ট !” এই ‘ভারি দুষ্ট’ কথাটা সে এমনি বলে—কি বলব দয়াল— এখনও তা আমার কাণে বাজছে ।

দয়াল । নাও । এখন প্রেমের ইতিহাস আরম্ভ হ'ল !

বিশ্বেশ্বর । তার পর সেই রাতে তারা বিদায় নিল । বিদায় দেবার সময় আবার সরযুকে বক্ষে নিয়ে চাঁচিয়ে কেঁদে উঠলাম ! সরযুও কেঁদে উঠল ।

দয়াল । তাই বলে' এখন সত্য সত্যই কেঁদো না ।

বিশ্বেশ্বর । (কতক প্রকৃতিস্থ হইয়া) তার পর আমি বললাম, “সরযু, মনে থাকবে ত ?” সরযু তখন—মুখে হাসি চোখে জল—সে কি অপূর্ব দৃশ্য দয়াল—সরযু বলে, “দাদামহাশয়, আপনাকে যে দিন ভুলবো চিঠি লিখে জানাবো ।” তার পর গাড়িতে চ'ড়ে তারা দুজনে চলে' গেল । সরযু গাড়ি থেকে মুখ বাড়িয়ে বলে, “চিঠি লিখবেন দাদামহাশয় !” গাড়ি চ'লে গেল ! পৃথিবী দুহাত দিয়ে মুখ ঢাকল । সেই নৈশ

আকাশে একটা দীর্ঘনিশ্বাস উঠে মিলিয়ে গেল। সে আজ তিন বৎসর হবে। হাঁ ঠিক তিন বছর!

দয়াল। তা কে অস্বীকার করছে!

বিশ্বেশ্বর। তার পর কত দীর্ঘ দিবস তার সেই হাসি মুখখানি, তার সেই স্বর বাতাসে ভেসে বেড়িয়েছে। কত দীর্ঘরাত্রি তার বায়বী মূর্তিকে অশ্রুজলে স্নান করিয়ে দিয়েছি। সে ত মানবী নয় দয়াল! সে যে দেবী, সে যে কবির কল্পনা, ধ্যানের ধারণা, মানসী প্রতিমা, তাই বুঝি মহিম তাকে ধর্তে পাবে নি।

দয়াল। ধর্তে বেশ পেরেছিল; এখন আর সে সব কথা ভাবলে কি হবে। একটা উপায় কর।

বিশ্বেশ্বর। উপায়! হুঁ তাই ত। ছেলেটা বিগড়ে গেল।—দয়াল তোমার খাওয়া হয়েছে?

দয়াল। হাঁ, হয়েছে।

বিশ্বেশ্বর। উহুঁ। সুবিধে রকম ঠেকছে না।—ভবানীপ্রসাদ।

দয়াল। এখন আপনি বিহিত একটা কিছু করুন।

বিশ্বেশ্বর। একটা কিছু কর। তাই ত! একটা কিছু কর।

ওহে ভবানীপ্রসাদ।

ভবানীপ্রসাদের প্রবেশ

বিশ্বেশ্বর। ওহে একটা গান গাও ত।

দয়াল। গান গাইবে কি।

বিশ্বেশ্বর। আমার মাথাটা কি রকম করছে। তাই ত—সেই বেশাটির কি রকম চেহারা?

দয়াল। নাও! এতক্ষণ পরে জিজ্ঞাসা করলেন কি না যে তার কি রকম চেহারা!

বিশ্বেশ্বর । আমার নাতিনীর চেয়ে সে ভালো দেখতে ? তার চেয়ে টানা ক্র ? তার চেয়ে নীল চক্ষু ?—কখন উল্লাসে জলে ওঠে, কখন জলে ভরে' আসে । তাব চেয়ে মিষ্ট হাসি ?—রাজা চৌট দুখানি যেন দুগ্ধশুভ্র দন্তপাঁতির সঙ্গে সই পাতিবেছে । তাব চেয়ে স্নগোল বাহু ?—সোণার চুড়ি যেন তাকে সোহাগে জড়িয়ে ধরেছে । তাব চেয়ে কোমল করপুট ? মল্লিকা আর জবা সেখানে প্রভুদেব জন্ত যুদ্ধ করছে । আমার নাতিনীর চেয়ে তাব রং কি রক্তাভ শুভ্র, কণ্ঠস্বর ঝঙ্কারময়, লঘু গতি, ব্রীড়ানত্র ভঙ্গিমা, কৃষ্ণ কেশদাম ? আহা সে ঘাড়টি নাড়ত, আব পাশের চুলগুলি এসে মুখের উপর আদবে কাঁপিয়ে পড়তো ।

দয়াল । নাও, এখন কবিত্ব আরম্ভ হ'ল ।

বিশ্বেশ্বর । সব চেয়ে ভাল তার চক্ষু দুটি ! কত রকম চাইত ।
—গাও ভবানীপ্রসাদ । মাযের নাম গাও ।

গীত ✽

আর কেন মা ডাকছ তামায়, এই যে এইছি তোমার কাছে ।
নাও মা কোলে দাও মা চুমা এখন তোমার যত কাছে ।
সাজ হ'ল ধূলা খেলা, হ'য়ে এল সঙ্কাবেলা
ছুটে এলাম এই ভায় মা এখন তোমায় হারাই পাছে ।
আধার ছেয়ে আসে ধীরে, বাহু দিয়ে নাও মা ঘিরে,
ঘুমিয়ে পড়ি এখন আমি—মা তোমার ঐ বুকের মাঝে ।
এবার যদি পেইছি শ্রামা, আর ত তোমায় ছাড়ব না মা—
ওমা, ঘরের ছেলে পরের কাছে মায়ে ছেড়ে সে কি বাঁচে ।

গাইতে গাইতে ভবানীপ্রসাদের গৃহস্থান

দয়াল । কি বিশ্বেশ্বর, কাঁদছ !

বিশ্বেশ্বর । না । চল দয়াল, একটু বেড়িয়ে আসি ।

দয়াল । চল ।

উত্তরে নিজ্রাস্ত

দ্বিতীয় দৃশ্য

স্থান—শাস্তার গৃহকক্ষান্তর। কাল—গোধূলি।

শাস্তা একাকিনী

শাস্তা। আজ আর কিছুই ভাল লাগছে না। যেমন আকাশ মেঘাচ্ছন্ন, তেমনি আমার মন মেঘাচ্ছন্ন। আমার জীবনের প্রধান কাজ যেন কালক্ষেপ করা। আমার জীবনের প্রধান সুখ—আপনাকে আপনি ভুলে থাকা। 'অথচ খাচ্ছি, কৌতুক কচ্ছি; এই জঘন্য রূপকে দর্পণে দেখছি, মাজছি, সাজাচ্ছি—কেন? আর কোন কাজ নাই বলে?' (দীর্ঘনিশ্বাস)—একটা শুষ্ক নদী, একটা উষর ক্ষেত্র, একটা জীবহীন অরণ্য, একটা প্রাণহীন দেহ! (জানালায় কাছে গিয়া বাহিরের দিকে চাহিয়া) বৃষ্টি পড়ছে, ঝিপ্ ঝিপ্ করে' বৃষ্টি পড়ছে। বাতাস নাই, বিদ্যুৎ নাই, মেঘগর্জন নাই। একটা মলিন স্থির পঙ্কিল দিবস। আমার জীবনের প্রতিচ্ছবি।—কে ওস্তাদজি!

ওস্তাদজির প্রবেশ

ওস্তাদ। হাঁ বেটি।

শাস্তা। আদাব। বৈঠিয়ে ওস্তাদজি।

ওস্তাদ। (সেলামান্তর বসিয়া) হামকো বোলায়ি থি বেটি?

শাস্তা। জি।

ওস্তাদ। কিস্ ওয়াস্তে।

শাস্তা। ওস্তাদজি! আপ্ মুক্‌সে নারাজ হয়ে?

ওস্তাদ। রজ? কুছ্ নেই।

শান্তা । বেশখ্ হয়ে । এংনে রোজ মেরা সাথ্ মোলাকাং ভি
কিনে, খবর ভি নহি লি ! একঠো খংভি নেই ভেজা !

ওস্তাদ । তুম্ হাম্‌রা কোন্‌ হায় বিবিসাহাব !

শান্তা । নারাজ মৎ হোনা !

ওস্তাদ । গোসা হোনেসে তোমারি হরুজ কেয়া ? এইসেই দস্তুর
হায় । তুম্‌লোক একঠো জোয়ান মিলনেসে নউলকা মাফিক সাথ্ সাথ্
ফিরতে হো । এইসেই দস্তুর হায়, এইসেই দস্তুর হায় (চক্ষু মুঁছিলেন)
লেকেন—মেজাজ সরিক ।

শান্তা । আপ্‌কি দোয়াসে ।

ওস্তাদ । তুম্‌ পর আশিক্ হায় ?

শান্তা । কোন্‌ ?

ওস্তাদ । মরদ্ ?

শান্তা মস্তক অবনত করিলেন

ওস্তাদ । এইসেই দস্তুর হায় । মরদ্ জোয়ান হায় । তুম্‌ভি পিয়ার
কর্তি হো ?

শান্তা । আলবৎ ! আপ্‌ কেয়া সমঝাতে হেঁ ময় রুপেয়াকোয়াস্তে—

ওস্তাদ । কভি নেই । লেকেন উসকো বিবি হায় ?

শান্তা । কিস্কো ?

ওস্তাদ । তোমারে খসম্কো, তোমারে পিয়ারেকো, তোমারে
জানুকো ! উস্কো বিবি হায় ?

শান্তা । (অবনত মস্তকে নিম্নস্বরে) হায় ।

ওস্তাদ । (উঠিয়া) জাহান্নম্‌মে যাও ।

শান্তা। (কিছুক্ষণ নীরব থাকিয়া) বুঝেছি ওস্তাদজি ? সত কথা। এ কথা আমার মনে যে পূর্বে আসে নি তা নয় ! ভেবেছিলাম ভালবাসায় সব পবিত্র হয়, মাটি সোণা হয়। কিন্তু—না, তাই বা কেন প্রেম যার সঙ্গে, তারই ঋণাত্মক অধিকার ! নইলে—

গীত

তোমারেই ভালোবেসেছি আমি
তোমারেই ভালোবাসিব।
তোমারই হৃৎখে কাঁদিব সখে
তোমারই হৃৎখে হাসিব।
তব হাস্তোজ্জ্বল বিকসিত-শতনল—
বিতরিব তোমারি গৌরব পরিচল ;
সজলজলদজালমান গগন তলে
তোমারি নয়নজলে ভাসিব।
মিলনে—করিব তব চিত্তবিনোদন
তোমারি মিলনগীতি গাহিয়া ;
বিরহে মলিনমুখে শূণ্য নয়নে দুখে
রাহিব তোমারি পথ চাহিয়া।
মেলেছি নয়ন তব জ্যোৎস্নার জাগরণে.
মুদিব নয়ন তব হৃৎ নয়ন সনে,
জীবনে মরণে আমি, তোমারি, তোমারি কাছে
জনমে জনমে ফিরে আসিব।

মহিমের আবেশ

শান্তা। কে ! মহিমবাবু ?

মহিম। হাঁ আমি।

শান্তা। এসো প্রিয়তম ! (অগ্রসর হইয়া আলিঙ্গনার্থ হাত বাড়াইলেন) এসো প্রাণাধিক !

মহিম । (পিছাইয়া) এ আবার কি !

শান্তা । আমি আপনাকে ভালোবাসি, এই আমার অপরাধ !
আমি আপনাকে—না, আমি আর ‘আপনি’ বলবো না । তুমি—
তুমি—তুমি ! তুমি আমার প্রিয়তম, (তুমি আমার প্রাণের প্রাণ, তুমি
আমার হৃদয়ের হৃদয়,) তুমি আমার জীবনের জীবন, তুমি আমার—
(মহিমকে বাহুবেষ্টন করিয়া) তুমি আমার, আর কারো নয় ।

মহিম । এ কি ব্যাপার !

শান্তা । বিবাহ ? বিবাহ নৈলে প্রেম নিষিদ্ধ ?—কে বলে ! বিবাহ ?
সে ত রেজেষ্টারি কবুলিয়ৎ লিখে দেওয়া—বেড়া দিয়ে জমি ঘিরে নেওয়া ।
তাই বা কৈ ? প্রজাও জমি ছেড়ে দিতে পারে, বিক্রয় কর্তে পারে ।
কিন্তু স্ত্রী—আমৃত্যু ক্রীতদাসী । অবজ্ঞাত হোক, পদাহত হোক, পরিত্যক্ত
হোক—তাকে তার পাতর পাদপদ্ম ধ্যান করে’ মর্তে হবে—এই ত স্ত্রী ।

মহিম । আজ এ সব কথা কেন শান্তা ?

শান্তা । প্রেম বিবাহজ না হ’লেই বেশ্যাসক্তি । কে বলে ? এই
ত প্রেম । দাস্ত্য নাই, বিপত্তি নাই, দায়িত্ব নাই, ভবিষ্যৎ নাই—একটা
অবাধ অগাধ অস্থির অসীম উচ্ছ্বাস ! আকাশের মত মুক্ত, শরের মত তীক্ষ্ণ,
ঝড়ের মত প্রবল, বিদ্যুতের মত জ্বালাময়, তরঙ্গের মত উদ্দাম ! এই ত
প্রেম ! (মত্ত মাতঙ্গের মত টলিতে লাগিল) প্রাণ, মন, হৃদয়, জীবন,
ইহকাল, পরকাল—একটি চুম্বনের মধ্যে ! এই ত প্রেম ! নইলে—

মহিম । শান্তা, শান্তা ! (গিয়া তাহার স্বন্ধে হাত রাখিলেন)

শান্তা । নইলে দড়ি দিয়েই বাঁধ, লৌহশৃঙ্খল দিয়েই বাঁধ, আইন
দিয়েই বাঁধ, আর মন্ত্র দিয়েই বাঁধ—প্রেমহীন বন্ধনই অপবিত্র, বাধ্য
আলিঙ্গনই বেশ্যাসক্তি ! না না, কি বলছি ! বেশ্যা আমি । বেশ্যার ঘরে
আমার জন্ম । জঘন্য রৌপ্যের জন্তু দেহ বিক্রয় করেছি । বিবাহের মন্ত্র

আমি কি বুঝবো ? সমাজের আবর্জনা আমি ; রাস্তাব হন্তে কুকুর আমি ;
বোগীর স্ত্রীকার আমি । বিবাহের মর্শ্ব আমি কি বুঝবো ! (পরে নিজের
মস্তকের দুই পার্শ্ব চাপিয়া ধরিয়া উচ্চৈঃস্ববে) সে দেশ রসাতলে যাক
যেখানে প্রথমে বেষ্ঠাব সৃষ্টি হ'য়েছিল । সে বিধান নিপাত যাক যে
বিধানে বেষ্ঠা আজীবন বেষ্ঠা । সে পুরুষ নবকে থাক যে এই লালসার
প্রকাণ্ড অগ্নিকুণ্ডে ঘি ঢালে, যে এই কলঙ্কিনীকুলেব কুলবৃদ্ধি করে ।

মহিম । স্থিৎ হও শান্তা !

শান্তা ধীরে ধাবে জানাণার পার্শ্বস্থ একখানি চেয়ারে গিয়া উপবেশন
করিয়া বাহিরের দিকে চাহিয়া বহিল ।

মহিম । আশ্চর্য্য । একপ ৩ এখন দেখি নাই । এ কি সত্যই
বেষ্ঠা । (শান্তাব কাছে গিয়া গায়ে মা ৩ দিয়া) শান্তা ।

শান্তা । বান । কি-টা ২ কি আমার নয় ?

মহিম । তাব অর্থ ।

শান্তা । তার অর্থ এই যে আমি এবৎ বানিক একেলা থাকবো ।
সেই অনুমতি ভিক্ষা কাব ।

মহিম । কেন ? আমি চলি' গেলেই কি তুমি বাঁচ ?

শান্তা । না । তবে লক্ষ্য কবেছেন ক, যে, বিহঙ্গ কখন বা
সূর্যোজ্জ্বল নীলিমায় পক্ষ বিস্তার কবে' ওড়ে, যেন সে আহার জানে না,
চিন্তা জানে না, বিবাম জানে না, দুঃখ জানে না । কিন্তু সেই পক্ষীই
আবার কখন বা পক্ষ গুটিয়ে চক্ষু মুদ্রিত করে' নীড়ে চূপ করে' বসে' থাকে
যেন সে কখন উড়তে শেখে নি ।—দেখেছেন কি ?

মহিম । দেখেছি ।

শান্তা । আমরা সেই জাতি । আমরা যখন পিঞ্জরের গরাদেতে
রক্তাক্ত শাপটের যন্ত্রণায় ছটফট করি, আপনারা হাত্মমুখে তাই দাঁড়িয়ে

দেখেন। আমরা যখন মর্মে মর্মে গুম্বরে' মরে' যাই, আপনারা হাসেন। আমাদের দেখে দুঃখ হয় না মহিমবাবু!

মহিম। না, তোমাদের দেখে আমাদের পরম সুখ হয়—নইলে বাড়ী ছেড়ে এখানে আসি!

শান্তা। আজ যান।

মহিম। কেন! আমি কি তোমার চক্ষুঃশূল?

শান্তা। তুমি আমার সর্বস্ব! তুমি আমার—(জড়াইয়া ধরিলেন; তৎক্ষণাৎ সর্পাহতবৎ পিছাইয়া আসিলেন) না—না, আপনি আমার কেউ ন'ন, কেউ ন'ন।

মহিম। সে কি শান্তা!

শান্তা। আমিও আপনার কেউ নই। আমি তরুলতাটির মত উঠে আজ আপনাকে জড়িয়ে নিরে আছি। কিন্তু যেদিন আপনার আমাকে আর ভাল লাগবে না, সেদিন আমার বাহুব এই ক্ষীণ বেষ্টন-বন্ধন ছিঁড়ে আপনি চলে' যাবেন!

মহিম। কে বললে?

শান্তা। আমি জানি! আমি জানি!

মহিম। কখন যাবো না।

শান্তা। যাবেন না! সত্য বলুন, যাবেন না! সত্য বলুন—বুকে হাত দিয়ে বলুন দেখি—আপনি আমায় ভালোবাসেন? সত্য? সত্য?

মহিম। বাসি।

শান্তা। স্ত্রীর চেয়ে! নিজের চেয়ে? আত্মার চেয়ে? আমি যেমন ভালোবাসি?

মহিম। বাসি শান্তা।

শান্তা দীর্ঘনিঃশ্বাস ফেলিল। দাসী দীপ লইয়া আসিল ও রাখিয়া প্রস্থান করিল

মহিম । রাত হ'ল একটা গান গাও ।

শান্তা । আপনার স্ত্রী কি রকম দেখতে ?

মহিম । অতি সুন্দরী ।

শান্তা । খুব সুন্দরী !

মহিম । একদিন না হয় গিয়ে দেখে এসো !

শান্তা । তিনি আপনাকে ভালবাসেন ?

মহিম । বাসে !

শান্তা । কিন্তু এন্ট রকম ?

মহিম । কি রকম ?

শান্তা । আমার মত ? যেন সগদেব উত্তাল-রঙ্গ ? রাহুব গ্রাম ?

দাবাগ্রিব আলিঙ্গন ? বাস্ত্রেব ক্ষুধিত গজ্জন ? আমি যেমন ক্রুদ্ধ
ফণিনীব মত উখিত ফণা তুলে—না না, পালান, পালান ! আমি
আপনার সর্দনাশ, আমি আপনার অভিশাপ, আমি আপনার নরক ।
—পালান, পালান ।

তৃতীয় দৃশ্য

স্থান—শান্তার বাসবাটীর সম্মুখে রাস্তা । কাল—জ্যোৎস্না রাত্রি ।

বিশ্বেশ্বর, ভবানীপ্রসাদ ও দয়ালের প্রবেশ

বিশ্বেশ্বর । এই বাড়ী বোধ হচ্ছে ।—না দয়াল ?

দয়াল । কিন্তু তোমার তাতে কি ? তুমি বুড়ো মানুষ—এ সময়ে—

বিশ্বেশ্বর । না, আমি একবার তাকে দেখবো ।

দয়াল । দেখে কি হবে ?

বিশ্বেশ্বর । দেখবো, সে কত বড় সুন্দরী । নৈলে আমার নাতিনীকে

ছেড়ে—না, আমি একবার দেখবো!—কি ভবানীপ্রসাদ! অত
করণভাবে মাথা নাড়ছে। যে!

দয়াল। কিন্তু—

বিশ্বেশ্বর। না, না, আমার নাতিনীর এখনকার চেহারা তুমি
দেখ নি দয়াল। তাই বলছি। তার সেই গোলাপী রঙের গোল গাল
দুটি ছাইয়ের মত সাদা হ'য়ে গিয়েছে। তার চক্ষুর অপাঙ্গে কে যেন
কালি লেপে দিয়েছে। তার সেই নিটোল কপালে দাগ প'ড়ে গিয়েছে।
তার মাখমের মত শবীব বাকারীব মত শুকিয়ে গিয়েছে। তার মুখে
অব্যক্ত বেদনা। তার চক্ষে দুঃস্বপ্ন।

দয়াল। তা ত বুঝলাম। কিন্তু এ বেষ্ঠাকে দেখে কি হবে!

বিশ্বেশ্বর। সে—সে আমায় দেখে হাসল—সে যেন কঙ্কালের হাসি;
আমায় 'দাদামহাশয় বলে' ডাকল, সে স্বর যেন একটা শুক বাদ্য;
আমায় প্রণাম করল, অমনি তার চোখ দুটি দিয়ে দব দর করে' ধারা ব'য়ে
গেল; আঁচলে মুখ ঢাকল। তাকে বললাম, 'আমার সঙ্গে চলে' আয়; সে
তার কি উত্তর দিলে জানো!

দয়াল। কি?

বিশ্বেশ্বর। বল, 'না দাদামহাশয়! আপনি ত আমায় জন্মের মত
বাড়ী থেকে বিদায় করে' দিয়েছেন—এখন এই আমার ঘর, এই আমার
শ্মশান।' আমি তখন তাকে জড়িয়ে ধবে'—বুড়ো মানুষ আমি—টেঁচিয়ে
কেঁদে উঠলাম।

দয়াল। এই! এই! আবার টেঁচিয়ে কেঁদে উঠো না যেন!

বিশ্বেশ্বর। না। কেঁদে কি হবে! যখন হাত পা বেঁধে জলে ফেলে
দিয়েছি, তখন সে গিয়েছে। কেঁদে কি হবে! কিন্তু আমি একবার
এই সুন্দরীকে দেখবো।

দয়াল। দেখেই বা কি হবে ?

বিশ্বেশ্বর। যদি সে আমার নাতিনীর চেয়ে সুন্দরী হয়, তা হলে তাকে কিনে নিয়ে গিয়ে, পূজার দালানের কোলোঙ্গাঘ সাজিয়ে রেখে দেবো।

দয়াল। তুমি কি ক্ষেপেছ ?

বিশ্বেশ্বর। হয ত।

ভবানী। হতাশভাবে দেওয়ালে হাত দিয়া উর্দ্ধমুখে দীর্ঘশ্বাস ফেলিলেন।

বিশ্বেশ্বর। আমি ক্ষেপেছি দয়াল। সত্যই ক্ষেপেছি। আমি একবার (উপরে শান্তা গবাক্ষদ্বার খুলিয়া দিল)—ঐ না ?

দয়াল। কৈ ?

বিশ্বেশ্বর। ঐ যে।

দয়াল। হাঁ, ঐ বটে !

বিশ্বেশ্বর। দেখি। (চসমা পরিয়া তাহাব দিকে একদৃষ্টে চাহিয়া রহিলেন) সুন্দরী ! হাঁ সুন্দরী ! ঠোঁট দুটো তেমন পাতলা নয়—লালসাময়। মুখখানি গোল নিটোল। সুন্দরী। চোখ দুটো টানা নয়—তবে মুখের উপর ভাস্ছে বটে। দীঘকেশী। সুন্দরী। তবে আমার নাতিনীর মত নয়। ঐ ! হাস্ছে। সুন্দর। মন্দ নয়, কিন্তু হাসিতে প্রাণ নেই। ঐ আরাব। সুন্দর। হঁ সুন্দর।

দয়াল। বুড়ো মজে' গিয়ে ছ।

বিশ্বেশ্বর। ভবানীপ্রসাদ ! বড় রাস্তায় গাড়ী রৈল। মাসে পাঁচ শ'। নিয়ে একেবারে টেনে কাশী ! বুঝলে ! একবার নেশা ছুটে গেলে, আবার ঠিক হবে। চল দয়াল। বুঝলে ভবানী পাঁচ শ'।

বিশ্বেশ্বর ও দয়ালের প্রস্থান

ভবানী । গল্প বেশ জমে' আসছে । এর পর কি হয় বলা যায় না । স্ত্রীলোক নিয়ে স্ত্রীলোকের যুদ্ধ বেধেছিল শুনেছি । কিন্তু নাভজামাই আর দাদাশ্বশুরে যুদ্ধ—পুরাণে লেখে না । যা' হোক, এরা সকলেই কিছু না কিছু কচ্ছে ! আব আমি ? হসন্তর মত নীচে পড়ে আছি, অব গান গাচ্ছি । জগতের কোন কাজেই লাগছি না—ঐ ঐ ঐ । হাঁ । সঙ্গে কে ! এ কি ! স্বপ্ন দেখছি না কি !

অন্তরালে অবস্থিতি

কথা কহিতে কহিতে শান্তা ও হিবগায়ী গৃহদ্বার খুলিয়া বাহির হইয়া আসিল

হিবগায়ী । তবে আমি চললাম ।

শান্তা । কোথায় ?

হিবগায়ী । কোন বিশেষ দিক্ নাই, কোন নির্দিষ্ট পথ নাই । যে দিকে চক্ষু যায় । তোমার আংটিটি আমি রাখলাম । হয় ত আবার একদিন ঘুর্তে ঘুর্তে এখানে আসবো । আত্মহত্যা কর্ক ভেবেছিলাম—না, তা কর্ক না । ঘরেও প্রবেশ কর্ক না ।

শান্তা । কেন ?

হিবগায়ী । না, যে ঘর ছেড়েছি, সে ঘরে আর প্রবেশ কর্ক না । তাব পবিত্র দেবালয়ে প্রবেশে আমার অধিকার নাই । তোমার ঘরেও ঢুকি নি দেখলে না ? তার কারণ কি জান ?

শান্তা । কি কারণ ?

হিবগায়ী । ঘরের মধ্যে গেলেই মনে হয় যে, তার কোণ থেকে সহস্র কেউটে সাপ ফণা বিস্তার করে' আমার পানে ধের্ণে আসছে ; তার ছাদ নেমে এসে আমার বুকে চেঁপে ধরেছে ; নিশ্বাস ফেলতে পারি না ।

ভবানী । অভাগিনী !

হিরণ্ময়ী। (চমকিয়া) ও কার স্বব! ও কে—এখানে ভূত আছে না কি। পালানু পালানু।

বেগে প্রস্থান

ভবানী। উন্মাদিনী।

শান্তা। মুক্তি ও দাস্ত, আশা " নৈবাস্ত, লাভ ও সর্বনাশ, স্বর্গ ও নরক আমার প্রচ্ছলিত মস্তিষ্কের ধুমায়িত রঙ্গমঞ্চে হাত ধরাধরি করে' নৃত্য করছে। (জানু পাতিয়া করযোড়ে উর্ধ্বে চাহিয়া)—ক্ষমা ক'রো। আমি জান্লাম না।

ভবানী। (অগ্রসর হইয়া) মা!

শান্তা। কে—কে আপনি?

ভবানী। ব্রাহ্মণ।

শান্তা। ভিক্ষা চান?

ভবানী। না।

শান্তা। তবে?

ভবানী। কিছু বল্কা আছে।

শান্তা। কি! বলুন!

ভবানী। তুমি কে মা!

শান্তা। আমার নাম শান্তা—বেশ্যা।

ভবানী। ছলনা কর্ছ?

শান্তা। না ব্রাহ্মণ!

ভবানী। তবে কাঁদাছলে কেন?

শান্তা। তা জেনে আপনীর কি হবে?

ভবানী। তোমার কি দুঃখ আমার বল।

শান্তা। বেশ্যার কি দুঃখ? তাই আবার জিজ্ঞাসা কর্ছেন!

ভবানী । বুঝেছি ! তবে এই দূষিত বায়ু ছেড়ে এসো মা আমার সঙ্গে, মায়ের চন্দন-সুগন্ধ পবিত্র মন্দিরে—শান্তি পাবে ।

শান্তা । শান্তি পাবে ! ব্রাহ্মণ ! তুমি কি বাতুল ?

ভবানী । হবে !

শান্তা । কিংবা আমি কিছু বুঝতে পারছি না । আমার মাথার ঠিক নাই । শান্তি পাবে ! আমি ! আমার শান্তি—(পিস্তল দেখাইল)

ভবানী । (সভয়ে) ও কি !

শান্তা । আমার আর সময় নাই ।

প্রস্থান

ভবানী । কে এ নারী—আশ্চর্য্য !

প্রহানোত্ত

মহিমের প্রবেশ

ভবানী । এই যে সেই লম্পট । দেখি কি করে ।

মহিম । চপলা ! চপলা ! (দ্বারে আঘাত)

চার খুলিরা দাসীর প্রবেশ

দাসী । ঠাকরুণ বাড়ীতে নেই গো !

মহিম । কোথায় ?

দাসী । জানি না ।

মহিম । ‘জানি না’ কি বকম ! রাতে আমার না বলে’ ক’য়ে !

ভবানী । (অগ্রসর হইয়া) তুমি কত দাও ?

মহিম । কে তুমি ?

ভবানী । ব্রাহ্মণ । তুমি কত দাও ?

মহিম । চার শ’ ।

ভবানী। সে হেঁকেছে পাঁচ শ'।

মহিম। কে!

ভবানী। এক চুল-পাকা গাল তোব ডানো মাকাতার আমলের বুড়ো। তিনকাল গিয়েছে এককাল আছে—তাও আছে কি না সন্দেহ। কিন্তু তাব টাকা আছে।

মহিম। তাব সঙ্গে বোরিয়ে গিয়েছে?

ভবানী। সে ত আর তোমার জ্ঞাটি নয় যে লাগি ঝাঁটা খেয়ে পায়ের তলায় পড়ে' থাকবে। তুমি দাও চাব শ', সে হেঁকেছে পাঁচ শ'।

মহিম। বেশ! আমি দেবো ছ' শ'!

ভবানী। হাঁ, নিলামে চাড়য়ে দাও। প্রেমটাকে নিলামে চড়িয়ে দাও। তার পরে সে ডাববে সাত শ', তুমি ডেকো আট শ'।

মহিম। তুমি কে?

ভবানী। আমাকে তোমার চিন্‌বার কথা। তবে প্রথম প্রেমে কারো আশে পাশে চাইবাব অবসব থাকে না। নৈলে—

মহিম। চলে' যাও।

ভবানী। এই যাচ্ছি! 'মেরো না!)

মহিম। আচ্ছা, আমি দেখে নি'চ্চ—সেই কেমন আব আমিই কেমন! ছাড়্ছি না। দেখেছে।

এখন

ভবানী। যাও যাও—অধঃপাতে যেতে বসেছো, যাও। স্বয়ং ভগবান-তোমায় বক্ষা কর্তে পারেন না, তা দাদামহাশয়। যে উচ্চর যেতে বসেছে সে যাবে! কেউ তার গতিরোধ কর্তে পারবে না। কিন্তু এই নারী—আশ্চর্য্য!

এখন

হিরণ্ময়ীর হাত ধরিয়া পার্শ্বতীর প্রবেশ

পার্শ্বতী । এসো বলছি ।

হিরণ্ময়ী । ছেড়ে দাও ।

পার্শ্বতী । ঘরে চল—তুখে বাথবো

হিরণ্ময়ী । ঘরে ! না, ঘরে যাবো না ! প্রতিজ্ঞা করেছি ।

পার্শ্বতী । বৌদ্ধ বৃষ্টি শীতে কেন মিছে—

হিরণ্ময়ী । রৌদ্র বৃষ্টি শীত খল পুরুষদের চেয়ে ভাল । রৌদ্র যখন পোড়ায়—পোড়ায়, বলে না সে গোলাপ জলে স্নান করিয়ে দিতে এসেছে । শীতের দাঁত যখন মাংস কেটে বসে—সোজা বসে, তার মধ্যে ছলনা নাই । বৃষ্টি যখন নামে—প্রেমালিঙ্গন করে না, সোজা শত্রুভাবে মুখের উপর ছড়িয়ে পড়ে !—ছেড়ে দাও ।

পার্শ্বতী । আমার সঙ্গে এসো ।

হিরণ্ময়ী । আমি যাবো না । পাষণ্ড নরাধম তুমি । ছেড়ে দাও বলছি—নইলে চেষ্টা করে সহর শুদ্ধ এখানে এনে জড় করব । ছেড়ে দাও বলছি ।

পার্শ্বতী । আমার কিছু বলবার আছে ।

হিরণ্ময়ী । এখানে বল ।

পার্শ্বতী । ওবে ঐ গাছতলায় চল ।

হিরণ্ময়ী । তা চল ।

উভয়ের প্রস্থান

চারু ও বিনোদের প্রবেশ

চারু । ওহে পার্শ্বতী একটা স্ত্রীলোকের পিছনে পিছনে গেল না ?

বিনোদ । হ্যাঁ গেল বটে ! সেই স্ত্রীলোকটা বোধ হ'ল ।

চারু । কোন্ স্ত্রীলোকটা ?

বিনোদ । ঐ সেইদিন রাগানে যে সাহানায় কড়ি মধ্যমের মত এসে পড়ল ।

চারু । বটে বটে ! এর মধ্যে নিশ্চয়ই একটা গুট ব্যাপার আছে । চল চল, দেখা যাক কি করে ।

উত্তরে নিষ্ক্রান্ত

দয়াল ও ভবানীর প্রবেশ

দয়াল । রাজী হ'ল না ?

ভবানী । না !

দয়াল । তুমি গুছিয়ে বলতে পার নি ।

ভবানী । তা পারি নি ।

দয়াল । কেন পারলে না ?

ভবানী । ঘাবড়ে গেলাম !

দয়াল । কেন !

ভবানী । জ্যোৎস্নালোকে তার স্নান মুখখানি দেখলাম—সে নতজানু হ'য়ে করঘোড়ে উর্দ্ধমুখে সজলনেত্রে প্রার্থনা করছিল, “আমায় ক্ষমা করো”—কাকে বলল তা জানি না ; কেন বলল তাও জানি না । কিন্তু আমার চোখে জল এলো । তার কণ্ঠস্বর যেন কোথায় গুনেছি বলে মনে হ'ল । আমার বক্তব্য আমি গুছিয়ে বলতে পারলাম না ।

দয়াল । তুমি অত্যন্ত অপদার্থ ।

ভবানী । নেহাইৎ ।—তার পর নাতজামাইয়ের সঙ্গে দেখা হ'ল ।

দয়াল । মহিমের সঙ্গে দেখা হ'ল ?

ভবানী । হ'ল ।

দয়াল । সে কি বল্ল ?

ভবানী । হিন্দী কৈল্ল ।

দয়াল । কি হিন্দী ?

ভবানী । বল্ল “দেখেজে” ।

দয়াল । হারে হতভাগা ! নিজের জিনিস মনে ধবে না ! লাগ
ওড়না আর ক্লিওপ্যাট্টা খোঁপা দেখে ভুলে যাস্ । সাধা হাসি আর
বাঁকা চাহনিতে মজে’ থাকিস্ । ঘরের লক্ষ্মীকে ছেড়ে অলক্ষ্মীকে আশ্রয়
করিস্ । মঙ্গলপ্রদীপ ছেড়ে জোনাকি ধর্তে ছুটিস্ ।

ভবানী । এ উপমাগুলো দিলে বোধ হয় সে বুঝতো । আপনি
গেলেন না কেন বোঝাতে ?

দয়াল । কি কর্তাম ?

ভবানী । উপমা দিতেন ।

দয়াল । আরে উপমা দিযে কি হবে ?

ভবানী । তাও ত বটে ।

দয়াল । ওরে মূর্থ ! প্রেমে পড়ে’ উচ্ছন্ন যাস্, নিজের ও পরের
সর্বনাশ কবিস্, সে নেশা কতক বুঝতে পাবি । কিন্তু ক্রীত চুষনে ও
প্রাণহীন আলিঙ্গনে কি সুখ পাস্ বুঝি না । [বলিহারি !

ভবানী । বলিহারি !

দয়াল । চল ।

ভবানী । চলুন ।

চতুর্থ দৃশ্য

স্থান—পার্বতীর গৃহকক্ষ । কাল—রাত্রি ।

পার্বতী একাকী

পার্বতী । সে কাজ কবেছি । কি ভয়স্বব । অথচ কি সহজ !
পাপ আৰ গুৰুতৰ পাপেন মध्ये তফাৎ—এক ধাপ মাত্ৰ । পাপেৰ
ৰাজ্যেও একটা শৃঙ্খলা আছে । নৈশে সে বাজ্য চলবে কেন । পাপেৰ
বাজ্যে বাস কৰ্ত্তে চাও, ত তাৰ আইন মেনে চলতে হবে । এক
জাযগায় খাড়া হ'য়ে থাকতে পাৰে না । হয় উত্থান না হয় পতন !
হতেই হবে । উঠতে হলে, শক্তিবলে কৃত পাপেৰ গুৰুভাৰ ঠেলে উঠতে
হবে—শক্ত । নামতে চাও, নিজ ভাৰে নেমে যাবে—অত্যন্ত সহজ !
ও কি । না, পেচকেৰ শব্দ । যাক্ । মৃত জিহ্বা নড়ে না । বাস্ !
ও কি শব্দ । কে ? কৈ !

চাক, বিনোদ ও কালীচরণেৰ এবেশ

পার্বতী । এ—এ কি । তোমরা এত বাত্ৰে ।

চাক । বাত্ৰি ন'টাব বেশী হবে কি ?

পার্বতী । না—তা—তা—বাত আৰ এমন বেশী কি ।

বিনোদ । এই বেড়াতে বেড়াতে এইদিকে এলাম ।

পার্বতী । তা—তা—বেশ কবেছো ।

চাক । এতক্ষণ ছিলে কোথায় ?

পার্বতী । কোথায় !

চাক । তাই জিজ্ঞাসা কৰ্ছি ! ছিলে কোথায় ?

পার্বতী । ছিলাম কোথায় !

বিনোদ । বলি, বনে ঝোপে কি করা হচ্ছিল !

পার্বতী । কৈ—না—আমি ত—

চাক । ও রকম কর্ছ কেন ?

বিনোদ । কাঁপ্ছ যে !

পার্বতী । না । আমি—আমি ত করি নি ।

চাক । কি কর নি ?—কালী, জানো না ?

কালী । Where ignorance is bliss it is folly to be wise.

বিনোদ । আমরা দেখেছি !

পার্বতী । কি দেখেছ !

চাক ও বিনোদ উচ্চ হাস্ত করিলেন

পার্বতী । না না, আমি করি নি । এই দেখ ! এ কি ! হাতে বস্তুর দাগ ! না, আমি ত হত্যা করি নি । সে জলে নিজে পড়ে' গিয়েছিল ।

চাক ও বিনোদ পুনরায় উচ্চ হাস্ত করিলেন

পার্বতী । অত চৈঁচিয়ে হাসছ কেন ? বাও, এখান থেকে বেরোও ।

চাক । চল বিনোদ ।

সহাস্তে উভয়ের প্রস্থান

কালী । When ill indeed, dismissing the doctor don't always succeed.

পার্বতী । তুমিও দেখেছ ?

কালী । বুঝেছি পার্বতী ! You have sown the wind and shall reap the whirlwind.

পার্বতী । আমি ত হত্যা করি নাই ।

কালী । For the wages of sin is death.

অস্থান

পার্বতী মুখব্যাধন কবিষা দাঁড়াইয়া রহিলেন ; পরে সহসা দৌড়িয়া বাহির হইতে হইতে গুরুস্ববে ডাকিতে লাগিলেন, “কালীচরণ—চারু—বিনোদ—শোন—শুন যাত—”

নিষ্ক্রান্ত

পঞ্চম দৃশ্য

স্থান—সরযু কুটীর-প্রাঙ্গণ । কাল—রাত্রি ।

সরযু অন্ধশযান অবস্থায়—ভূমিশযায় উর্দ্ধ চাহিয়া । ছল

সরযু । অমাবস্তা রাত্রি ! আকাশ নির্মল ! উঃ ! কি উজ্জল ঐ নক্ষত্রগুলো—আচ্ছা, ওগুলো কতদূরে । দাদামহাশয়ের কাছে শুনেছি, ওগুলো এক একটা সূর্য্য । এই সময় তিনি ছাদে আমার কোলে মাথা রেখে শুয়ে থাকতেন ; আমি তাঁর মাথায় হাত বুলিয়ে দিতাম ; আর তিনি কত দেশের যুগযুগান্তের ইতিহাস, পৃথিবীর জন্মকথা, মহাঋষিদের জীবনচরিত, জ্যোতির্মণ্ডলের বিবরণ আমায় শোনাতেন । আমি সেই মায়ায় উপল্লাস মন্ত্রমুগ্ধবৎ শুনতাম ।—ঐ বুঝি তিনি এলেন (উঠিয়া বসিলেন) না, এ কে ?

শান্তার প্রবেশ

সরযু । কে ?

শান্তা । এ কি ! এই ধূসর বসনে, রুম্বকেশে, ভূমিশযায় !

সরযু। কে তুমি ?

শাস্তা। এই স্ত্রী ! এই সতী ! মুখে কি জ্যোতিঃ ! ললাটে কি মহিমা ! অঙ্গে কি লাবণ্য ! (শৈলমূলে প্রভাতমণ্ডিত হৃদেব মত শান্ত, স্নেহ, স্নেহব । এই সতী !) ঐ ভূমিশয়া মনে হচ্ছে যেন স্বর্ণসিংহাসন, ঐ মাথাব কাপড়খানি জ্বলছে যেন হীরাব মুকুট—এই সতী !

সবযু। তুমি কে ?

শাস্তা। শযতানী ! এই দেবীর সম্মুখে নতজান্ন হ'য়ে হাত ঘোড় করে' দাঁড়া—দেবি ! (নতজান্ন হইয়া) দেবি !

সবযু। কিছু বুঝতে পাচ্ছি না।—কে তুমি বোন ?

শাস্তা। হাঁ—বোন বলে' ডাক ; আমায় ধন্য কব ; আমায় এই পক্ষ থেকে উদ্ধার কব । আমার—

সরযু। কে তুমি ?

শাস্তা। এই কুঁড়ে ঘবে তুমি থাক ?

সবযু। হাঁ ।

শাস্তা। তোমাব দাদামহাশয় শুনেছি বড়মানুষ ।

সরযু। হাঁ । তাই কি ?

শাস্তা। তিনি তোমায় টাকা পাঠান না ?

সবযু। পাঠান ।

শাস্তা। কত ?

সরযু। মাসে পাঁচ শ' ।

শাস্তা। তবে ! ও ! বুঝেছি । তবে এই টাকা থেকেই তোমার স্বামী বেঞ্জার খরচ যোগান ?

সরযু। (চমকিয়া) কার ?

শাস্তা। তাঁর এক গণিকা আছে জানো না ?

সরযু। কে তুমি! কি সাহসে আমার কাছে এসে আমার পতিনিন্দা করছ। সমস্ত মিথ্যা কথা! যাও।

শান্তা। আমার কাছে গোপন করে' আর কি হবে দিদি! আমি যে সবই জানি।

সরযু। জানো—জানো। আমার কাছে তা বলার কোন প্রয়োজন নাই।

শান্তা। প্রয়োজন আছে। এ তোমারই দোষ—

সরযু। কি, আমারই দোষ!

শান্তা। তোমার স্বামীর কামাধির ইন্ধন যে তুমিই যোগাচ্ছ দিদি! তাঁর বেশাব খবচের টাকা যুগিয়ে তোমার মতিচ্ছন্ন স্বামীর উচ্ছন্ন যাবার পথ যে তুমিই প্রশস্ত করে' দিচ্ছ। আর এক পয়সাও দিও না। স্বামীকে অধঃপাতে যেতে দেওয়া কি সতীধর্ম। স্ত্রী সহধর্মিণী, সহ-অধর্মিণী নয়—

সরযু। আমি শুভে চাই না। পতিনিন্দা শোনা পাপ। যাও।

শান্তা। তোমার যদি কষ্ট হয় ত আর বলবো না দিদি! আমার বোন্ বলে' ডেকে তুমি আমার সাহস বাঁড়িয়ে দিয়েছ। আর বলবো না। তবে আমি আসি দিদি!

প্রস্থানোত্ত

সরযু। কোথায় যাও বোন্। যেও না। আমি বড় দীনা, আমি বড় একা। আমার কেউ নাই! যেও না।

শান্তা। সে কি দিদি! তোমার স্বামী তোমায় ভালবাসেন না?

সরযু। একদিন বাসতেন।

শান্তা। আর তুমি?

সরযু। বাসতাম! পুরুষ যদি যৌবনের প্রথম উন্মাদনার এক মুহূর্ত্ত সরলা বিহবলা বালার পদতলে পড়ে, জগতে কয়জন বালিকা আছে

যে ভাল না বেসে থাকতে পারে? আর আমাদের বিবাহ হয়েছিল।
সে ভালবাসার কোন বাধা ছিল না। তাঁকে ভালবাসা ভিন্ন আমার
কোন উপায় ছিল না।)

শান্তা। তার পর?

সরযু। তার পর—

শান্তা। বল বোন। তার পর?

সরযু। তার পর যে দিন দেখলাম যে তাঁর বৃদ্ধা মাকে ছেড়ে তিনি
আমার উপাসনা কচ্ছেন, সে দিন প্রথম আমার মনে ভয় হ'ল! তখন
মনে হ'ল—এ ত প্রেম নয়; প্রেম ত কর্তব্য ভোলায় না, কর্তব্য শেখায়;
এ একবকম আসক্ত, যার পরিণাম শুভ হ'তে পারে না।

শান্তা। মিথ্যা বল নি দিদি!

সরযু। আমার ভয় হ'ল। সেই ভয় থেকে অবসাদ এলো!
নিজের জীবনের ভবিষ্যৎ মনে করে' শিউরে উঠলাম! এখনও মনে
পড়ে—উঃ!

শান্তা। তার পর!

সরযু। তা'র পর অনাহারে বিনা চিকিৎসায় আমার পুত্র মারা গেল।
সংসার অন্ধকার দেখলাম। কিন্তু সেই অন্ধকারে পথ খুঁজে নিলাম।
জীবনের সমস্ত আশা সতীর কর্তব্যপালনে নিবেশ করলাম। মনকে দৃঢ়
করলাম। প্রতিজ্ঞা করলাম, আর ভালবাসতে পারি না পারি, চিরজীবন
স্বামীর প্রতি স্ত্রীর কর্তব্য—সতীধর্ম পালন করে' যাবো—কপালে যা'ই
থাক্। এখন সেই দিক লক্ষ্য করে' চলেছি।

শান্তা। সরযু! দিদি। তুমি মানবী নও, তুমি দেবী!

সরযু। তার পর আর শুভে চাও?

শান্তা। না, আর সবই আমি জানি।

সরযু। জানো ? কিছু জানো না ! এক বিরাট ভালবাসার অমৃত-সমুদ্র আমার সম্মুখে পড়ে' রয়েছে, কিন্তু তৃষ্ণায় আমার ছাতি ফেটে যাচ্ছে। জানো কি যে আমার বর্তমান যেমন অন্ধকার, ভবিষ্যৎ তেমনি অন্ধকার—এ অন্ধকারে নক্ষত্র নাই, বিদ্যাৎ নাই, জোনাকিও নাই ; জানো কি যে দিনে দিনে যক্ষ্মারোগীর মত আমার ভিতরে সব ক্ষয় হ'য়ে যাচ্ছে ! জানো কি ! না, তুমি কি জানবে ! তুমি কি জানবে !

শাস্তা। (হাত ধরিয়।) জানি দিদি ! আমি যে তোমার চেণে দুঃখিনী ! তুমি ত কর্তব্য করে' যাচ্ছ ! আমি আমার কর্তব্য খুঁজে পাই না।

সরযু। কে তুমি ! এত দয়াজ্ঞ হৃদয়, এত কোমল স্পর্শ, এত গদগদ স্বর ! কে তুমি ! আমি তোমার সম্মুখে আমার হৃদয়ের দুয়ার খুলে দিলাম—যা এতদিন কারো কাছে কার নি ! কে তুমি যাদুকরী ! যে আমার নিগূঢ় ব্যথা আমার প্রাণ নিংড়ে বের করে' নিলে ! এ কথা ত কারো কাছে বলি নি—তোমার কাছে বলতে গেলাম কেন ! কেন বললাম !

শাস্তা। দিদি ! যা বলেছো তার জন্তু তোমায় কখন অকুতাপ কর্তে হবে না। ভগবানের কাছে প্রার্থনা করি যে, তোমার সংসার আধাব সুখের হোক। যার জন্তু তোমাব সব গিয়েছে, সে তোমার স্বামীকে, তোমায় ফিরিয়ে দেবে !

সরযু। সে ত বেশা—

শাস্তা। বেশা ব'লেই তাকে ঘৃণা করো না ! জেনো দিদি, অনেক পুরুষ বেশার অধম। (প্রস্থানোচ্ছত, পুনরায় ফিরিয়া) সে বেশাকে তুমি দেখেছো ?

সরযু। না।

শান্তা । তবে দেখ, এই সে হতভাগিনী—তোমার সম্মুখে । (বক্ষে
করাঘাত করিয়া) "এই শান্তা বেণী !

দ্রুত প্রস্থান

সরযু একদৃষ্টিতে সেই দিকে চাহিয়া রহিলেন

* উপর দিক দিয়া টলিতে টলিতে মহিমের প্রবেশ

মহিম । আমি একবার দেখবো । পাজি ! একবার দেখবো ।
কে । ও তুমি !

সরযু । হাঁ আমি !

মহিম । সরে' দাঁড়াও !

সরযু ষার ধরিয়া দাঁড়াইয়া বহিলেন

মহিম । সরে' দাঁড়াও । আমাব ছায়া মাড়িও না—

সরযু । কেন ! আমি কি তোমার আপদ ?

মহিম । তুমি আমার—(বিকট শব্দ কবিয়া শুইলেন)

সরযু । তোমার আজিক কোন অসুখ করেছে ?

মহিম । (উঠিয়া) ঘ্যান্ ঘ্যান্ ক'রো না বলছি । আমার মেজাজ
ঠিক থাকে না । তোমাকে দেখলে আমার জ্বর আসে ।

সরযু । এতদূর ! ওঃ—আর সহ্য হয় না ।

মহিম । 'সহ্য হয় না ।' তোমার বাপের বাড়ী চলে' যাও, এখানে
যদি তোমার না পোষায় ।

সরযু । এখানে যদি আমার না পোষায় ! আমি কি তোমার দাসী
না গণিকা—যে এখানে যদি আমার না পোষায় অন্যত্র চলে' যাবো ?
আমি কি ভাতের কাঙ্গাল হ'য়ে তোমার বাড়ীতে পড়ে' আছি ?

মহিম । তবে !

সরযু । হা বিধি ! আমি নিজের জন্ত এখানে পড়ে নেই ; তোমার

জন্ম পড়ে' আছি। এ ঘর—ভাঙ্গা হোক পোড়া হোক—এ ঘর তোমারও যেমন, আমারও তেমনি! আমার এ সংসার ভাঙ্গা হাট—কিন্তু তবু সে আমারই সংসার। নিজের সংসার ছেড়ে কোথায় যাবো! স্বামীর আসন্ন সর্বনাশ দেখে কোন হিন্দু সতী পতিকে ছেড়ে চলে' যায়!

মহিম। ওঃ! ভারি আমার সতী রে!

সরযু। দেখ, আমি সতী কি অসতী, সে কথার বিচার একজন মাতালের মুখে, একজন বেথাসক্তের মুখে শুভে চাই না। আমার সতীত্ব আমার ধর্ম—তোমার নয়।

মহিম। তোমাব ধর্ম!

সরযু। হাঁ, আমার ধর্ম! সেই দেবতার পূজার তুমি ত বিঘ্নদল মাত্র! তবে তোমার পবিত্রতা কামনা করি এই কারণে, যাতে সেই বিঘ্নদল আমার দেবতার চরণে দেবার উপযুক্ত হয়, যাতে সে আবর্জনার পড়ে' কলুষিত না হয়।

মহিম। আর যদিই বা কলুষিত হয়!

সরযু। তা হ'লে আমার অশ্রুজলে তাকে পবিত্র করে' নেবো! সতীর অশ্রুজলের চেয়ে গঙ্গার বারি অধিক পবিত্র নয় জেনো।

মহিম। ঐস! যাও, তোমার বক্তৃতা শুভে চাই না।

সরযু। তবে কি চাও?

মহিম। টাকা—টাকা বের কর! আমি তাকে মাসে ছ' শ' টাকা ক'রে দেব। দেখি।

সরযু। তাকে মাসে ছ' শ' টাকা দিতে চাও, হাজার টাকা দিতে চাও, নিজে রোজগার করে' দিও—আমি আর দেবো না।

মহিম। তুমি দেবে না, তোমার চোদ্দ পুরুষে দেবে! নৈলে বিবাহ করেছিলাম কেন!

সবয়। আমার চৌদ্দ পুরুষ উদ্ধার করেছিলে। আমি আব দেবো না। নিজে উপবাস ক'বে তোমাব কামাঙ্ঘিতে ঘৃত তালবার জন্ত আর এক পয়সাও দেবো না। ছ' শ' টাকা ত ছ' শ' টাকা!

মহিম। দেবে না?

সবয়। না। আমার মনে হচ্ছে, আমি ক্রমাগত দাদামহাশয়ের কাছ থেকে টাকা আনিষে তোমায দিয়ে, তোমার উচ্ছন্ন যাবার পথ পরিষ্কার করে' দি'চ্ছ—আর দেবো না।

মহিম। দেবে না। দাও বলছি। হাঁটু দিয়া ধাক্কা দিলেন

সবয়। এক পয়সাও নয়।

মহিম। আচ্ছ', দেখু'ছি। (ঘবের ভিত্তবে গোলন ও পরে পিস্তল লইয়া অগ্নিলেন) দেবে না? দাও টাকা বলছি। নইলে।

সবয়। বধ কর। আত্মহত্যাব পাপ থেকে নিষ্কৃতি পাই।

মহিম। কোথায় বেখেছ, দাও বলছি।

সবয়। কখন না।

মহিম। নইলে—(পিস্তল দেখাইয়া) দেখু'ছ!

সবয়। কর বধ।

মহিম। তবে মর। পিস্তল লক্ষ্য করিলেন

বেগে শাস্তার আবেশ

শাস্তা। (পিস্তল লক্ষ্য করিয়া) খবদার!

মহিম। (পিস্তল হস্তচ্যুত হইল) কে তুমি!

শাস্তা। আমি শাস্তা!

মহিম। ও! তুই! সরে' দাড়া।

শাস্তা। নরকের কীট! এই সাধ্বীকে, এই দেবীকে যন্ত্রণা দিয়ে, না ধেতে দিয়ে, প্রহার করে', আমার খরচ যোগাও! চেয়ে দেখু'ঐ ধূলি-

ধূসরিতা, ঐ রুক্ষকেশা, ঐ মলিনা কঙ্কালপ্রতিমা। চেয়ে দেখ—কামেরক্রৌত-
নাস—দেখ কি করেছে—যদি মানুষ হও ত নতজানু হ'য়ে এই সাধার
মার্জনা ভিক্ষা কর। যদি তিনি মার্জনা করেন, তুমি বড় ভাগ্যবান জেনো।

মহিম। পাজী! আমার ঢাকায় বাস, আবার আমার উপর কথা।

পিস্তল কুড়াওয়া লইলেন

শান্তা। তোমার টাকা! বলতে লজ্জা করে না? তুঁবে শোন!
তোমার স্ত্রীর দান—তোমাব এই টাকা—আর তোমাব দিতে আমিই
টাকেকে নিষেধ করেছি। তোমাব টাকা? জান্তাম না যে এ টাকা ভিক্ষা
কবে', স্ত্রীর রক্ত গুণে', নিজের মনুষ্যত্ব বিক্রয় করে' দস্যুর অধম হ'য়ে,
তুমি আমায় এই টাকা যোগাও। আমি তোমার অর্থে পদাঘাত করি।
তোমায় আমি ঘৃণা করি।

মহিম। তবে এখনই তুই তার সঙ্গে জুটোছিস! আমি তবে
তোকেই বধ করব। *

শান্তা। কি! আমাকে বধ করবে? দেখ, আমার হাতেও পিস্তল
আছে। তোমায় আমায় যদি এই পিস্তলের যুদ্ধ হয়, ত তোমার পতন
নিশ্চিত। সে বিষয়ে অণুমাত্র সন্দেহ নাই। চ্ছা কর্ছে একবার যে
যুদ্ধ করি, পুরুষ পাষণ্ড আর নারীবেশ্যার যুদ্ধ হোক। জগৎ দেখুক, কার
জয় হয়। না, আমি তোমায় বধ করব না। (তুমি নরাধম, তথাপি তোমার
মুক্তির পথ আছে। তুমি এই লম্পট থেকে মহিষি হ'তে পারো। কিন্তু
বেশ্যা—চিরদিন বেশ্যা।) তোমাকে আমি অনুতাপের সময় দিলাম। এই
নাও (পিস্তল ফেলিয়া দিল) আমায় বধ কর। (বিশ্বপৃষ্ঠ হ'তে শান্তা
বেশ্যার নাম লুপ্ত হ'য়ে যাক।) এই নাও, বুক পেতে দিচ্ছি।

“তবে মর” বলিয়া মহিম গুলি করিলেন। শান্তা ভূতলে পড়িল।

চতুর্থ অঙ্ক

প্রথম দৃশ্য

স্থান—একটি সজ্জিত কক্ষ । কাল—রাত্রি ।

হিম ও বন্ধুবর্গ আসীন । সঙ্গুখে নৃত্যগীত

এ কি মধুর ছন্দ, মধুর গন্ধ, পবন মন্দ মধুর—

এ কি মধুর মুঞ্জরিত নিকুঞ্জ পত্রপুঞ্জ মর্শ্বর ।

এ কি নিখিল বিশ্বহাসি—

এ কি সুরভি, স্নিগ্ধশিথিরসিক্ত কুহুম রাশি রাশি—

এ কি গ্রাম হসিত নব বিকশিত ঘন কিশলয় পল্লব—

এ কি সরিৎ রঙ্গ, শত তরঙ্গ নৃত্যভঙ্গ নির্ঝর ।

কোকিল মৃদু গীতে—

উঠে জাগি' শব্দ বিনিস্তর স্বপ্নময় নিশীথে—

উঠে বেণুগান মধুরতান করি' বিলাস কল্পিত—

ঘন অবিশ্রান্ত—বিমলকান্ত নীল শাস্ত অধর ।

এ কি কোটি মুগ্ধ তারা ।

এ কি মধুর দৃশ্য—প্লাবি' বিশ্ব চন্দ্রকিরণ-ধারা—

এ কি স্তিমিত নয়ন—শিথিল শয়ন অলসবিভল শর্করী—

শনী বাহুল্য মুগ্ধময় স্তম্ভ স্বপ্নময় ।

মহিম । বাহোবা ! বাহোবা ! চমৎকার । কি চমৎকার নেমে
যাচ্ছি ! ভেসে যাচ্ছি ! একটা ধাক্কাও নেই—ঘেন প্যারাসুট ডিসেন্ট !

নন্দ । কোথায় যাচ্ছ জানো ?

মহিম । জানি ! চুলোয় ! চুলো জায়গাটা কি রকম, কিছু ধারণা
আছে নন্দবাবু ?

নন্দ । বেশ একটু গবম ।

মহিম । গরম । হাঁ গরম । বিষম গবম । কিন্তু—না, দাও আর এক গেলাস ।

শবৎ । আর খেয়ো না ।

মহিম । খাবো না ? সে কি বল শবৎ, মদ খাবো না ? খাবো—
দাও । বাধা দিও না । বাধা দিলেই গোল । মাঝে এসে ধাক্কা দিও
না । নামছি, নেমে যেতে দাও । শেষে—জানি, একটা বিষম ধাক্কা
আছে । সে ধাক্কায—একদম—বাস্ । এখন—দাও ।

অতুল । অনঙ্গ ।

মহিম । চুপ । বাধা দিও না ।

অতুল । আর খেয়ো না ।

মহিম । খাচ্ছি । তাও তোমার কি । তোমার বাপের পয়সায়
মদ খাচ্ছি না কি ? 'তুমি বাধা দেবাব কে । যাব মদ খাচ্ছি—এই
নন্দবাবু যদি বাধা দেন—বাস্, আর খাবো না ! আর—এখানে আসবোও
না । যেখানে মিনি পয়সায় মদ পাবো, সেখানে যাবো । তোমরা
সব কে ?

শবৎ । চট কেন ভাই ! আমরা তোমার ভালোর জন্যই বলছি !
আর সহ্য হবে না ।

মহিম । হবে ! সহ্য হবে । মদ খাবো—যতক্ষণ না ঘুমিয়ে
পড়ি—অসাড় হ'য়ে যাই—(মৃৎপিণ্ডের মত অনড় না হ'য়ে যাই) ।
মদ খাবো ।

নন্দ । ভাই, তোমার জন্যই বলছি—

মহিম । কি, তুমিও ! বাস্ বাবা, চললাম ! তোমাদের সঙ্গে তবে
আমার এই শেষ ।

উত্থান

নন্দ । কোথায় যাও ? ব'সো । না হয় মদ খাও ! যেয়ো না !

মহিম । পথে এসো ! নন্দবাবু, তুমি পরম ধার্মিক । তুমি আমার প্রকৃত বন্ধু ! দাও মদ । (পান) তার মুখখানি বড় সুন্দর ছিল । কিন্তু তার স্বর—নন্দবাবু, দাও মদ ।

নন্দ । দিচ্ছি ! এই নাও (মত্ত প্রদান) কিন্তু ভেবে দেখো ! আম তোমায় ভালোবাসি ব'লেই বলছি ! নিজের সর্কনাশ ক'রো না ! পৃথিবীতে এসব জানস সম্ভোগেও জন্ম তৈরি হয়েছিল । কিন্তু মাত্রা ঠিক রাখা চাই । অধিক পরিমাণে যদি অমৃত খাও—সেও পেটে গিয়ে গরল হবে ।

মহিম । বিষম্ব বিষমৌষধম্ ! দাও মদ । মত্তপান

নন্দ । এই শেষবার কিন্তু । আর পাবে না । আমরা তোমায় ভালবাসি ব'লেই বলছি ।

মহিম । তোমরা আমার ভালবাসো নন্দ ! ভালবাসো ?

নন্দ । বাসি ।

মহিম । কি শুনে ?

নন্দ । তোমার মহৎ হৃদয়ের জন্ম !

মহিম । মহৎ হৃদয় । (সব্যঙ্গ হাস্তে) নন্দবাবু ! মহৎ হৃদয় ! তবে তুমি আমার জানো না—তাই । (দাঁড়াইয়া) নন্দবাবু, তোমরা আমার পানে তাকাও দেখি । দেখ্‌ছো ? কি দেখ্‌ছো ?

নন্দ । কৈ ! কিছু না ।

মহিম । আবার তাকাও । কি দেখ্‌ছো ?

শরৎ । তোমাকে—

মহিম । কে আমি ?

শরৎ । অনন্দবাবু ।

মহিম । মিথ্যা কথা । আমার চেনো নি ।

শরৎ । কেন ?

মহিম । অতুলবাবু আমার দেখছেন ?

অতুল । দেখছি ।

মহিম । কে আমি ?

অতুল । অনঙ্গবাবু ।

মহিম । না ।

অতুল । তবে ?

মহিম । একটা পিশাচ ; মদ খাই কেন, তা জানো ?

অতুল । জানি ।

মহিম । কিছু জানো না, হাঃ হাঃ হাঃ, এই জায়গায়—হাত দাও । (নন্দের হাত নিজের বক্ষের উপর টানিয়া লইয়া)—
দেখ্ছো ।

নন্দ । দেখছি ।

মহিম । চলেছে না ? জ্ঞাত ! ঝড়ব মত প্রবল ! ধ্বংসের মত
ভয়কর ! দেখ্ছো নন্দবাবু ।

নন্দ । দেখছি ।

মহিম । বিগত পাপের জন্য অন্ততাপ, আর ভবিষ্যৎ শাস্তির জন্য ভয় ;
তারা দুটোয় মিলে আমার জীবনকে শয়তানের কাবখানা করে' তুলে'ছ,
তা জানো । পিছন দিকে চাইলে শিউরে উঠি, সম্মুখে চাইলে শিউবে উঠি ।
তার উপরে—ওঃ । জানো না, ভিতরে কি আতঙ্ক ।—ও কি !!!

শরৎ । কি ?

মহিম । মা ! মা—অ-অমন করে' চেয়ে রয়েছো কেন ! ঐ মরা
মুখ—ঐ বিভক্ক ওঠ—ঐ স্থির পাষণ মূর্তি, ঐ অনিমেষ পারদদৃষ্টি—মা মা,

অমন করে' চেয়ো না, অমন করে' চেয়ো না ! বরং অভিশাপ দাও—
অভিশাপ দাও ।

শরৎ । ও কি !—কার সঙ্গে কথা কৈছ ?
মহিম । মা ! মা !—আমি—আ—মি—
নন্দ । অনঙ্গ !

অনঙ্গকে ঝাঁকা দিলেন

মহিম । ও—ও—ও—

মূর্ছিত হইয়া পড়িলেন

সকলে ব্যস্ত হইয়া তাঁহার সেবা করিতে লাগিলেন

নন্দ । অনঙ্গ ! অনঙ্গ !

মহিম । (উঠিয়া) কে অনঙ্গ ? ও ! আমি ! না—আর পারি না ।
তবে প্রকাশ করে' দিই । বন্ধুগণ ! আমার নাম অনঙ্গ নয়, আমার
নাম মহিমারঞ্জন চক্রবর্তী—যে স্ত্রীর জন্তু মাকে অবহেলা করেছে ;
বেশ্যার জন্তু স্ত্রীকে ত্যাগ করেছে ; প্রতিহিংসার জন্তু বেশ্যাকে হত্যা
করেছে ।

কানাই । কি বলছো অনঙ্গ !

মহিম । কৈ ? কি বলছি ? হাঁ—না, সব ভুল ! আমি কিছু
করি নাই । আমি পাপিষ্ঠ নই । আমি পবন পুণ্যাত্মা । মাকে পূজা
কর্তাম । স্ত্রীকে ভালবাস্তাম । গণিকা—কখন রাখি নাই । যা'
বলেছি সব ভুল—সব ভুল !

অতুল । কি বলছো ?

মহিম । আমি শিক্ষিত ব্রাহ্মণ । ভাল হ'তে পার্তাম, যদি প্রথমে
মায়ের প্রতি ভক্তি থাকতো ! আমার মাকে ফিরিয়ে দাও, আমার

মাকে ফিরিয়ে দাও, সেই প্রথম পাপ কালন করে' দাও—আবার সব ফিরে পাবো।

নন্দ । কি বলছো ? তোমার নাম মহিমারঞ্জন ?

মহিম । না না—ভুল বকছি । আমি যুমোবো !

ভৃত্যের প্রবেশ

ভৃত্য । বাবু !

নন্দ । কি !

ভৃত্য । বাবু, পুলিশ !

নন্দ । পুলিশ ! কি চাষ জিজ্ঞাসা কর ।

ভৃত্যের প্রস্থান

নন্দ । হঠাৎ এত রাতে পুলিশ ? বাগান-বাড়ীতে !

কানাই । তোমরা অনঙ্গের মুখের দিকে তাকাও—একবারে ছাযের মত সাদা হ'য়ে গিয়েছে ।

অতুল । তুই ত ! তাকাচ্ছে দেখ !

শরৎ । নন্দবাবু, তোমার পাটিতে এসে শেষে সাক্ষী দিতে না হয় ।

নন্দ । অনঙ্গ—অনঙ্গ !

ভৃত্যের প্রবেশ

ভৃত্য । দারোগাবাবু জিজ্ঞাসা করলেন যে, এখানে মহিমবাবু বলে' কেউ আছেন ? এই যে দারোগাবাবু—

মহিম । ঐ ধর্মে রে !

নন্দ । অনঙ্গ ! অনঙ্গ !

পশ্চাদ্গমন ; অনঙ্গ সকলেও পশ্চাৎ বাহির হইয়া গেলেন

ছন্দন কনষ্টেবল ও দারোগাবাবুর প্রবেশ

দারোগা। কৈ এখানে ত কেউ নেই! ওখানে এত গোলযোগ
কিসেব? দেখি—

ঘাইতে উদ্ভত

মহিম ভিন্ন এক সকলের প্রবেশ

কানাই। ছাদ থেকে কাঁপিয়ে পড়লো।

অতুল। উঠেই দৌড়—

দারোগা। কে?

কানাই। অনঙ্গ।

দারোগা। অনঙ্গ না মহিম?

নন্দ। হাঁ, সেই নামই বলেছিল বটে।

শরৎ। তুমি দেখলে দৌড় দিলে?

কানাই। স্বচক্ষে।

অতুল। হাত পা ভাঙ্গে নি?

কানাই। না, ছাদ থেকে ঐ বকুলগাছেব উপর পড়ে' তার পর
উল্টে পাণ্টে নীচে পড়ে' গেল! তার পর তৎক্ষণাৎ উঠেই দৌড়।

দারোগা। কোন্ দিকে?

কানাই। পশ্চিম দিকে।

দারোগা। হনুমান সিং। যাও—পিছনে পিছন ছোটো।

একজন কনষ্টেবলের প্রস্থান

দারোগা। মহাশয়! অনুমতি করেন ত বাড়ীটা একবার খুঁজে দেখি।

নন্দ। কি দারোগাসাহেব! ব্যাপারখানা কি?

দারোগা। বিশেষ কিছু নয়। এই মহিমবাবুর বিপক্ষে হত্যার

অপরাধে গ্রেপ্তারি ওয়ারেন্ট। মহাশয় অনুমতি হয় ত বাড়ী খানাতল্লাস করি। যদি কোন জাংগার তাকে লুকিয়ে রাখা হ'য়ে থাকে—

নন্দ। দারোগাসাহেব! আম অনারারি ম্যাডাষ্ট্রেট।

দারোগা। মাফ কর্বেন। আমার কর্তব্য কন্ম কৰ্ত্তে হবে জানেন

ত সব।

নন্দ। আসুন তবে খুঁজে দেখুন।

সকলের নিষ্ক্রান্ত

দ্বিতীয় দৃশ্য

স্থান—বিশ্বেশ্বরের গ্রামাদ-উত্তান। কাল—সন্ধ্যা।

সরয় একটা খাঁচার পাখা লইয়া গ্রাহকে পড়াতেছিলেন।

বিশ্বেশ্বর বেড়াইয়া বেড়াতেছিলেন

বিশ্বেশ্বর। সরয়! একটা কথা বল্বো!

সরয়। একটা কেন! দশটা কথা শুনিযে দেন না।

বিশ্বেশ্বর। তোব সদাট এ লান মুখ কেন?

সরয়। এই কথাটুকু বল্বার জন্ত অত্যানি ভূমিকা? কপাটায় নূতনত্ব ত কিছু দেখছি না। মাস দুই ধরে' বোজ্জই ত ত্রৈ কথা বল্বছেন।

বিশ্বেশ্বর। বলি কি সাঁধে! সৰ্বদাই ভাব'হিস্!—চল, গাড়ী করে' মাঠে একটু বেড়িয়ে আসি।

সরয়। না দাদামহাশয়! আমার যেতে ইচ্ছা কর্ছে না।

বিশ্বেশ্বর। তবে মুখ ভার করে' বসে থাকতে পারি নে।

সরয়। (সহাস্তে) কৈ মুখ ভার করে' বসে' আচ্ছ দাদামহাশয়!

বিশ্বেশ্বর । তোরই বা দোষ দিই কেমন করে' ! যার স্বামী হত্যা করে' ফেরার !—এও তোর কপালে ছিল !

সরযু । তিনি এখন 'অজ্ঞাতবাস' করছেন । আপনি পাণ্ডবদের কথা পড়েন নি বুঝি ! আঃ আমি আর আপনাকে কত শেখাবো — কিছুই জানেন না ।

বিশ্বেশ্বর । যে দিন গুলাম যে মহিম তোকে পদাঘাত করেছে, সে দিন মনে হ'ল—কি বলবো সবু—মনে হ'ল যে, এই শ্রামা পৃথিবী আমার সম্মুখে শুকিয়ে কুকড়ে শূন্যে ঝরে' পড়ে' গেল, আর নীচে থেকে নরক লাফিয়ে উঠলো আর শযতানের দল বিবাহকে টিটকিরি দিয়ে উঠলো । ওঃ !

সরযু । সে কি দাদামহাশয় ! পাতব' পদাঘাত সতীর বক্ষে—কৌস্তভমণি কি ছার—আমার ঠিক মনে হ'ল যে স্বর্গ থেকে মন্দার পুষ্পবৃষ্টি হচ্ছে ।

বিশ্বেশ্বর । সে কি সরযু !

সরযু । প্রেমের গূঢ়তত্ত্ব আপনি জানবেন কোথা থেকে ?

বিশ্বেশ্বর । সে কি ! তোদের প্রেম হয়েছিল ?

সরযু । প্রেম ! উঃ ! কি প্রেম যে হয়েছিল, তা আব কি বলবো দাদামহাশয় ! ভয়ানক প্রেম !

বিশ্বেশ্বর । কি রকম ?

সরযু । আমার প্রেমের ইয়ত্তা কর্তে পার্জাম না, অস্ত পেতাম না । দস্তর মত—কি বলবো দাদামহাশয়—প্রেমের হজুগে পড়ে'—এমন কি অনেক সময় খাওয়া হ'ত না । দিনটা উপবাসে যেত ।

বিশ্বেশ্বর । তবে কি কর্তিস্ ?

সরযু । বসে' বসে' উপমা দিতাম ।

বিশ্বেশ্বর । কি উপমা দিতিস্ ? একটা নমুনা দে দেখি ।

সরযু । এই ধরুন, তিনি বলতেন যে তিনি আমার গলার হার, আর আমি বলতাম যে আমি—তার পায়ের চাঁটিজুতো ।

বিশ্বেশ্বর । ওঃ—ব্যঙ্গ কচ্ছিস্—আমার মনে হয়—সত্য সত্যই প্রেম তোদের কখনই হয় নি ।

সরযু । কেন ?

বিশ্বেশ্বর । এই বুঝ প্রেম । একে প্রেম বলে না ।

সরযু । তবে কাকে প্রেম বলে ? বলুন না দাদামহাশয়, প্রেম কাকে বলে ।

বিশ্বেশ্বর । তবে শুনবি, এই ধব আমার সঙ্গে তোব প্রেম হয়েছে—ধবে' নে ।

সরযু । আচ্ছা ধবে নিলাম । যদিও সেটা ধরে' নেওয়া খুব শক্ত । তা তর্কব খাতিবে ধবে নিলাম তাব পব ?

বিশ্বেশ্বর । অথচ আমায় দেখিস্ ।নি, আমার নাম শুনিস্ নি—তবু প্রেম !

সরযু । তা কেমন কবে হবে' ?

বিশ্বেশ্বর । কেমন করে' তা জানি না, তবে হবে । কবিতার ভাষায় একে বলে পূর্বরাগ ।

সরযু । (সবিস্ময়ে) বটে !

বিশ্বেশ্বর । তার পব একদিন—কোন্ সুলগ্ণে, কোন্ শুভ মুহুর্তে (কোন্ শেফালিহুবাসিত মলয়-হিল্লোলে,) কোন্ স্বপ্নময় সন্ধ্যায়, কোন্ নিভৃত স্তব্ধ কুঞ্জবনে—দৃষ্ণে দেখা । যে দেখা, সেই প্রেম ।

সরযু । যেই দেখা সেই প্রেম বুঝি !

বিশ্বেশ্বর । যেই দেখা, সেই প্রেম হওন —এখন থেকে আমি বাঙালী নাটকের ভাষায় কথা কৈব, মনে রাখিস্ ।

সবু । আচ্ছা, তার পব ?

বিশ্বেশ্বর । তারপর প্রেমিকের স্বগতোক্ত ; প্রেমিকার ব্যাকুলতা দেখাওন, প্রেমিকেব কবিতা আওড়াওন ও প্রেমিকার পতন ও মূর্ছা ।

সবু । তাব পব ?

বিশ্বেশ্বর । সখীর প্রবেশ । সব বিবহিনীব একজন কবে' সখী থাকি চাই । নৈলে প্রেম হব না ।

সবু । নৈলে প্রেম হব না বুঝি ?

বিশ্বেশ্বর । (ঘাড় নাড়িয়া) হনার যো'ই নাই । সবী নৈলে গান গাহবে কার কাছে ? গান নৈলে প্রেম কবে না ।

সবু । বটে । তাব পর !

বিশ্বেশ্বর । সখীর প্রবেশ ও বীজন । প্রেমিকার জ্ঞানলাভ ও ধীবে ধারে চালয়া যাওন । যাতে যাতে প্রেমিকাব সাড়ী তরুশাখালগ্ন হওন ও প্রেমিকাব পশ্চাতে ফিরয়া চাওন । প্রেমিকের দীর্ঘনিশ্বাস ফেলন আব প্রেমিকের—হা-হতোস্মি শব্দ করণ । প্রেমিকার প্রস্থান ও প্রেমিকেব—প্রেমিকের কি ?

সবু । তা আমিকি জানি ! বর্ণনা কর্ছেন আপনি ।

বিশ্বেশ্বর । তা বটে ! কিন্তু ঐ জায়গাটা মেলাতে পাচ্ছি না । ঐ জায়গাটা মিলিয়ে দে না দিদি ! প্রেমিকের ?—বল্ । শীঘ্র বল্ । নৈলে জুড়িয়ে যাচ্ছে । প্রেমিকের ?

সবু । প্রেমিকের গৃহে যাইয়া বেনী করিয়া ভাত খাওন ও পুনরায় উঠিয়া পড়িয়া লাগন ।

বিশ্বেশ্বর । এঃ, সব মাটি !

সরযু । কেন ?

বিশ্বেশ্বর । ঐ এক ভাত খাওন সব মাটি । আমাব এতখানি পরিশ্রম বুথাঃ গেল । শেষে ভাত খাওন ? আঃ ছ্যাঃ !

সরযু । তবে 'ক খাওন ? লুচি ?

বিশ্বেশ্বর । খাওন একেবাবে নয় । উপবাস করণ ।

সরযু উঃ । খানি পোচ প্রেম হয় না—এ বেশ একটু রশ্মির কাজ । ভাত না খেয়ে লুচি খেতে পাবেন । কিন্তু খাওন চাই ! আচ্ছা তাব পবে ?

বিশ্বেশ্বর । বোস্ আগে বিষয়ট কে টেনেচুনে দাঁড় কবাত । ঐ ভাত খাওনে আমাকে একেবাবে দমিয়ে দিয়েছিস । সামলে নেহ, দাঁড়া ।

সরযু । নেন । তাড়া,তাড়ি নেহ ।

বিশ্বেশ্বর । (লানলাহবা লহবা পরে উঠিয়া) কতখানি বলোছ ! হাঁ—তার পর প্রোমকেব প্রশ্নান । তার পব একদিন ঝড় হওন, প্রোমকের নোকা না পাওন, নদীতে ঝাপ দেওন, নদী পার হহযা তৎক্ষণাত্ দোড়িয়া গিয়া প্রোমকার পাঁচিল টপ্কাহযা পড়ন ।

সরযু । উঃ । হ'ল না, খানিক বাদ গেল ।

বিশ্বেশ্বর । কি ?

সরযু । মড়া আব সাপ ।

বিশ্বেশ্বর । তুমি বড় অকবি ! নৈলে এব মধ্যে মড়া নিয়ে আসিস্ ।

সরযু । আমি নিয়ে আসবো কেন ? ভক্তমাল গ্রন্থে রয়েছে । আচ্ছা, তার পরে ?

বিশ্বেশ্বর । তাব পরে আবার কি প্রেমিক প্রেমিকার সাক্ষাৎ । প্রেমিকাব লজ্জিতভাব করণ । পুনরায় সখীর প্রবেশ । তার পর দুজনের গোপনে-বিবাহ হওন । পরীস্থান দেখাওন । যবনিকা পতন ।

সরযু। সে কি! ঐ খানেই প্রেমের শেষ?

বিশ্বেশ্বর। তা—শেষ বৈ কি! বিয়ে হ'য়ে গেল আবার কি চান?

সরযু। তার পর আর কিছু নেই?

বিশ্বেশ্বর। আঁবার কি?

সরযু। উহ! হ'ল না। তার পর কি, আমি বলবো?

বিশ্বেশ্বর। আচ্ছা, বল দেখি!

সরযু। তার পর প্রেমিকার শ্বশুরবাড়ী যাঁওন। প্রেমসীর রন্ধন করণ, ভাঁড়ার বের করে' দেওন, আর প্রাণনাথের ভাত খাওন ও আপীসে যাওন।

বিশ্বেশ্বর। ও কথা কোন নাটকে কি কাব্যে লেখে না।

সরযু। অতখানি সত্য কথা কাব্য বরদাস্ত কর্তে পারে না। যেখানে আসল সত্য কথা আরম্ভ হওন, সেইখানেই নাটকের শেষ হওন।

বিশ্বেশ্বর। হাঃ হাঃ হাঃ! আচ্ছা, তার পর?

সরযু। তার পর দম্পতির যথাকালে পুত্রকন্ঠা হওন।

বিশ্বেশ্বর। আর কিন্তু নাটকের ভাষা নয়। তুমি নিজেই বলেছ যে এখানে নাটক শেষ হওন।

সরযু। বেশ! এখন থেকে চলিত ভাষায় বলবো। তার পর পুন্নরক থেকে ত্রাণ কর্কার জন্ত পুন্নরক এসে দেখা দিলেন। আর দেখে কে! তার জন্ত মায়ের আহাৰ নেই, নিদ্রা নেই। মা একটু ঘুমিয়েছে, ছেলে কল "ট্যা", অমনি মা উঠে তাকে বুকের উপর করে' নিয়ে ছুপিয়ে—“ও—ও—ও—যাহু আমার মানিক আমার! ও—ও—ও—আয়রে পাখী।”

বিশ্বেশ্বর। ঠিক বলেছিস্।

সরযু। ছেলে একটু বড় হ'লেন ত কোল থেকে মাথায় উঠলেন।

অর—ডাক্তার ডাক। পাঠশালা থেকে ছেলে ‘ক’ লিখে এলেন ত বাড়ীতে তার মা চাকরাণী জলখাবার নিয়ে হাজির। রাতে ছেলে মল্লেন ‘মা, বড় গরম’ অমনি পাখা নিয়ে মা বাতাস কর্ছেন। মা এই ছেলের অন্ত কত দীর্ঘ দিবস অনাহারে, কত দীর্ঘ রাত্রি অনিদ্রায় কাটিয়ে দেয়, আমরণ মায়ের মুখে আর কথা নেই, ধানে আর চিন্তা নাই, নিদ্রায় আব স্বপ্ন নাই। ছেলে ছেলে ছেলে! মরণের পর মুখে মুড়ো ছেলে দেবে কি না! তাও বা কৈ? একদিন মায়ের কোল খালি করে’, বুক ভেঙ্গে দিয়ে, জীবন শূন্য করে’, সেই ছেলে, এত যত্ন এত আদর এত স্নেহ তুচ্ছ করে’ কোথায় চলে’ যায়। আর তাকে দেখতে পাই না।

বিশেষ্বর। আবাব ঐ কথা।

সরযু। না দাদামহাশয়! এই চূপ কর্লাম। আগা সেই মুখখানি। কেমন পুট পুট ক’রে আমার পানে চাইত। সেই ছোট্ট হাত দু’খানি—সেই কচি কচি আঙ্গুলগুলি।—দেখতেন যদি দাদামহাশয়! যেন মোমের পুতুল।

বিশেষ্বর। সে পুণ্যাত্মা স্বর্গে গিয়েছে। কিন্তু তোর পুত্র—আমার পৌত্রীও পুত্র—শেষে কনা দারদ্র্যের কণাঘাতে—অনাহারে—

সরযু। ও কি কঁাদছেন দাদামহাশয়! আপনাকে দুঃস্থ কর্তে গার্লাম না!—ঐ চেয়ে দেখুন ঐ নারিকেল গাছগুলির উপর সূর্যের িকরণ এসে পড়েছে। যেন সন্ধ্যার জয়পতাকা উড়ছে।

বিশেষ্বর। এ কথা আমাকে একবার লিখে জানালি নে কেন সরযু! আর আমি তোকে এত ভালবাসি।

সরযু। আবার! আচ্ছা দাদামহাশয়, কাব্যে লেখে যে প্রেমিক খেমে মূর্ছা যায়। সে কি রকম দাদামহাশয়? সত্যই কি মূর্ছা যায়?

বিশেষ্বর। আর কত চাপা দিবি দিদি! আমিই বা আর কত

চাপা দিব! একি চাপা ষার! এ যে গৈরিক নিঃস্রাবের মত পাষণ্ড ভেদ করে' উঠছে। আর দিদি, তার চেয়ে আমরা দু'জনে একবার কাঁদি, একবার একসঙ্গে চীৎকার করে কাঁদি! সে কারা আকাশে উঠে বেলাহত সমুদ্রতরঙ্গের মত দরাময়ীর পায়ে গিয়ে আছড়ে পড়ুক। দেখি তাঁর দয়া হয় কি না।

সরযু। কাঁদবো কেন দাদামহাশয়! মায়ের বিধান মাথায় পেতে নেব।

বিশ্বেশ্বর। পার্কি?

সরযু। পার্কি। ভবানীদাদা আমাকে মায়ের নাম শিখিয়েছেন। তিনি বলেছেন যে মা ষাকে বড় ভালবাসেন তাকেই দুঃখ দেন— দুঃখ দিবে নিজের বক্ষে টেনে নেন, বেশী আপনার করে' নেন।—ঐ ভবানীদাদা গাইছেন না?

বিশ্বেশ্বর। হাঁ। চূপ করে' শোন।

নেপথ্যে ভবানীব গীত

বারে বারে বত দুখ দিয়েছ দিতেছ তারা—

সে সকল দয়া তব তারিণী গো দুখহারা।

বিশ্বেশ্বর। থেমে গেল কেন!—গাও ভবানীপ্রসাদ!—ঐ! গাইতে গাইতে ঐ দিকে চলে গেল!—ভবানীপ্রসাদ, ভবানীপ্রসাদ, এই এইখানে অপেক্ষা কর। আমি ডেকে আনি।

অহান

সরযু। মেঘ অশ্রু হ'য়ে নেমে গেল!—মা! কমা ক'রো! আমি অবোধ শিশু। এই সংসারে এসে পুতুল খেলা করছি। আমি কেন! সকলেই। শিশুর পুতুল পুতুল, মায়ের পুতুল ছেলে; দুবার পুতুল

অর্থ, বৃদ্ধের পুতুল ঘণ। এই সব খেলাই একদিন ভেঙ্গে যাবে।—ঐ
চাঁদ উঠছে। ঐ পুষ্করিণীর জলে চাঁদের ছাট বসে' গিয়েছে। কোকিল'
ডাকছে। কি সুন্দর এই পৃথিবী! এ ত কেউ কেড়ে নিতে পারবে না।

বেড়াইয়া বেড়াইয়া গাহিতে লাগিলেন

গীত

শুধু ছু'দিনেরহ খেলা।

ধুম না ভাঙ্গিতে, আধি না মেলিতে,

দেখিতে দেখিতে ফুরায় খেলা।

আশার ছলনে কত উঠি পড়ি,

কত কাঁদি হাসি, কত ভাঙ্গি গড়ি,

না বাঁধিতে ঘর হাটের ভিতর

ভেঙ্গে যায় এই সাধের মেলা।

আমাদেরও এই দেহ প্রাণ মন,

সুখ দুঃখ এই জীবন মরণ

এও বিধাতার পুতুল খেলা,

শুধু গড়া আর ভাঙ্গিয়া ফেলা।

সুন্দর বাতাস বৈছে।

ছন্দবেশে মহিমের প্রবেশ

মহিম। সরযু।

সরযু। (চমকিয়া) কে!—ও!—তুমি!—এখানে!—এ ভাঙ্গে!

—এ বেশে!

মহিম। পুলিশ আমায় তাড়া করেছে! আমি তাই পাচিল
টপকে এখানে এসেছি। আমায় আশ্রয় দেবে কি!

সরযু। এতদিন কোথায় ছিলে?

মহিম । গহ্বরে, শ্মশানে, জঙ্গলে, রাস্তায় নানা স্থানে বেড়িয়েছি ।
কখন বৈরাগী, কখন ঝাঁকা মুটে, কখন নাম ভাঁড়িয়ে ভদ্রলোক সঙ্গে
বেড়িয়েছি । শেষে তোমার কাছে আশ্রয় ভিক্ষা কর্তে এসেছি ।
দেবে কি ?

সরযু । ওঃ ! (ঘর্ম্ম মুছিলেন) না—তুমি ঘাই হও, আমার
স্বামী । 'স্ত্রীর কর্তব্য করে' বাবো—এসো, আমি তোমায় আশ্রয় দিব ।

বিশ্বেশ্বরের পুনঃ প্রবেশ

বিশ্বেশ্বর । সরযু ! ভবানী ঐ—(চমকিয়া) এ কে ?

সরযু লজ্জায় দুই হস্তে মুখ ঢাকিলেন

বিশ্বেশ্বর । (সান্ধর্যে) মহিম না ?

মহিম । হাঁ দাদামহাশয়—

বিশ্বেশ্বর । চোপ্ রও । আমি ঘাতকের দাদামহাশয় নই । এখানে
এসেছো কেন ?

মহিম । আশ্রয় ভিক্ষা কর্তে ।

বিশ্বেশ্বর । বটে ! স্পর্ধা বটে !—বেরোও এখান থেকে ।

সরযু । দাদামহাশয় !

বিশ্বেশ্বর । চূপ সরযু ! (মহিমের প্রতি অঙ্গুলি নির্দেশ করিয়া)
যে ব্যক্তি নারীহত্যা করে, এখানে তার স্থান নেই ।—বেরোও ।

সরযু । (করঘোড়ে জাহ্নু পাতিয়া) দাদামহাশয় !

বিশ্বেশ্বর । সরযু ! বুঝি । সব বুঝি । কিন্তু এখানে নুকোচুরি
হবে না । চিরদিন সোজা পথে চলো' এসেছি । এখন মেহের খাতিরে
বাঁকা পথে বাবো না । আমার বাড়ীটা হত্যাকারীর আড্ডা নয় ।
—বেরোও স্ত্রীঘাতক । তোমার মুখ দেখলে প্রাণাশ্রিত কর্তে হয় ! বেরোও ।

সরযু । (উঠিয়া) তবে আমাকে বিদায় দিন দাদামহাশয় ।

বিশ্বেশ্বর । সে কি !

সরযু । উনি যাই হোন—উনি আমার স্বামী ।

বিশ্বেশ্বর । ও !—বুঝেছি !—বেশ !—ভেবেছিন্ নাতনী, যে তোকে আমার প্রাণের চেয়েও ভালবাসি বলে' তোর জন্ত কর্তব্য পথ ছাড়বো ! মনেও কবিস্ না । কর্তব্যের জন্ত অনেক ছেড়েছি । তোকে ছাড়তে হয় ছাড়বো । যদিও তোকে ছাড়তে আমার বুক ভেঙ্গে যাবে, সর্বাস্ত্র অবশ হবে, হয়ত পাগল হ'য়ে যাবো । কিন্তু—যতদিন বেঁচে থাকি, নিজের কর্তব্য করে' যাবো । অপরাধীকে বিশেষতঃ হত্যাকারীকে, বিচারের হাত থেকে রক্ষা কর্ব না । বিচারের চক্ষে ধূলি দিব না—যা নাতিনা ! আমি তোকেও বিদায় দিচ্ছি ।

মুহিম । তার প্রয়োজন নাই । আমি নিজেই যাচ্ছি । নিজে বিপদের তরঙ্গে ডুবেছি, স্ত্রীকে সেই আবর্তের মধ্যে ঢেলে আমি কেন ! আমি পুলিশকে ধরা দিব ।

সরযু । দাঁড়াও, আমিও তোমার সঙ্গে যাবো । যেখানে তোমার স্থান, সেইখানেই আমার স্থান—সে গাছের তলায় হোক, কারাগারে হোক, বধ্যভূমিতে গোক । তুমি যদি আজ ঐশ্বর্যগর্বিত হ'য়ে আমায় গ্রহণ কর্ত্ত আসতে আমি সে আছবানে কর্ণপাত কর্ত্তাম না । কিন্তু তুমি আজ দীন ভিক্ষুক নিরাশ্রয় ।—দাদামহাশয় তবে বিদায় দিন ।

বিশ্বেশ্বর । বেশ । যা সরযু ! যদি যেতে পারিস্ । চক্ষু ! উপড়ে ফেলবো, যদি অশ্রুপাত করিস্ ! অন্ধ হ'য়ে ত যাবোই—না হয় আগেই হ'লাম । যাও, সরযু ।—গলায় ঠেলে উঠেছিন্ কি । নেমে যা—যাও সরযু ! আমার ছেড়ে হত্যাকারীর সঙ্গে যাও ।

সরযু । দাদামহাশয় ।

বিশ্বেশ্বর । চেয়ে দেখ সরযু ! এই স্ত্র কেশ যা'র উপর দিয়ে বসি

বৎসরের ঝড়বৃষ্টি বয়ে গিয়েছে। চেয়ে দেখ এই লোল বক্ষ ষা'র মধ্যে
একটা স্নেহের সমুদ্র ঢেউ খেলে যাচ্ছে। চেয়ে দেখ এই বৃদ্ধ মৃদু—না
যাও সরযু—

সরযু। একদিকে স্নেহ, আর একদিকে কর্তব্য—

অদৃশ্যভাবে মহিমের প্রশ্ন

বিশ্বেশ্বর। যা সরযু। দাঁড়িয়ে বৈলে যে! আমাকে ছেড়ে যেতে
পারিস্—যা। দেখ আমি তাই খাড়া হ'য়ে দেখতে পারি কি না।—চক্ষু!
আবার!—না উপড়ে ফেলবো।

চক্ষু উৎপাটন করিতে উদ্ভত

' সরযু। ওকি! দাদামহাশয়। (হাত ধরিলেন) করেন কি!
করেন কি! (জানু পাতিয়া) দাদামহাশয়!

বিশ্বেশ্বর। যাও সরযু!

সরযু। (ফিরিয়া) কৈ আমার স্বামী? চ'লে গিয়েছেন।

বিশ্বেশ্বর। গিয়েছে?

সরযু। (কিয়ৎকাল নীরবে থাকিয়া) দাদামহাশয়! আমার
স্বামীকে আশ্রয় দিলেন না!

বিশ্বেশ্বর। প্রত্যেক ব্যক্তিরই হত্যাকারীকে বিচারের হাতে ধরিয়ে
দেওয়া উচিত। আমি শুধু ত্যাগ দিয়েছি। যখন আমি অধমের
হাতে তাকে সঁপে দিয়েছিলাম, তখনই কি তাকে আমি আমার সর্বস্ব
দিই নি? আমার হৃৎপিণ্ড উপড়ে তা'র হাতে দিই নি? কিন্তু আমার
সরযুকে সে পদাঘাত করেছে—সে নারীহত্যা করেছে—না এখানে
হত্যাকারীর স্থান নাই।

সরযু। সে হত্যাকারী যদি আপনার পুত্র হোত?

বিশ্বেশ্বর। তাকেও এইরূপ ত্যাগ কর্তব্য।

তৃতীয় দৃশ্য

স্থান—বিচারালয়। কাল—অপরাহ্ন।

যথাস্থানে জজ, জুরী, উকিল ব্যারিষ্টার। দূরে মহিম,

দর্শকমণ্ডলী। উকীল বক্তৃতা করিতেছিলেন।

উকীল। জুরর-মহাশয়গণ! এখন আসামীর বিপক্ষে প্রমাণ এই যে আসামীর সহিত বেস্তার বচসা হয়; তার পরই একটা পিস্তলের আওয়াজ শোনা যায়; পরে আসামীর ভৃত্য ও প্রতিবেশিগণ কক্ষে প্রবেশ কবে' দেখে যে শান্তার রক্তাক্ত মৃতদেহ ভূমিতলে পড়ে', আসামীর স্ত্রী দূবে মূর্ছিত অবস্থায় পড়ে', আর আসামী পিস্তল হাতে করে' দাঁড়িয়ে। লোকজন দেখেই আসামী পিস্তল ফেলেই দৌড় দেয়। এ সমস্ত ব্যাপার আসামীর ভৃত্য ও প্রতিবেশিগণের সাক্ষ্য দ্বারা প্রমাণিত হয়েছে। পুলিশে খবর পাঠান হয়। তা'বা এসে দেখে যে লাশ নাই! ইত্যবসরে নিশ্চয়ই কেউ সে লাশ সরায়। কে সরায়, তা প্রমাণ হয় নি বটে, কিন্তু প্রমাণ হয়েছে যে, একখানা ভাড়াগাড়ী ঐ সময়ে সেই বাড়ী থেকে শান্তার বাড়ীর দিকে যায়। দশ দিন পরে সেই মৃতদেহ শান্তার বাড়ীর পুকুরিগীতে অর্ধগলিত অবস্থায় পাওয়া যায়। সে মৃতদেহ যে শান্তার তা সেই মৃতদেহের একটা অঙ্গুলিই শান্তার নামাক্রিত অঙ্গুরী দ্বারা প্রমাণ হয়।

আসামীর স্ত্রী এ বিষয়ে আসামীর বিপক্ষে সাক্ষ্য দেয় নাই বটে, কিন্তু কোন্ হিন্দু সতী স্বামীর বিপক্ষে সাক্ষ্য দিবে?

সেই অবধি আসামী ফেরার। এও তা'র বিপক্ষে প্রমাণ স্বরূপ কথিত হয়েছে।

পিস্তলটি আসামীর বলে' সনাক্ত করা হয়েছে।

এখন এর চেয়ে সন্তোষকর প্রমাণ কি হ'তে পারে—যে এই শান্তার হত্যাব জন্ত এই আসামী দাবী ? যে কক্ষে হত্যা হয় সে সমবে সে কক্ষে আসামী, আসামীর স্ত্রী আর এই মৃতদেহ ভিন্ন আর কাহাকেও কেহ দেখে নাই। অতএব হত্যা—হয় আসামী করেছে, নয় ত আসামীর স্ত্রী করেছে। কিন্তু আসামীর স্ত্রী হত্যা করবে—এ কি সম্ভব ? শান্তার বচসা আসামীর সঙ্গে হয়েছিল, তার স্ত্রীর সঙ্গে হয় নাই। আর হত্যা করে' কেহ কি স্বামীর হস্তে পিস্তল দ্বিধে নিজে মূচ্ছিত হ'য়ে পড়ে ! আর আসামীর স্ত্রী হত্যা করলে আসামী কি কখন ফেবাব হ'য়ে য়ার বেডায় !

অতএব জুবব মহোদয়গণ ! হত্যা সম্বন্ধে প্রমাণ ষতদূর সম্ভব তা হযোছ। এখন আপনাবা বিচার ককন। যদি আসামীর দোষ সম্বন্ধে কোন সঙ্গত সন্দেহ থাকে, তা হ'লে আসামীকে নির্দোষ সাব্যস্ত কর্তে হবে। আর যদি সন্দেহ না থাকে, ত আসামীকে হত্যাব অপরাধে অপরাধী বিবেচনা কর্তেই হবে ; উপায় নাই। হত্যার অপরাধের দণ্ড ফাঁসি পর্য্যন্ত হতে পারে। এই সকল বিষয় বিবেচনা করে' আপনাবা বিচার ককন। (বসিলেন)

জজ। আসামী মহিমাবঞ্জন চক্রবর্তী, তোমাব কিছু বলবাব আছে ?

মহিম। ধর্ম্মাবতাব ! আমি নিরপরাধ।

জজ। সে ত পূর্বেই বলেছ ! আব কিছু ?

মহিম। ধর্ম্মাবতাব ! যদি আমার অপরাধ হ'য়েই থাকে ত আমার মৃত্যুদণ্ড দিধেন না। আমি এখনও যুবা। পৃথিবী আমার কাছে এখনও নূতন। এখনও সংসারে আমার আশা আছে, দেহে শক্তি আছে, মনে বল আছে। আমি পাপী ; পাপের প্রায়শ্চিত্ত করবার অবকাশ দিন। ম'র্তে আমার বড় ভয় করে।

জজ। ঐরূপ অনুযোগ বিচারালয়ে নিফল। বিচার কুঠারের মত শাণিত, কঠিন, নিশ্চয়। তুমি যদি নির্দোষ হও ত সে তোমাকে স্পর্শ করবে না, বরং সম্মান করে। কিন্তু যদি অপরাধী হও ত সে নিয়তির মত কঠোর—দয়া করে না। প্রমাণ সম্বন্ধে তোমার কিছু বলবার আছে ?

মহিম। আমি হত্যা করি নাই।

জজ। তবে কে হত্যা করেছে ?

মহিম। আমার স্ত্রী! (তিনি যেন শুনিলেন যে অন্তরীক্ষে কে বলিতেছে 'সাবধান') -ও কি! কার কণ্ঠস্বর!—মা মা রক্ষা কর, রক্ষা কর। (পুনরায় 'সাবধান') না না নিরপরাধিনী সতীকে এ ব্যাপারে জড়াব না।—না ধর্মাবতার, আমার স্ত্রী হত্যা কবেন না—কিন্তু—কিন্তু—ম'র্ত্তে আমার বড় ভয় করে—ম'র্ত্তে আমার বড় ভয় করে। আমি হত্যা করি নাই।

জজ। কে হত্যা করেছে ? সত্য বল, কে হত্যা করেছে ?

মহিম। আমার স্ত্রী—।

দর্শকমণ্ডলী ভেদ করিয়া সরয়ু অগ্রসর হইয়া কহিলেন—“সত্য কথা ধর্মাবতার! হত্যা আমার স্বামী করেন নাই। হত্যা আমি করেছি।”

জজ। আপনি কে ?

সরয়ু। আমি আসামীর স্ত্রী—

সকলে। সে কি!

সরয়ু। শান্তা আমার স্বামীর গণিকা ছিল। সেই আক্রোশবশে আমি তাকে হত্যা করেছি। হত্যা করে'ই মূর্ছিতা হ'য়ে পড়ে' গিয়েছিলাম। আমার স্বামী বোধ হয় তখন পিণ্ডল লুকাইবার অভিপ্রায়ে কুড়িয়ে নিয়েছিল।

উকিল ঘাড় নাড়িলেন

সরযু। উকীলমহাশয়! আমাকে অবিশ্বাস করবার কারণ কি? আপনারই বৃত্তি—যে হত্যা হয়, আসামী না হয় আসামীর স্ত্রী করেছে। আমার স্বামী অস্বীকার কর্ছেন? আমি স্বীকার করছি।

জজ। এতদিন তবে এ কথা প্রকাশ করেন নি কেন?

সরযু। প্রাণভয়ে। যখন নির্দোষের ফাঁসি হ'তে যাচ্ছে, তখন আর নীববে থাকতে পারি না।

জজ। (উকীলকে.) What do you say.

উকীল। I do think that the matter requires further enquiry, specially as the prisoner denies his guilt and this lady corroborates him.

জজ। Very well. Officer of the court, you may arrest this wo—I mean lady.

কর্মচারী। As your worship pleases, (সরযুকে) আমি আপনার স্বীকার্য মতে আপনাকে গ্রেপ্তার করি।

সরযু। করুন। [এই বলিয়া। বাধিবার জন্য হাত বাড়াইয়া দিলেন। সেই সময়ে তাঁহার শির আরও উন্নত হইল। তাঁহার অবগুষ্ঠন খসিয়া পড়িল। সকলে সহসা উঠিয়া, তাঁহার পানে সহসা স্তম্ভিতবিস্ময়ে দৃষ্টিপাত করিলেন।

চতুর্থ দৃশ্য

স্থান—বিশ্বেশ্বরের বাটী । কাল—প্রভাত ।

বিশ্বেশ্বর, পরেশ ও দয়াল

বিশ্বেশ্বর । টাকা চাই, টাকা চাই, যেমন করে' হোক ।

পরেশ । তা ত দেখছি, কিন্তু টাকা আসে কোথা থেকে ! তখন
ত যা ছিল, দুহাতে বিলিয়ে দিলেন ।

বিশ্বেশ্বর । তা দিয়েছি বটে । কিন্তু টাকা চাই ।

পরেশ । যে ধার চেয়েছে, ধাব দিয়েছেন ; সে টাকা ফিবে দেয় নি ।
অমুকের পিতৃদায়, অমুকের কন্যাদায়, অমুকের দেনার দায়—যত বকম
দায় আছে, সব নিজের ঘাড় পেতে নিয়েছেন—এখন !

বিশ্বেশ্বর । এখন আমার বিপদে তা'রা সাহায্য কর্বে না ? আমার
দায় তা'রা ঘাড় পেতে নেবে না ?

দয়াল । মানুষ চেনো নি বিশ্বেশ্বর । তাই উপকারের প্রত্যাশা
আশা কর !

বিশ্বেশ্বর । যখন উপকার করেছিলাম, তখন ভেবে করি নি যে
প্রত্যাশা পাবো । আজ—প্রথম সে কথা মনে হোল।—নেবে না ?
তারা এ বিপদে আমায় কেউ দশহাজার টাকা ধার দেবে না ?

পরেশ । দেখুন না চেয়ে !

বিশ্বেশ্বর । বল কি পরেশ ! জগতে প্রত্যাশা নাই ? উপকারের
প্রতিদান—

দয়াল । গালাগালি—তাতেই যদি সে নিরস্ত থাকে ঢের ।

বিশ্বেশ্বর । কেন ?

দয়াল । অধম মানুষ ! যত দাও, তত চাষ ; যত তা'র উপকার

কর, ততই যেন তার উপকার কর্তে তুমি বাধ্য। যদি না পার—
গালাগালি!

বিশ্বেশ্বর। মানুষ এত নীচ!—না না। তা হ'তে পারে না। তা
হ'তে পারে না।

পরেশ। এই যে তাঁদের মধ্যে একজন—ঐ ছাতি মাথায দিকে
যাচ্ছেন। ডাকবো?—একবার চেয়ে দেখুন না।—ও চাকবাবু!

নেপথ্যে চাক। কি।

পরেশ। একবার এদিকে আসুন ত।

নেপথ্যে চাক। বিশেষ দরকারে যাচ্ছি।

পরেশ। দু'মিনিটের জন্য।

নেপথ্যে চাক। আঃ!

দয়াল। ঐ আসছে! কিন্তু মুখেব ভাবটা দেখছে!

চাক দস্তের প্রবেশ

চাক। কি বল! আমার সময় নাই।

পরেশ। সময় আছে মনে কর্লেই আছে; আর নেই মনে কর্লেই
নেই। একদিন যে এখানে হত্যা দিবে পড়ে' থাকতেন!

বিশ্বেশ্বর। সত্যই সময় নেই?

চাক। আজ্ঞে!

বিশ্বেশ্বর। সত্য?

চাক। সত্য!

বিশ্বেশ্বর। আচ্ছা—যাও।

চাক যাউতে উত্তত

পরেশ। দাঁড়ান। আপনার বেশী সময় অপব্যয় কর্ব না। দাদা-
মহাশয়ের কাছে আপনি হাজার পাঁচেক টাকা ধারেন, মনে আছে?

চাক। কৈ ? না।

পরেশ। কিন্তু ধারেন।

চাক। কোন দলিল আছে ?

পরেশ। বোধ হয় নেই। মূর্খ দাদামহাশয় দলিল নেন নি। তবে ধারেন।

চাক। কোন পুকষে নয়।

পরেশ। এহ পুৰষেই ধাবেন।

চাক। না। আমার আব সময় নাই।

যাত্তে গুত

বিশ্বেশ্বর। তুমি আমার কিছু ধারো না ভায়া। আমি ভোমাব কাছে ধাবি।

চাব। (ফিারিয়া) তা হবে। তা হবে।—কত ? ঠিক স্মরণ হাচ্ছ না। নানা কংজে বাস্ত, মনও থাকে না।—কত ?

বিশ্বেশ্বর। তা জানি না। তবে মানুষের বার মানুষের কাছে আছেই ভাচ। কেউ স্বীকার করে, কেউ কবে না।—ভাচ। তুমি আমার কিছু ধারো না। কিন্তু আমাষ দান কর। আমি বড বিপদে পড়েছি।

চাক। আমার আর সময় নেই। আমি বাই।

এস্থান

দয়াল। কি বিশ্বেশ্বর ! কি ভাব্ছো !

বিশ্বেশ্বর। ভবানীপ্রসাদ—ওহে ভবানীপ্রসাদ—

দয়াল। ভবানীপ্রসাদ কি কবে !

পরেশ। ঐ শ্রামাদাস যাচ্ছে।

বিশ্বেশ্বর। কোন্ শ্রামাদাস ?

পরেশ। যার কস্তাদারে আপনি পাঁচহাজার টাকা দিবেছিলেন—

শ্যামাদাসবাবু! ও শ্যামাদাসবাবু!—চলে' গেলে। উত্তরও দিলে না।
আপনার কাছে জানি ও কখনই আসবে না।

বিশ্বেশ্বর। কেন! আমি কি ক্ষেপা কুকুর! লোকে আমার কাছে
আসতে এত ভয় করে কেন?

দয়াল। হয় উপকারীকে চিন্তে পারে না, নয় দেখতে পারে না।

পরেশ। ঐ বিনোদবাবু! বিনোদবাবু! বিনোদবাবু!

নেপথ্যে বিনোদ। কি—

পরেশ। একবার এ দিকে আসুন ত।

নেপথ্যে বিনোদ। যাচ্ছি।

বিশ্বেশ্বর। এই ত ডাক্বামাত্রই এল। মানুষ এত খারাপ হ'তে
পারে! দুটো একটা কি রকম বিগ্‌ড়ে যায়।—ঐ ত আসছে।

পরেশ। কিছু বুঝতে পারছি না। ওকে আপনি যে পনের হাজার
টাকা দিয়েছিলেন—ওর পরিবার আর ওকে ডিক্রীর্ দায় থেকে বাঁচাতে।

বিশ্বেশ্বর। ও যে আমার ভাগিনেয় জামাই।

দয়াল। ও তাই!

বিনোদের প্রবেশ

বিশ্বেশ্বর। এসো বাবাজী!

বিনোদ। বিশ্বেশ্বরবাবু! এ উত্তম! বুড়োবয়সে এ কেলেকারী!
আমি নিজেই আসছিলাম।—এই কেলেকারী! এক বেশার পায়ে এই
টাকাটা চেলে দিলেন। আর আমি কাল আমার মেয়ের বিয়েতে পাঁচ
হাজার টাকা চাইলাম—বলে' পাঠালেন টাকা হাতে নাই। আর আমি
আপনার ভাগিনেয় জামাই।

দয়াল। মাথা কিনে রেখেছ বাপু, মাথায় চড়।

বিশ্বেশ্বর । না না । শোন বাবাজি, আমার নিজের এখন টাকাই দরকার । দেই কোথা থেকে ।

বিনোদ । অথচ বেশার পায়ে টাকা ঢেলে দিতে পারেন । বেশ—
বিশ্বেশ্বর । বেশার পায়ে !

বিনোদ । আব কাজ নাই—শঠ, মাতাল, লম্পট !

পরেশ । চোপরও উল্লুক ।

গিরা টুটি টিপিয়া ধরিলেন

বিশ্বেশ্বর । আহা কর কি ! কর কি !

পরেশ । বেবো এখান থেকে ।

বিনোদ । বেশ ! এ বাড়ীতে আর কোন্ বেটা পদার্পণ কবে ।

এস্থান

দয়াল । ও বাবা, এ যে ভায়েব প্রতিজ্ঞা ।

বিশ্বেশ্বর । এ কি—ওবে সত্যই কি মানুষ এত অকৃতজ্ঞ হয় ! এ যে—এ যে আমি কখন কল্পনাও কর্তে পারি নি ।—ভবানীপ্রসাদ একটা—না, আমি বুঝতে পারছি না । কিছু বুঝতে পারছি না । আমার মাথা ঘুচ্ছে । চক্ষু অন্ধকাব দেখছি ।—ঈশ্বর, টাকা না পাই, না খেয়ে মরি, সরযু ফাঁসি যাক—মানুষে যেন বিশ্বাস না হারাই, তোমাতে যেন বিশ্বাস না হাবাই ।

দয়াল । বিশ্বেশ্বর ! আমি এ টাকাব যোগাড় করছি । তুমি নিশ্চিন্ত থাকো ।

বিশ্বেশ্বর । ও কি ! আকাশে নক্ষত্রগুলো টলছে—মাতাল হয়েছি না কি ! পৃথিবী পায়ের নীচে থেকে নেমে যাচ্ছে । চন্দ্র অগ্নিবৃষ্টি করছে । (বাতাস এক জায়গায় দাঁড়িয়ে নিজের ঘাম মুছেছে) দয়াল ! আমায় ধর । পড়ে' যাচ্ছি ।

দয়াল। অধীর হ'যো না। আমি এ টাকা'র যোগাড় করছি !
আমি এ টাকা'র যোগাড় করে' আনছি ।

বিশ্বেশ্বর। আনছো ! আনছো ! হাঁ, নিয়ে এসো ! ভিক্ষা করে'
হোক, চুরি করে' হোক—এনে দাও। সরযু বাঁচুক, তার পর প্রলয়
হোক ! কিছু যায় আসে না।

দয়াল। বিশ্বেশ্বর উদ্ভাদ হ'যো না।

বিশ্বেশ্বর। না না—উদ্ভাদ হব না। এখনও সরযু জেলে পড়ে।
সেই সোণার প্রতিমা, সেই মূর্তিমতী উবা, সেই ননার দেহখানি জেলে
পড়ে ; সেই সতী, সেই যোগিনী, সেই দুঃখিনী, সেই আনন্দময়ী, সেই
সুন্দরী, সেই দেবী, তিনি আমার ম'র্তে যাচ্ছে। আমার দেহের শক্তি,
আমার নয়নের জ্যোতিঃ, আমার জীবনের সুখ, আমার পবকালের স্বর্গ,
আমার ইচ্ছাশক্তির সর্বস্ব, আমার আমি—আমায় ছেড়ে চলে' যাচ্ছে !
আমি যেতে দিব না—টাকা চাই, টাকা চাই। বুঝলে দয়াল ?
টাকা চাই।

দয়াল। আচ্ছা, আমি এই মুহূর্তে যাচ্ছি, যেখান থেকে হোক—
টাকা নিয়ে আসছি। তুমি নিশ্চিন্ত হও।

বিশ্বেশ্বর। নিশ্চিন্ত হব ! হাঁ, ভয়াক ! ১০,০০০ টাকা কেউ ধার
দেবে না ! সংসারে সব কৃত্রিম !—ওবে, তোদের যে আমি সঁব দিবে
আজ নিজে ফতুর হ'য়ে, রাস্তার ভিখারী হ'য়ে, দ্বারে দ্বারে কেঁদে কেঁদে
বেড়াচ্ছি ! দয়া নাহি ? কৃতজ্ঞতাও নাই ?—না, তা কি হ'তে পারে।
ঐ যে—নক্ষত্রগুণে আবার স্থির, শাস্ত, জ্যোতির্ময়। এই যে আবার নিশ্চ
বাচস' বৈছে ! ঐ যে শুভ্র জ্যোৎস্না শ্যামা ধরিত্রীকে স্নেহে জড়িয়ে রয়েছে !
—না না ! তা কি হ'তে পারে !, সৃষ্টি এত সুন্দর ; সৃষ্টির সেরা সৃষ্টি মানুষ
এত কুৎসিত হ'তে পারে !—না, এ কথা বিশ্বাস কর্তে পারি না, করব না।

পার্কতীর প্রবেশ

বিশ্বেশ্বর । এই যে পার্কতী ! পার্কতী—আমায় দশহাজার টাকা ধার দাও ।

পার্কতী । আমি ধার দেবো ? আপনাকে ? বলেন কি ।

বিশ্বেশ্বর । কেন ! কেন ! তুমি আমার জমিদারি নিলাম করে' নিয়েছো । তুমি আমায় পণের ভিখারী কবেছো—না না, তুমি কব নি । আমি হবেছি—মানুষকে সর্বস্ব দিয়ে—না, আমি কাউকে কিছু দিই নি । কেবল পরেব নিইছি—লুট করেছি । কারো দোষ নয । দোষ আমার । এত বিশ্বাস, স্নেহ, এত—না কোথায় । আমি কাউকে ভালবাসিনি । কেবল শাঠ্য ছোঁচারি হত্যা করে' বেড়িইছি । আমায় দশ হাজার টাকা দাও ।

পার্কতী । আমি টাকা দেবো আপনাকে । আপনি মস্ত জমিদার, আপনি দাতা, আপনি মহৎ লোক ! আমরা সব ছোটলোক ।

বিশ্বেশ্বর । না, কে বলেছে ? ছোট লোক আমি, নীচ আমি, দুগা আমি, পাপী আমি । তোমরা সব ধার্মিক, তোমরা সব পুণ্যাত্মা, তোমরা সব দেবতা—টাকা ধার দাও ! আমি এক মাসের মধ্যে শোধ দেবো ।

পার্কতী । তার জামিন কে ।

বিশ্বেশ্বর । আমি আমার জমিদারী বাঁধা রাখছি ।

পার্কতী । সমস্ত সম্পত্তি ?

বিশ্বেশ্বর । আমার যা কিছু আছে—আমার জমিদারী, আমার বাড়ী, আমার ইহকাল, আমার পরকাল—সব নাও, আমায় ১০,০০০ টাকা দাও । আমার নাতিনৌকে বাঁচাতে চাই । আমার সব যাক—সে বাঁচুক ।

পার্কতী । শ্রীশ—তমস্কথানা দাও ত । দাদামহাশয় দণ্ডখৎ করুন !—দাদামহাশয়, আমি আপনার বিপদের কথা শুনেই এসেছি ।

আমাকেই এ ধার দিতে হবে তাও জানি। তাই একেবারে দলিল তৈরি
ক'রেই এনেছি। আপনি একদিন আমার বিপদে আমার বাড়ী বয়ে'
টাকা এনেছিলেন। সে উপকার আমি ভুলি নি দেখছেন।

বিশ্বেশ্বর। তোমার জয় হোক।

পার্বতী। শ্রীশ—

শ্রীশ দলিল দিলেন

পার্বতী। তবে দস্তখৎ করুন !

বিশ্বেশ্বর। কোথায় দস্তখৎ কর্ক ?

পার্বতী। এইখানে।

বিশ্বেশ্বর। দাও !

দস্তখৎ করিলেন

পার্বতী। বেশ !

দলিল পকেটে রাখিলেন

বিশ্বেশ্বর। টাকা ?

পার্বতী। গিয়ে পাঠিয়ে দেবো।

বিশ্বেশ্বর। মা কালী তোমার মঙ্গল করুন ! আমি বলছিলাম
দয়ালকে যে, এ কি হ'তে পারে যে মানুষ অকৃতজ্ঞ ! মানুষে বিশ্বাস ফিরে
পেলাম। হাঁফ ছেড়ে বাঁচলাম। তোমার জয় হোক পার্বতী। আর
সরযু ! আমি তোমায় বাঁচাবো ; আমি প্রমাণ কর্ক, সংসারকে দেখাবো
যে, তুমি কত বড় সতী, তুমি কত বড় মিথ্যাবাদিনী ! তুমি সংসারের চক্রে
ধূলি দিতে পার, আমার চক্রে পার্ক না। তুমি আমায় ছেড়ে যাবে !
আমি যেতে দেবো না।

এহান

পার্বতী। বুঝেছো শ্রীশ !

শ্রীশ। আজ্ঞে বুঝেছি।

চারু ও বিনোদের প্রবেশ

পার্বতী। এই যে এসেছো! একটা দস্তখৎ কর্তে হবে। এই নাও।

চারু। দস্তখৎ! কিসের!

পার্বতী। দেখ না। সাক্ষী হ'তে হবে।

চারু। (পড়িয়া) ও! টাকা দিয়েছো?

পার্বতী। না দিলে স্বচ্ছন্দমনে লিখে দেন! দেখছ না!

চারু। ও! বুঝেছি। চমৎকার! নাও কলম। (দস্তখৎ করিলেন)

পার্বতী। বিনোদ দস্তখৎ কর।

বিনোদ। কি বল চারু!

চারু। কুছ্ পারোয়া নাই! দস্তখৎ কর।

বিনোদ দস্তখৎ করিলেন

বিনোদ। কিন্তু রেজিষ্টারির সময়?

পার্বতী। তোমরা সাক্ষী আছ।

চারু। বেঁচে থাক। তুমি পাকা বদমায়েস্। কিন্তু এই লোকটা — একেবারে অজমুর্থ।

তিনজন উচ্চ হাস্ত করিলেন। শ্রীশ যোগ দিল।

পঞ্চম দৃশ্য

স্থান—বধ্যভূমি । কাল—প্রত্যুষ ।

বন্ধহস্ত সরযু ও জেলারবাবু

সরযু । আর কত দেরি জেলারবাবু ।

জেলারবাবু । আধ ঘণ্টা খানিক । সিভিল সার্জন আসেন নি—
উপবে কি চাইছ না ?

সরযু । একবার শেষবার পৃথিবাটা দেখে নিচ্ছি ।—কি সুন্দর স্বচ্ছ
আকাশ ! কি নীল ! কি শুক !—পাখীবা কৈ গাইছে না ত । তা'রা
এখনও উঠে নি !—ঐ সূর্য্য উঠছে না ?

জেলারবাবু । হাঁ মা ।

সরযু । কি সুন্দর এই পৃথিবী । এত সুন্দর ত তাকে কখন দেখি
নাই । আজ ছেড়ে যাচ্ছি, তাই বুঝি তাকে এত সুন্দর দেখছি । এই
সৌন্দর্য্য আমি নিত্য উপভোগ কর্তে পারতাম । ভুবনেশ্বরী ! আমি মোক্ষ
চাই না । আমি আবার এই সুন্দর জগতে জন্মাতে চাই । আমি
আবার এসে সূর্য্যাদর্শ দেখতে চাই, আবার বিহঙ্গের সঙ্গীত শুনতে চাই,
আবার সুবাসিত বসন্তহিল্লোলে স্নান কর্তে চাই, আবার ভালবাসতে
চাই । 'সেবার এসে জন্ম উপভোগ কবে' নেবো—এবার বিফলে গেল—
ভোগ করা হোল না !—জেলারবাবু ! মরবার আগে একবার দাদা-
মহাশয়ের সঙ্গে সাক্ষাৎ কর্তে হচ্ছা ছিল । তিনি আসেন নি ?

জেলারবাবু । না মা ।

সরযু । তবে আর তাঁকে বগা হোল না যে আমি তাঁকে কত
ভালোবাসতাম । আমরা পরস্পরকে বড় ভালোবাসতাম জেলারবাবু !
তেমন ভালো বুঝি জগতে আর কেউ কাউকে বাসে নি । মুখোমুখি বসে

তিনি কখন আমার দিকে একদৃষ্টে চেয়ে বৈতেন, আমি তাঁর দিকে চেয়ে
রৈতাম, তিনি আমাকে বুকে চেপে ধরেন, আর আমার চক্ষে জগৎ লুপ্ত
হ'য়ে যেত। ওঃ। তাঁকে ছেড়ে যেতে হবে।—জেলারবাবু!

জেলার। কি করবে মা, উপায় নাই।

সবু। না, উপায় নাই বটে, আমি যে হত্যা করেছি।

জেলার। তুমি হত্যা কব নি। আমি শপথ কবে' বলতে পারি মা।

সবু। ঐ যে আমার স্বামী আসছেন। আমার একবার হাত
খুলে দেন না জেলারবাবু।—আবার বেঁধে দেবেন এখনই। (জেলার
কথাবৎ কার্যা কবিয়া দূরে যাইয়া দ্বন্দ্বস্থান কাবলেন)

মহিমের প্রবেশ

সবু। এসো, আমি একবার শেষ গাফাতের জন্ত তোমাকে
ডেকেছিলাম।—পাখের ধুলো দাও। (পদধূলি গ্রহণ) জন্মেব মত যাচ্ছি।
জন্মের মত বিদায় দাও।

মহিম। সবু। তুমি এ কাজ করলে কেন?

সবু। (হাসিয়া) কি কাজ?

মহিম। মিথ্যা কবে' এ দোষ নিজেব বাড়ে করে' নিলে। কেন
নিলে!

সবু। জানো না কেন?

মহিম। এই নরাধমকে বাঁচাতে? আমার এই জঘন্ত কলুষিত
জীবন জগতেব কোন্ উপকারে লাগবে সবু?

সবু। জগতের উপকারের জন্ত এ কাজ করি নি, নিজের উপকারের
জন্ত করেছি।

মহিম। কি উপকার?

সরযু। সুখ। গলায় দড়ি দিতামই। তবে এ গলায় দড়ি দেওয়ার মত তাতে সুখ হতো না। এ একটা কর্তব্য করে' ম'লাম।

মহিম। প্রাণ দিয়ে মনের সুখ!

সরযু। বড় সুখ! মরে সবাই। কেউ ডুবে মরে, কেউ পুড়ে মরে, কেউ সাপে কামড়ে মরে, আর বেশীর ভাগ রোগে ভুগে মরে। মরতেই ত হবে। দুদিন আগে আর দুদিন পরে। পালিয়ে পালিষে মরার চেয়ে মৃত্যুকে হেসে এগিয়ে নেওয়া বেশী সুখের নয় কি!

মহিম। কিন্তু সংসার সম্ভোগ ছেড়ে চিব জন্মেব মত যাওয়া—আমার বড় ভয় করে—বড় ভয় করে।

সরযু। অত ভয় করে বলে'হ ত মৃত্যুর জয়। আর যদি ভয় না করি! তা হ'লেই ত আমি মৃত্যুঞ্জয়ী। সে কি কম লাভের কথা?

মহিম। মর্ত্তে তোমার সত্যই ভয় কর্ছে না?

সরযু। না! (বুক ফুণাইয়া) আমি দাদামহাশয়ের কাছে শুনেছি যে, যখন যুদ্ধের বাত বেজে উঠে, সৈন্য আর স্থির থাকতে পারে না; নাচতে নাচতে কামানের মুখে অগ্রসর হয়। আমি আজ কর্তব্যের গভীর আহ্বান ভেরী শুনেছি। সেই ডঙ্কা শুনে আমি উচ্চশিরে নিঃশঙ্কে বিজয়গর্বে ম'র্ত্তে চলেছি।

মহিম। কি, কোথায় চলেছ?

সরযু। জানি না। যদি সব এই জন্মেই শেষ—যদি পরকাল না থাকে তা হ'লে ত দুঃখ নাই। পরজন্মে আমিই যদি না থাকি, দুঃখ অনুভব কর্বে কে!

মহিম। আর যদি পরকাল থাকে।

সরযু। তা ইহকালের চেয়ে খারাপ হ'তে পারে না। এরই মত 'সে সুখে দুঃখে গড়া। বিশেষতঃ জ্ঞান মতে যদি নিজের কর্তব্য করে ধাই,

এটি ক্রম ঘে, পরিণাম বিশেষ মন্দ হ'তে পারে না। আমি বিশ্বাস করি যে পরকাল আছে, সে এই পৃথিবীতেই হোক, কিংবা অন্য পৃথিবীতেই হোক। এ বুদ্ধি, এ বিবেক, এ অনুভূতি—এত বড় আয়োজনের কি এই খানেই—এই ষাট বৎসরেই শেষ? এই আকাঙ্ক্ষা নিশ্চয়ই রক্তমাংসে অস্থিমজ্জায় আবৃত হ'য়ে আবার মূর্ত্তিমতী হ'য়ে আসবে। ঐ স্বর্ণাভ নীল আকাশের দিকে চেয়ে দেখ, এই হাশ্রমণী ধরণীর দিকে চেয়ে দেখ, ঐ বিহঙ্গের ঝঙ্কার শুন, ঐ গাভীর গভীর আহ্বান শুন, ঐ মানুষের স্বর্গীয় কণ্ঠধ্বনি শুন, এই অনুপমা সৃষ্টির অপূর্ব শৃঙ্খলা মনে ভেবে দেখ দেখ! এ কি কারো ছেলেখেলা! একি উদ্গাদেব প্রলাপ! এ কি মদোন্মত্ত ব্রহ্মাণ্ডপাতর অট্টহাস? এ একটা মহত্বের পরিণাম আছেই আছে! —না প্রভু, মরতে আমার কোন ভয় নাই। তবে আমার বিদায় দাও।

মহিম। সরযু। যাবার আগে আমার ক্রমা করে' যাও।

সরযু। কিসের জন্ম?

মহিম। তোমায় গালি দিয়েছি, মেবেছি, আর শেষে তোমায় কাসি কাঠে উঠিয়েছি!

সরযু। (সহাস্ত্রে) আচ্ছা, কিন্তু ভালো হ'তে চেষ্টা করো। তোমার মঙ্গলের জন্ম বলছি। নহিলে তোমার ভবিষ্যৎ ভীষণ জেনো! তবে বিদায় দাও!

মহিম। ঈশ্বর আর একবার সুযোগ দাও, সরযুকে বাঁচাও, আমার বাঁচাও। আবার সংসার পত্তন করি। আমার মাকে ফিরিয়ে দাও, পূজা করি; স্ত্রীকে ফিরিয়ে দাও, ভালবাসি।

সরযু। পুনর্জন্মে এসে দেখবো, তুমি কত ভালোবাসো। তবে যাও। আমি প্রস্তুত হই।

সবযু। দাঁড়াও, আর একবার পায়ের ধুলো নেই। (চরণস্পর্শ) যাও।

মহিমের গ্রহান

জেলার। আমি জানি মা! তুমি হত্যা কর নাই!

সবযু। তা কি হয় জেলারবাবু! তা না হ'লে আমার ফাঁসি হবে কেন!

জেলার। তোমার আগেও অনেক নির্দোষীর ফাঁসি হ'য়ে গিয়েছে। মানুষের বিচার, আর কি হবে মা!—ঐ বুঝি তোমার দাদামহাশয় আসছেন।

পরেশ, দয়াল ও বিশ্বেশ্বরের প্রবেশ

বিশ্বেশ্বর। এই যে আমার স্নেহের পুত্রলী!

সবযু। দাদামহাশয়! (বক্ষে পড়িয়া ক্রন্দন)

বিশ্বেশ্বর। রক্ষা কর্তে পারলাম না দিদি। স্বপ্নেও কখন ভাবি নি যে আমায় বুড়ো বয়সে শেষে এই দেখে ম'র্ত্তে হবে। এরই জন্তু কি এতদিন বেঁচে রৈলাম! ভগবান্! যে আমার প্রাণের প্রাণ, আত্মার আত্মা—সেই নিরপরাধিনীর ফাঁসি দেখবার জন্তু বেঁচে বৈলাম।

সবযু। সে কি দাদামহাশয়। আমি যে হত্যা করেছি!

বিশ্বেশ্বর। না দিদি, তুমি হত্যা কব নি। তুমি এ কাজ কর্তে পারো না! আমি জানি, আমার অন্তরাত্মা জানে, ঈশ্বর জানেন, তুমি হত্যা কব নি। তুমি হত্যা কর্তে পারো না। সতীর গর্ভে তোমার জন্ম, সতীমাবিত্রীবে দেশে তোমার বাস, আমার নাতিনী তুমি—তুমি হত্যা কর্বে! আজ যদি সে দিন থাকতো, বিচারের দিন না হ'বে যদি আজ অগ্নিপরীক্ষার দিন হ'ত ত—আমি চেষ্টিয়ে বলতে পারি যে, তুমি সীতা দেবীর মত তোমার পুণ্যের জ্যোতিঃতে অগ্নির জ্বালাকে স্নান করে, সেই অগ্নিপরীক্ষায় হাস্তে হাস্তে বেড়িয়ে আসতে। কিন্তু

কি করি দিদি—আজ এ আইনের দিন, এজলাসের দিন, সাক্ষীর দিন, জেবার দিন।

সরয়ু। আমি স্বাকার কবেছি—তারা কি করে।

বিশ্বেশ্বর। কি করবে? শুধু ঐ চাঁদমুখখানির পানে চেয়ে দেখবে, আর কিছু কর্তে হবে না। সাক্ষা দিয়েই হোক যে চক্র দাঙ কবে, অগ্নি স্নিগ্ধ কবে, বাতাস স্থিবি, পবন চকন, শিশু পিশাচ, মাতা রাক্ষসী। ঐ শাস্ত সজল দৃষ্টির সঙ্গে কি বিষ নিশানো থাকতে পারে? ঐ মূহু হাস্তেব নীচে ছোরা লুকানো থাকতে পারে? মূর্খ তা'রা, অন্ধ তা'রা।

সরয়ু। বা তা'র তা হগেছে দাদামশাব! এখন বিদা দিন।

বিশ্বেশ্বর। স্বামীকে মৃত্যু হ'তে রক্ষা করবাব জগু হুমি আজ এত দড়িব ছার গলায় পর্ক। পৃথিবী আজ তার শ্রু বজ্র স্বর্গকে দিয়ে ধন হবে, শূন্য হবে। আব আমি—আমি—দঃ। জ'লে' যাচ্ছি পুড়ে যাচ্ছি।

হেসাব। ঐ ডাক্তাবসাথেব আসূহেন।

সরয়ু। তবে আমার যাবার সময় হগেহ। বিদায় দিন দাদামশাব! দুঃ করেন না। এ বিচ্ছেদ একদিন হ'তই। আমায় বে স্নেহ দিয়েছিলেন, তা আজ ফিরিয়ে নিয়ে—বিশ্বময় ছড়িয়ে দেন—বহুক শ ধনী হবে। আপনাব অপাব কর্তব্যজ্ঞান ও স্নেহেব সঙ্গে অতুল ম'হিহুতা মিশিয়ে দেন।, জগৎকে বিশ্বিত করুন। বিদায় দিন দাদামশাব! বিদায় দিন মামা!

পরেণ ও দয়ালকে অগাম

বিশ্বেশ্বর। বিদায় দেবো! বিদায় দেবো! না! আমি পার্ক না।

সরয়ু! দিদি আমার! জড়াইরা ধরিলেন

দয়াল। এস বিশ্বেশ্বর! হস্ত ধরিলেন

বিশ্বেশ্বর। যাও, আমি যাবো না!

সরযু। যান দাদামহাশয়—লক্ষ্মীটি আমার (কাঁদিয়া ফেলিলেন)
নিষে যান মামা!

বিশ্বেশ্বর। আমি যাবো না। আমিও তোমার সঙ্গে ফাঁসি যাবো।
আমি যাবো না।

সরযু। টেনে নিয়ে যান মামা।

দয়াল ও পরেশ তাঁহাকে টানিয়া লইয়া গেলেন। বিশ্বেশ্বর “ছাড়, আমি যাবো না”

বলিয়া ছাড়াইবার চেষ্টা করিতে করিতে নিজক্রান্ত

সরযু শির নত করিয়া কাঁদিতে লাগিলেন। পবে আত্মসংবরণ করিয়া
কাঁদিলেন, “ওঃ!—যাক, আম প্রস্তুত জেলারবাবু।”

রক্ষিগণ সরযুর মুখ ঢাকিয়া দিল; হস্তদ্বয় পশ্চাতে বাঁধিয়া দিল।
জেলার সে দিকে পশ্চাৎ ফিরিয়া নতমুখে দাঁড়াইয়া রহিলেন। রক্ষিগণ
সরযুকে ফাঁসি কাষ্ঠে উঠাইল।

ডাক্তারসাহেব ও ম্যাজিষ্ট্রেটের অবশেষ

ম্যাজিষ্ট্রেট মৃত্যুর আজ্ঞা পাঠ করিলেন।

“বন্দিনি! শাস্তা বেগার হত্যার জন্য তোমার ফাঁসির ~~আজ্ঞা~~
হয়েছে। আমি সেই আজ্ঞা পালন করছি। ঈশ্বর তোমায় মার্জনা
করুন।—জল্লাদ! তোমার কার্য্য কর।”

[জল্লাদ সরযুর গলে ফাঁসির দড়ি লাগাইয়া দিল

ম্যাজিষ্ট্রেট। তবে—(মুখ ফিরাইয়া) one, two—

বেগে শাস্তার অবশেষ

শাস্তা। খব্দার! নিরপরাধিনীর ফাঁসি দিবেন না। নিরপরাধিনীর
ফাঁসি দিবেন না। শাস্তাকে কেহ হত্যা করে নি। শাস্তা জীবিত আছে।

ম্যাজিষ্ট্রেট। কে তুমি?

শাস্তা। আমিই সেই শাস্তা।

পঞ্চম অঙ্ক

প্রথম দৃশ্য

স্থান—কাশাব নদীতীরস্থ একটা কুটীব। কাল—মেঘাচ্ছন্ন রাত্রি।

বিশ্বেশ্বর ও দয়াল

বিশ্বেশ্বর। মেঘ। রক্তবৃষ্টি কব। বাতাস। ভীমবেগে গর্জে
ওঠে। সমুদ্র! জলে' ওঠে। প্লাবনা। চৌচীর হ'য়ে স্তম্ভিত বৃষ্টি
করে' চাব'দকে ছড়িয়ে পড়। আর আমি মহাশূন্যে একা দাঁড়িয়ে
তাই দোখ।—মানুষ এত অকৃতজ্ঞ হয।

দয়াল। বাড়ী ফিরে চল।

বিশ্বেশ্বর। যাবো। দাঁড়াও। আগে দোখ প্রলয় পূর্ণ হোক।
আগে দোখ চন্দ্র সূর্য নিভে যাক, পৃথিবীর শ্যাম শোভা পুড়ে ছাই হ'য়ে
যাক, একটা ধূমকেতুর সংঘাতে মহাজ্ঞানাময় ধ্বংস হোক।

দয়াল। মাথা খারাপ হয়েছে।

বিশ্বেশ্বর। পৃথিবী যদি থাকে, তবে তার উপর থেকে মানুষজাতি
লুপ্ত হোক, আর তার পরিবর্তে শুধু যত কালসর্প এই পৃথিবীর উপর
নড়ে বেড়াক!—মানুষ এত অকৃতজ্ঞ!

দয়াল। চল বিশ্বেশ্বর—

বিশ্বেশ্বর। মানুষ যদি থাকে, ত বা'রা চোর, লম্পট, ধাঙ্গাবাজ,
সাই শুধু বেঁচে থাকুক, আর সব মরে' পচে' গলে' খসে' পড়ে'
যাক! তা হ'লে এই ব্রহ্মাণ্ড খাসা চলবে, বাঁ বাঁ করে' যুর্কে। ওঃ!

দয়াল । কত রাত্রি জানো ?

বিশ্বেশ্বর । প্রেম, দয়া, স্নেহ, পাতিব্রতা, বাৎসল্য সব মুছে নিয়ে যাও দয়াময়ী । প্রেমে শুধু কাম থাকুক ; বন্ধুত্বের উপর ঈর্ষা রাজত্ব করুক . উপকারের শিখরে কৃতঘ্নতা পাহারা দিউক ! আহারে, বিষ থাকুক, শবীবে ব্যাধি থাকুক, ঐশ্বর্যে অহঙ্কার থাকুক, দাবিদ্রো ঘৃণা থাকুক !—খাসা চলবে ।

দয়াল । না ! তোমার জীব কবে' না শোধালে শোবে না ।
—এসো ।

হাত ধরিলেন

বিশ্বেশ্বর । ছেড়ে দাও (হাত ছাড়াইয়া) ও ! তুমি ! তুমি আর আছো কেন দয়াল ! স্নেহময় বন্ধু—ব্রহ্মাণ্ডের অনিঘম, ভূত গরিমার ধ্বংসাবশেষ, তুমি একা কেন পিছে পড়ে' আছ ? সব গিয়েছে । তুমিও যাও । যে পৃথিবীতে আজ দাক্ষিণ্য ভিক্ষুক, উপকার প্রণীড়িত, স্নেহ পদাহত, সেখানে তুমি কেন ! সব চোর ধাঙ্গাবাজ !—কি সৃষ্টিই কবেছিলি মা ! নে তোর সৃষ্টি ফিরিয়ে নে ।—দয়াল !

দয়াল । বিশ্বেশ্বর !

বিশ্বেশ্বর । আর মা বলে' ডেকো না । সে বেটি সন্তানকে বিষ খাওয়ায়, সন্তান মৃত্যুযন্ত্রনায় ছটফট করে, আর পাষাণী তাই দেখে করতালি দিয়ে অট্টহাস্ত করে । এই ত মা ! ডাক আর ডেকো না ।

দয়াল । তবে কা'কে ডাকবো ?

বিশ্বেশ্বর । কেন—কেন ! তাও ত বটে ! কা'কে ডাকবো ? মা'য়ের কাছ থেকে ছুটে যাবো কার কাছে ? আর আছে কে ? মা'য়ের অত্যাচারের নালিশ যে ঐ মা'য়েরই কাছে । আর আছে কে ? আছে কে ?

দয়াল। মাঘের বিচার মা বোঝেন। তুমি কে ?

বিশ্বেশ্বর। ঠিক বলেছ দয়াল। মা বলে' ডাক, মা বলে' ডাক !
কিন্তু সব শঙ্ক, সব প্রার্থনা, সব সঙ্কীর্ণ ছাপিয়ে ঐ মানুষের কৃতঘ্নতার
জয়ভেরী বেজে উঠেছে। সব দুঃখ বন্ধনা অন্তর্দাহ এই মহাদুঃখে
ডুবে যায়—যে মানুষ অকৃতজ্ঞ। আমার হৃদয়েব অধীশ্বরী, স্নেহের
পুণ্ডলী সবযুব আত্মহত্যাও এই দুঃখেব মহারণ্যে গারিয়ে যায়।

দয়াল। সবযুব আত্মহত্যা বোলো না বিশ্বেশ্বর।

বিশ্বেশ্বর। তবে কি বল্ণো !

দয়াল। আত্মোৎসর্গ। বাঙ্গালীব ঘবে সাবিড়ীর পূজা হয়।
কিন্তু বাঙ্গালীব ঘবে ঘরেই সা বরী। নিজেব সামগ্রী কেউ ঠিক আদব
কর্ত্তে জানে না।

বিশ্বেশ্বর। ঠিক বলেছ দয়াল। সব্য স্বামীব প্রাণরক্ষাব জন্ত
প্রাণ দিয়েছে। সে গিয়েছে—আর গণতের জন্ত রেখে গিয়েছে—এক
অংশ জ্যোতিঃ। তাতে দুঃখ নাহ। কিন্তু গলায় দাড় দিল। গলায়
দড়ি দিল ! আমার উপর অভিমান করে' গলায় দাড় দিল। আব
আমি তাই দাঁড়িয়ে দেখলাম।

দয়াল। আপনি ত দেখেন নি।

বিশ্বেশ্বর। দেখেছি। সেই সাদা সুরু গলার ডাবিদিকে তা'বা
দড়ি জড়িয়ে দিল—টেনে ফাঁস দিল !—মাচ্ছা দয়াল ! 'কি ক'রে দিল ?

দয়াল। কি আশ্চর্য্য ভ্রম ! স্মৃতি ও কল্পনা তফাৎ কর্ত্তে
পারে না।

বিশ্বেশ্বর। সেই দড়ি গলায় দিয়ে আমার নাতিনী বুলে পড়লো,
পৃথিবী কেঁপে উঠলো, সংসার অককারে ঢেকে গেল।

দয়াল। আবার আরম্ভ হোল।

বিশ্বেশ্বর । সেই লক্ষ্মান দেহখানি প্রভাতের বাতাসে একবার রূপের সাপট মারল । তার পর একেবারে সব স্থির ! স্নেহসজল-নীল চক্ষু দুটি শূন্যে চেয়ে বৈল । সাদা মুক্তার মত দাঁতের উপর, বাঙ্গা ঠোঁট দুখানি ব উপব, ফেনা জেগে উঠল । আব সেই ননীর মত নরম দেহখানি শুকনো জ্বালানি কাঠের মত শক্ত অসাড় হ'য়ে গেল । আমি তাই দাঁড়িয়ে দেখলাম ।—ও হো হো হো !

দয়াল । অধীর হয়ো না । ছিঃ ।

বিশ্বেশ্বর । তার পর তা'ব দেহমুক্ত জ্যোতির্নয় আত্মা স্বর্গে উড়ে গেল ! কি সুন্দর !

দয়াল । এখন তা আর ভেবে কি হবে ।

বিশ্বেশ্বর । না—না । মানুষের কুণ্ণতা এসে এ হত্যার দৃশ্য ছেয়ে ফেলুক ; বজ্র কড়কড় শব্দে এসে এ ক্রন্দন থামিয়ে দিক ; রক্তপ্রপাত নেমে এসে এ সুন্দর ধ্বংস ডুবিয়ে দিক !

দয়াল । একবার এ চিন্তা, আব একবার ও চিন্তা—এ রকম করলে মারা যাবে যে ।

বিশ্বেশ্বর । ও ! হ্যাঁ । বেঁচে থাকতে হবে । পঙ্কু হই, শূল বেদনা ধরুক, শিব:পীড়ায় মাথায় আগুন ছুটুক—বেঁচে থাকতে হবে । হ্যাঁ—হ্যাঁ, বেঁচে থাকতে হবে । যাও দয়াল যুমোও গে । আমিও যুমোই গে যাই—কালসাপিনী বড় দংশন করেছিস্ !

প্রস্থান

দয়াল । হারে হতভাগা, এত ভালবাসা নিয়ে সংসারে এসেছিলে কেন !

দ্বিতীয় দৃশ্য

স্থান—বিশ্বেশ্ববাবু বাটীর বারান্দা। কাল—প্রভাত।

পরেশ, কালীচরণ ও শাস্তা দাঁড়াইয়া কথোপকথন করিতেছিলেন

শাস্তা। মহিমবাবু আমায় গুলি করেছিলেন বটে। কিন্তু তাতে আমি সামান্য আহত হ'য়ে পড়ে' গিয়েছিলাম মাত্র। মূর্ছা ভাঙ্গলে উঠে দেখলাম স্থান পরিত্যক্ত, আমার পিস্তল আমার পায়েব তলায় পড়ে'। পিস্তল হাতে করে' বাহরে এলাম। দেখলাম প্রতিবেশীবা এসে জমা হয়েছে; গল্প করছে! আমি পিস্তল অঞ্চলে লুকিয়ে নিয়ে আমার গাড়ীতে উঠলাম। কেউ লক্ষ্য করল না। বাসায় গিয়ে শুনি যে, বাগানে এক হত্যা হ'য়ে গিয়েছে। সমস্ত রাত্রি নিদ্রা হয় নি। শেষ বাত্রে বাড়ী চেড়ে পালাই।

কালী। তাব পর ?

শাস্তা। পরে একখান খবরের কাগজে পড়লাম যে, শাস্তা বেশার হত্যার অপবাদে সবযুন্নামী ব্রাহ্মণকন্টার ফাঁসির আজ্ঞা হয়েছে।

কালী। The hungry Judges soon the sentence

And wretches hang that Jurymen may dine.

পরেশ। তবে মহিম গুলি করেছিল ?

শাস্তা। হাঁ।

পরেশ। সে কথা তবে তখন আদালত প্রকাশ কর নি কেন ?

শাস্তা। কারণ—তিনি যাই হোন, তিনি দিদির স্বামী !

পরেশ। তাই তুমি মিছে কথা কৈলে যে, তুমি আত্মহত্যা কর্তে গিয়েছিলে ? আর এই মিথ্যা কথা কয়ে জরিমানা দিলে ! আশ্চর্য্য !

কালী। Woman's at best a contradiction still. এস্থান

উদলিত ভাব আলুলায়িতকেশা সরস্বতী প্রবেশ, পশ্চাতে ভবানীর প্রবেশ

সরস্বতী । মামা, আপনি দাদামহাশয়কে ছেড়ে দিলেন ।

পরেণ । আমি জানে পারলে কি আর তাঁকে ছেড়ে দেই মা !

পরদিন সকালে উঠে শুনি, তিনি আর দয়ালবাবু নিরুদ্দেশ ।

সরস্বতী । আর ভবানীদাদা—তুমিও—

ভবানী । মাযের ইচ্ছা ।

চক্ষে বস্ত্র দিয়া দ্রুত প্রস্থান

সরস্বতী । তিনি আত্মহত্যা করেছেন নিশ্চয়, মামা !

পরেণ । না মা, কোন ভয় নাই । দয়ালবাবু সঙ্গে আছেন । কোন ভয় নাই । এখন বাড়ীর ভিতরে তোমার মামার কাছে যাও । কোন চিন্তা নাহি ।

সরস্বতী । আমার দাদামহাশয়কে এনে দেন । আমার দাদামহাশয়কে এনে দেন ।

পরেণ । এনে দেবো—তিনি যেখানে থাকেন টেনে আনুবো । এসো, ও ড়ীর্ঘ ভিতর এসো মা ।

শান্তা । আমার জন্তুই এত বিড়ম্বনা ।

সরস্বতী । সে কি বোন ! তুমিই আমার রক্ষাকর্ত্রী । যদি দাদামহাশয়কে আবার দেখতে পাই, সে তোমারই জন্তু পাব । আর যদি না পাই—আত্মহত্যা কর্ব ।

শান্তা । সাবধান দিদি ! তার চেয়ে তোমার ফাঁসি ছিল ভালো । আত্মহত্যা কর্বার অধিকার কারো নাই । আমারও না ।

ব্যস্তভাবে ভবানীর পুনঃ প্রবেশ

ভবানী । দাদা ! দাদামহাশয়ের সংবাদ পেয়েছি ।

সরস্বতী । (সাগ্রহে) কোথায় তিনি ? কোথায় তিনি ?

ভবানী। কাশীতে। এই নাও দয়ালের পত্র। এই পেলাম!

পরেরশকে পত্র প্রদান

সরযু। ভবানীদাদা! আজই কাশীযাত্রাব আয়োজন কর।
এক্ষণেই—এই মুহূর্তে।

পরেরশ। এ কি মা। তুমি স্থির হ'য়ে দাঁড়াও পাচ্ছ না। এসো,
বাড়ীতে ভিতবে এসো। ওকি সবযু!

গাহাকে ধরিলেন

সরযু। তবে—দাদামহাশয় ওবে বেঁচে আছেন। মামা! মামা!

বক্ষে পড়িয়া কন্দন

পরেরশ। ওকি মা। এসো, ভিতবে এসো।

সবযু। এই আস্ছি, আমি আস্ছি দাদামহাশয়—

পরেরশ ও সর র প্রস্থান

ভবানী। দয়ানয়ী। আমার দিদিকে ফিবিষে দিয়েছিস, দাদা-
মহাশয়কে ফিবিষে দিলি। তবে এ বাড়ীখানা ফিরিয়ে দে মা! আর
কিছু চাই না। ফিরে এসে দাদা আর দিদিকে নিয়ে এই বাড়ীখানায় যেন
উঠতে পারি মা। যাক্ জমিদারী! পৈতৃক ভিটে কেড়ে নিস্ নে।

শান্তা। কেন! এ বাড়ী এখন কার?

ভবানী। পার্বতীবাবু—এখন দলিল রেজেস্টারি করে' দখল
নিলেই হয়।

শান্তা। কি দলিল?

ভবানী। কোটকবানা—জোচ্চোর তার টাকাও দেয় নি।—হাঁ মা,
'তোমার রাজ্যে এ বকম দিনে ছ'পুরে ডাকাতি হয়!

শান্তা। দলিল রেজেস্টারি হয় নি?

ভবানী। না।

শান্তা । তা হলে দলিলখানা যদি ফিরে পাওয়া যায়, তা হ'লে ত আর কোন ভয় নাই ।

ভবানী । তা বোধ হয় নাই ।

শান্তা । তবে এই সপ্তাহের মধ্যে দলিল ফিরে পাবেন । নিশ্চিত থাকুন ।

ভবানী । সে কি ! কেমন করে ?

শান্তা । (সন্মানহাস্তে) বেশ্যার অসাধ্য কিছু নাই ।

ভবানী । শান্তা, তুমি পূর্বজন্মের কি পাপে বেশ্যার ঘরে জন্মগ্রহণ করেছ জানি না ।

শান্তা । বেশ্যাদের ঘৃণা কর্কেন না । তারা বড় অভাগিনী । তাদের অনুকম্পা করুন । তাদের গৃহ নাই, পরিবার নাই, বন্ধু নাই । তারা যেন অন্ধকার রাত্ৰিকালে পরিত্যক্ত রাস্তা দিখে হেঁটে চলেছে, দুধাবে দেখতে পাচ্ছে—দরিত্রেরও কুটীরে আগো জ্বলছে ; দম্পতীর প্রেমের বিমল হাস্তের ফোঁয়ারা উঠেছে ! শিশুরা স্নেহের নীড়ে নিদ্রা যাচ্ছে । তারা তাই দেখছে, আর শীতের বাতাসের তীক্ষ্ণতর দংশন অনুভব করছে, অন্তরে গুম্বরে মবে' যাচ্ছে । কোটা জ্যোতিষ্কের মধ্য দিয়ে তারাই লক্ষ্যহীন ধূমকেতুর ক্রাঘ ছুটে চলেছে—চলেছে, কারণ চলা ভিন্ন উপায় নাই । তাদের হাস্ত শ্মশানের চিত্তাবহি—যত উজ্জ্বল, তত জ্বালাময় । শেষে হাস্ত যখন জ্বলে' জ্বলে' নেভে, তখন তার দীর্ঘ নিশ্বাস শ্মশানের উষ্ণ বাতাসে উঠে মিশে যায় । তারাই নিজেদের যথেষ্ট ঘৃণা করে । তার উপর আপনাদের ঘৃণা আর তাদের উপর চাপাবেন না ।

মন্তক অবনত করিল

ভবানী । ঘৃণা । তুমি যদি আমার কন্যা হ'তে—

শান্তা । (সাগ্রহে) তা হ'লে !

ভবানী। তা হ'লে, আমি নিঃসঙ্কেচে তোমা'ঘ ঘরে নিতাম !

শান্তা। (সাগ্রহে) নিতেন ?

ভবানী। নিতাম্। মা। তোমা'ঘ দেখে অবধি আমা'ঘ মনে একটা অসীম অনুকম্পা'ঘ উদয় হয়েছে—জানি না কেন ! মনে হয় যে তুমি বেশা'ঘ নও, যেন একদিন তুমি সত্যই আমা'ঘ কন্যা ছিলে, যেন একদিন—

শান্তা। (কাম্পিতস্ববে) আব আমি যদি সত্যই আপনা'ঘ কন্যা হই।

ভবানী। সত্যই আমা'ঘ কন্যা হও। সে কি ! বেশা'ঘ ঘরে তোমা'ঘ জন্ম।

শান্তা। বেশা'ঘ ঘরে আমা'ঘ জন্ম নয়।

ভবানী। তবে !

শান্তা। আকাশ। মুখ ঢাকো। পৃথিবী কানে আঙ্গুল দাও। আজ সে কথা প্রকাশ করি। “বাবা !” বলিয়া অগ্রসব হইল। ভবানী চমকিয়া পিছাইলেন।

শান্তা। বাবা ! এ কথা জীবনে প্রকাশ কর্তাম না। কিন্তু আপনাই আমা'ঘ সাহস দিয়েছেন। বাবা। আমি সত্যই আপনা'ঘ কন্যা—

ভবানী। সে কি ! আমা'ঘ কন্যা তুমি। আমা'ঘ কন্যা ত মবে' গিয়েছে।

শান্তা। (উঠিয়া) অভাগিনী মবে নি ! (অগ্রসব হইয়া) বাবা ! (পিছাইয়া) না। আপনি অধোমুখ ! লজ্জায়, ঘৃণায়, ক্রোধে আপনা'ঘ কর্ণমূল পর্যন্ত বক্তবর্ণ হ'য়ে গিয়েছে। না—না—না ! আমা'ঘ ঘৃণা করুন, ত্যাগ করুন, পদতলে দনিত করে' চলে' যান।

ভবানী। কন্যা আমা'ঘ ! তোমা'ঘ মরণই ছিল ভালো। (করযোড়ে উর্ধ্বমুখে) এ কি পরীক্ষায় ফেলি মা ! হৃদয়ে শক্তি দে মা !

শান্তা। না বাবা! যা বনোছি ভুলে যান! আমি আপনার কন্যা
নই! আমি আপনার কেউ নই। আমি কৃষ্ণ সমুদ্রের উপর একটা
টেউয়ের মত উঠেছিলাম—আবার হাবই মত কৃষ্ণমাগবে নেমে যাই।

ভবানী শান্তার দিকে অগ্রসর হইয়া কহিলেন, “শান্তা—”

শান্তা। আমি অস্পৃশ্য! আমায় স্পর্শ করেন না। স্পর্শ করোন না।

দ ৩ অঙ্কান

ভবানী ঈশৎ ভাবিলেন, পবে গান ধরিলেন—

পেয়ে মণিক হারামাম মা আমি অতি লক্ষীছাড়া।

আধারে পথ দেখত পাত নেন, কোথা আছি দে মা মাদা।

আপন যারা ছিল পাড়ায়—একে একে মরে' দাঁড়ায়,

তুহু শেষে যাসু ন হেসে—ওমা এসে কাছে দাঁড়া।

পরেরের পুনঃ প্রবেশ

পরের। শান্তা চলে' গিয়েছে।

ভবানী। কে! না—হা, চলে গিয়েছে।

গান চলিল

পরের। ভবানী! কঁাদছ যে।

ভবানী। কৈ! না।

গাহিতে গাহিতে অঙ্কান

পরের। এ কি—এরা কা'রা?—পার্কী! কি মনে কবে'—
দেখা যাক।

পার্কী, কালীচরণ ও পশ্চাতে ক্রুদ্ধভাবে চাক ও বিনোদের প্রবেশ

পার্কী। বিশ্বেশ্বরবাবুর কোন থবর পেয়েছেন?

পরের। আপনার সে খোঁজে দরকার কি!

পার্বতী । দলিল রেজিষ্টারি কর্ত্তে হবে । তিনি নিকদ্দেশ হন ত
আমায় নিজেই গিয়ে দলিল বেজিষ্টারি কবে' আনতে হবে !—এঁরা সাক্ষী ।

চাক । কোন পুরুষে নই ।

পার্বতী । সে কি ।

বিনোদ । পথে বলেছি বফা কব ।

পবেশ । বফা কিসেব ?

চাক । বফা কর ।

পার্বতী । (দলিল বাহির কবিয়া) এণ্ড তোমাদেব দস্তখৎ ।

চাক । জাল ।

পার্বতী । তোমবা সাক্ষী নও ?

চাক । এর সাক্ষী নই , সাক্ষী অণ্ড কিছু বটে ।—কি বগ বিনোদ ।

পার্বতী । এ তোমার কাজ, কান্নাচবণ !

কালী । সম্ভব । পার্বতী । আমি এতদিন শুক দশক হিসাবে
নিরপেক্ষভাবে দুই পক্ষ দেখে আসছি । তুমি নাবীহন্যা জেনেও উদাসীন
ছিলাম । That only shows a philo ophic mind ; কিন্তু তুমি
যখন জোচ্চোবী কবে' এক সতীকে ফাঁসিকাঠে উঠিয়েছ, আর ঋষির
মত দাদামহাশয়কে দেশান্তরে পাঠিয়েছ, তখন আমার philosophic
mind এও এক বিষম ধাক্কা লেগে গেল । আর না ! সত্য কথা
প্রকাশ করে' দাও চাক । তাব পর যা কবাব হবে ! Do well and
right and let the world sink.

পার্বতী । (শুকমুখে) সে কি !—আচ্ছা ।—এঁরা—তবে আমি
আসি পরেশবাবু ।—এস চাক !—এস বিনোদ ! কথা আছে ।

টিক এই সময়ে ভবানীপ্রসাদ পুনঃ প্রবেশ করিয়া, বিনা বাক্যব্যয়ে

পার্বতীর চুঁটি টিপিয়া ধরিলেন

কালী ও পরেশ । কর কি । কর কি !

ভবানী । সরে' দাঁড়াও — পাধও ! এখনও এ বাড়ী দাদামহাশযেব ।
দূর হ ! (পার্শ্বভৌকে পদাঘাতে সোপান-নিম্নে ফেলিয়া দিলেন ; পরে
হাত নাড়িয়া পাবশের মুখেব দিকে চাহিয়া জিজ্ঞাসা করিলেন)—ঠিক
করেছি ?

পবেশ । বেশ করেছেো ।

প্রস্থান

ভবানী । (চাকু ও বিনোদেব পানে চাহিয়া) বেশ করেছি ?

উভয়ে । বেশ করেছেো ।

চাকু । আর না ! আজ প্রকাশ কর । ও পাডীব সঙ্গে আব না ।

চাকু ও বিনোদের প্রস্থান

ভবানী । (কালীকে) কেমন মহাশয ! ঠিক করেছি ?

কালী । চমৎকার !

Perhaps it was right to dissemble your love.

But why did you kick him downstairs.

ভবানী প্রশাশুভাবে গান গাহিতে গাহিতে প্রস্থান করলেন

পেয়ে মানিক হারালাম মা, আমি অতি লক্ষ্মীছাড়া ।

আধারে পথ দেখতে পাই না, ওমা এসে কাছে দাঁড়া ।

তৃতীয় দৃশ্য

স্থান—শান্তার গৃহকক্ষ । কাল—সন্ধ্যা ।

শান্তা একাকিনী

শান্তার গীত

এ জগতে আমি বড় একা, আমি বড়ই দীনা ।

বিশেষিনী আমি হেথা তোমা বৈ কাড়রে চিনি না ।

দীঘ দিনে সবসানে, ক্লান্ত দেহে শান্ত প্রাণে,

তোমার কাছে ধায় তাসি, কে আছে আর তোমা বিনা ।

লয়ে এত প্রাণের স্মৃতি তোমার কাঁচ ছুটে তাসি

তোমার বকে রাখতে মাথা তোমার মুখে দেখতে হাসি ;

শুধু বরা, শুধু ধরা অশ্রু ত'চ্ছন্ন্য ভরা,

তুমিও দু'খ ফিরাও না, তুমিও কোরো না ঘণা ।

গীত শেষ করিয়া শান্ত জানালার কাছে বসিয়া বাহিরের দিকে চাহিয়া কহিল—

শান্তা । উঃ ! ক কালো মেঘ করছে । ঝড় উঠবে ।

এই বলিয়া শান্তা মেঝের দিকে চাহিয়া রহিল

পরিচারিকার প্রবেশ

পরিচারিকা । দিদিঠাক্কণ !

শান্তা অত্যন্ত অধিক চমকিয়া পতনোন্মুখী হইয়া সামলাইয়া ও পরে কঠোর স্বরে কহিল—

শান্তা । কি চাও ?

পরিচারিকা । পার্শ্বতীবাবু এসেছেন ।

শান্তা । পার্শ্বতীবাবু ! সে কে !

পরিচারিকা । তুমি না আসতে বলেছিলে ?

শান্তা । ও ! পার্শ্বতীবাবু ! বুঝেছি । আজ কি বার ! ও !

হাঁ, বলেছিলাম বটে ! উপরে ডেকে নিয়ে আয় ।

পরিচারিকার প্রস্থান

শান্তা। কি বলে' ডেকেছি, আর কি কর্তে হবে!—মা! এতে যদি কোন পাপ থাকে, ক্ষমা কোরো। এই আমার জীবনের শেষ পাপ। প্রস্তুত হ'য়ে নিই। (আলমারি হইতে পিস্তল বাহির করিয়া, সমস্ত দেখিয়া ঠিক করিয়া লইল; পরে পিস্তল বস্ত্র মধ্যে লুকাইয়া রাখিল; পরে তাড়াতাড়ি বস্ত্র ঠিক করিয়া লইয়া কহিল)—এখন আমি প্রস্তুত।—এই যে!

দাসীর সহিত পার্শ্বতীর প্রবেশ

শান্তা। আশুন—কি, বাহরে থেকে দরজা বন্ধ করে' দে।

দাসী বাহিরে গেল

'শান্তা। বন্ধ করে' দে। শিকল দে।

পার্শ্বতী। বাহরে থেকে দরজা বন্ধ। কেন!

শান্তা। ও! তাই ত। ভুল হ'য়ে গিয়েছে। তা যাক। (সহাস্ত্রে)
দরকার ত'লেই খুলে দেবে এখন।

পার্শ্বতী। কি সুন্দর সেজেছো আজ। কি সুন্দর তোমায় দেখাচ্ছে।

শান্তা। দেখাচ্ছে না কি! আচ্ছা, এইবাব দেখুন দেখি!

বৈদ্যাতিক ঝাড় জ্বালিয়া দিল

পার্শ্বতী। উঃ। এত সুন্দরী তুমি! কি অদ্ভুত! কি সুন্দর!
—সুন্দরী!

অগ্রসর হইলেন

শান্তা। দাঁড়ান। এইবার দেখুন দেখি—(ঘর অন্ধকার করিল)
দেখতে পাচ্ছেন?

পার্বতী। কৈ ? না। কোথায় তুমি প্রাণেশ্বরী।

শান্তা। এই যে!

একটি সবুজ আলো খুলিয়া দিল

পার্বতী দেখিলেন তাপানলিখিত কণা জো'ন্দুয়ী শাস্ত্র—গীবাভঙ্গী সহকারে

দাঁড়াইয়া আছে। হাটার এক হস্তে এতদানি কাগজ, অপর হস্তে পিস্তল

পার্বতী। এ আবার কি।

শান্তা। (কাগজ দেখাইয়া) দস্তখৎ কবন।

পার্বতী। এ আবার কি।

শান্তা। আপনার পুত্রের নামে পত্র-বাহক হস্তে লিখিত পাঠিয়ে দেবাব ডকু। পড়ুন। পড়ে' দস্তখৎ কবন।

পার্বতী। (কাগজ বলম : হই, পড়িয়া, ও। তা দস্তখৎ কবন কেন ?

শান্তা। দস্তখৎ কবন।

পার্বতী। না। কখন না।

শান্তা। দস্তখৎ কবন—

পিস্তল .০০১০

পার্বতী। কখন না। কি কর্ণে !

শান্তা। দস্তখৎ কবন। (পিস্তলব নল পার্বতীর দিকে সক্ষম করিয়া) এই মুহূর্তে—নইলে—

পার্বতী। আচ্ছা।

পত্র স্বাক্ষরিত করিলেন

শান্তা। বড় বাধ্য ! (পত্র খামে পুরিতে পুরিতে)—ঝি ! ঝি !

দামীর প্রবেশ

শান্তা। এই নাও! তার পব যা যা বলে' দিবেছি। যাও, দরজা
ফেব বন্ধ কর! দামী প্রস্থান করি' ঘর বন্ধ করিল

শান্তা আবার সমস্ত আলো জ্বালিয়া দিল

শান্তা। (সহাস্ত্রে) দেখছেন পার্শ্বতীবাবু, যে শয্যতানীতে আপনার
সমরক্ষ একজন আছে!

পার্শ্বতী। বটে! তুমি এত বড় শযতান শান্তা?

শান্তা। বেশাব চেয়ে বড় শযতান আর কেউ আছে? ধার স্বরে
ছলনা, হাস্তে ছলনা, চুপনে ছলনা, আলিঙ্গনে ছলনা; যে তার শবীর
বিক্রয় করে, আত্মা বিক্রয় করে, জীবনের সারবত্ত ভালোবাসা—তাও
বিক্রয় করে; যে বাজার ভিটেয় ঘুসু চরাতে পারে, ঋষির ঋষিত্ব ঘোচাতে
পারে, একটা রাজ্য রসাতলে দিতে পারে; যাব জীবনই একটা প্রকাণ্ড
জীবন্ত মিথ্যাবাদ। এত বড় শযতান আর কে! কিন্তু আমি বেষ্ঠার
সন্তান নই। আমি বিবাহিত প্রেমের প্রস্থন।

শ্বর কাঁপিতে লাগিল

তা যদি জান্তাম, তা হ'লে কোন কৃষকের বধু হ'য়ে পবিত্র আনন্দময়
দারিদ্র্যের নির্মল সুখ ভোগ কর্তে পার্তাম। কিন্তু আপনি আমার
সর্বনাশ করেছেন।

পার্শ্বতী। (সবিস্ময়ে) আমি!

শান্তা। হাঁ, আপনি! আমার পিতা কে জানেন! ও, জানেন
না! জানবেন কেমন করে! তখন তিনি প্রবাসে ছিলেন। কিন্তু
এখন তাঁকে আপনি বেশ চেনেন। তবে শুণন, আমার পিতার নাম
শ্রীভবানীপ্রসাদ চট্টোপাধ্যায়—যাঁর ঘর আপনি শ্মশানে পরিণত
করেছেন। আমার মাতার নাম হিরণ্ময়ী—যাঁকে ভ্রষ্টা করে', যাঁর বৃদ্ধ

পুরাতন বিশ্বাসী ভৃত্যকে হত্যা করে', পরিশেষে—কি, একদৃষ্টে চেয়ে
রয়েছেন যে—পরিশেষে তাঁকে হত্যা করেছেন।

পার্ব্বতী। কে বল ?

শান্তা। প্রমাণ আছে।

পার্ব্বতী। সে কি। আমায় ছেড়ে দাও শান্তা।

শান্তা। এই দিচ্ছি।

পার্ব্বতী। আমি হত্যা করি মন্ত কবে' হত্যা করি নাই!

শান্তা। কৈফিয়ৎ বিচারালয়ে দিবেন।—এই যে—

বার খুল। পুঁ... এত ভবানী, চাক ও বিনোদর লোক

শান্তা। হেঁসে! দাবো গাঁসাহেব! মা... এত পান তীচরণ ঘোষকে
আমাব মাতা শিবগায়ীর হত্যার অপরোধ অভিমত করি। দাফী—এঁরা—

দারোগা। বাধা—

বনেষ্টলগণ শাহাকে স্কন বাঁদন

শান্তা। আব বাবা! আপনার কন্যা আপনার সম্মুখেই তার পাপের
প্রায়শ্চিত্ত কচ্ছে। তবে—(নিজের চিবুকতলে পিস্তল লাগাইয়া)—
বাবা, তবে বিদায় দেন।

ঠিক সেই সময়ে এক মশাবজ্রনাদ হইল। শান্তা কাঁপিয়া উঠিল। তদন্ত হঠাত

পিস্তল পাওয়া গেল। শান্তা মুচ্ছিত হত্যা পাড়ল

ভবানী। মা কালী আমার কন্যাকে বক্ষা কবেছেন। (শান্তার
মস্তক ক্রোড়ে লইয়া) অভাগিনী কন্যা আমার! আমি মায়ের কাছে
প্রার্থনা করেছি। তিনি তোমায় চরণে স্থান দিযেছেন।—ওঠো
অভাগিনী।

শান্তা। (ক্লীণস্বরে) বাবা!

ভবানী। মা!

চতুর্থ দৃশ্য

স্থান—বিশ্বেশ্বরের শয়ন-কক্ষ । কাল—রাত্রি ।

বিশ্বেশ্বর একখানি ছোরা হাতে করিয়া প্রবেশ করিলেন

বিশ্বেশ্বর । না, আমি এখানেই শেষ করব । আর পাবি না । কিন্তু—
আত্মহত্যা !—মা দুর্গা ! আমার সর্বাঙ্গে সূচ বিঁধিয়ে বিঁধিয়ে মার্কবে,
আর যদি তা আমার অসহ্য হয়—তু আমনি পাপ । তা যদি হয়, তাহ'লে
মানুষকে দানবের শক্তি দাও নি কেন ? এই ক্ষুদ্র শরীরটার মধ্যে একটা
স্নেহের সমুদ্র দিয়েছিলি কেন রাক্ষসী ? কিন্তু জীবনের শেষ অঙ্কে একটা
মহা পাপ কবে' মর্কব । । ছোবা টেবিলের উপর রাখিলেন ; নিজে
তাঁহাব পাশে বসিলেন) না, কাজ নাই । (উঠিয়া কক্ষে পাদচারণ করিতে
লাগিলেন) ওঃ । আর পারি না । তিলে তিলে—এও ত মচ্ছি !
তাব চেয়ে—কিসে পাপ ! আমাকে এ জীবন দিয়েছো—এ আমার
সম্পত্তি । আমি রাখি, ছুড়ে ফেলে দেই, তাতে তোমার কি ! কর্ক !
(টেবিলেব কাছে ঘাইয়া ছোরা লইলেন, করতলে গড়াইতে লাগিলেন)
না, কাজ নাই । (পুনরায় তাঁহা রাখিয়া টেবিলে মাথা বাধিয়া ভাবিতে
লাগিলেন ; পরে সহসা চমকিয়া উঠিয়া কহিলেন) ও কি ! কে আমায়
সেই পুৰাতন পরিচিত স্ববে ডাকে ! মৃত্যুর পরপার থেকে তুমি আমায়
ডাক্ছো দিদি ! ঐ যে আবার ! দূরে—না, 'নকটে ! আবও উচ্ছে
আরও প্রাণমাতানো সুবে ডাক্ছে ।—এই ঘাই দিদি ! (ছোবা গ্রহণ)—
কৈ ! আবার সব স্তব্ধ ! (জানালায় কান দিয়া) কৈ !—স্তব্ধ রাত্রি ।
কেউ জেগে নাই । একা আমি জেগে । কেউ দেখ্ছে না । দেখ্ছে কেবল
ঐ পুণিলাব চাঁদ ; স্থির হ'য়ে দেখ্ছে । ঐ চাঁদের পাশে কে ! সরযু
না ? ঐ যে আমায় হাত বাড়িয়ে ডাক্ছে ।—না । কৈ ! কেউ নাই

ত, কল্পনা! (বসিলেন, সহসা উঠিয়া) ঐ যে আবার ডাকল!
আবার! আরও কাছে। না। এ কল্পনা—নথ। সরয় আমায় ডাকছে!
—ঐ আবার। এ কি। তাব স্বব কি বাত্রির বাতাসে ভেসে বেড়াচ্ছে।
—ঐ যে আবার! এই যাই দিদি!—ক্ষমা কোবো দয়াময়ী!

বিবেশ্বরের সঙ্গে ছোঁরা মারিলেন

ঠিক সেই সময় দাদামহাশয় দাদামহাশয় বলিয়া ডাকিতে ডাকিতে দ্বার খুলিয়া
জ্বালনা প্রাণের সহিত সর। প্রাণের ক বধা বিবেশ্বরের গলদেশে জড়াইয়া মরিলেন। বিবেশ্বরের
হস্ত হস্ত ছোঁরা মারিলেন।

বিবেশ্বর। কে তুচ্ছ মায়াবিনী।

সর। আমি আপনাব দিদি সর।

বিবেশ্বর। তুচ্ছ 'মাব' গোলমাল—ওঃ। আমায় এগিয়ে নিতে
এসোইস?

সর। না, আমি মাব নি। আপনাকে ছেড়ে কি আমি যেতে পারি
দাদামহাশয়।

বিবেশ্বর। মারিস 'ন। গলায় দড়ি দিয়েছিলি যে—

সরয়। না দাদামহাশয়।

বিবেশ্বর। সে কি, তবে সব ভয়। তবে এতদিন ছিলি কোথা
রাক্ষসী।

সরয়। কিন্তু এ যে রক্ত।—দাদামহাশয়! এ কি।

বিবেশ্বর। আমি চলেছি দিদি—

সরয়। কোথায় দাদামহাশয়?

বিবেশ্বর। পরপারে। তবে যাই—সরয়—দিদি!

সরয়ের গলদেশে জড়াইয়া প্রাণত্যাগ করিলেন

শত্রুসমূহ .

স্থান—পরিভ্রান্ত প্রান্তর । কাল—অপবাহু ।

মহিম ও শান্তা

মহিম । সবে' দাঁড়াও । তোমার নিঃশ্বাসে অগ্নিকুণ্ডের দুর্গন্ধ ;
তোমার অধবে কেউটে সাপের বিষ ; তোমার স্পর্শে তুষানলের জালা ।
কাছে এসো না । সরে' দাঁড়াও ।

শান্তা । কেন, আমি তোমার কি করেছি ?

মহিম । না, কিছু কব নি । আলোয় কপ ধবে' এসে আমায়
ভাগাড়ে টেনে এনে ফেলেছ ! বডে মায় গঙ্গায় ফেলে হাল ছেড়ে দিয়ে
ডুবিয়ে মেবেছ ; আমাকে বিশ্বের বর্জিত, সংসারের ঘৃণিত হয়ে কুকুর কবে'
ছেড়ে দিয়েছ, আমায় কাপুকর, মিথ্যাবাদী, ধাপ্রাবাজ, জোচোব, পাষণ্ড,
পশুব অধম করেছ । আব কি কর্কে !

শান্তা । সব দোষ আমাদেরই । আমরা পাপ, মড়ক, সর্বনাশ—
স্বীকার করি । আমরা ত আছিই, আব যতদিন মানুষ আছে, পৃথিবী
আছে, সৃষ্টি আছে, ততদিন আমরা আছি, থাকবো । ব্যাধির কীটানুব
মত, শ্রোত্রের আবর্তের মত, তাবের চোবাবালির মত, আমরা আছি,
থাকবো । কিন্তু তোমরা এ দূষিত বায়ুর মধ্যে সোঁধোও কেন ? এ
আবর্তের মধ্যে এসে পড় কেন ? এ চোবাবালির পা বাড়িয়ে দাও কেন ?
—দোষ আমাদেরই ।

মহিম । এই কথা শোনার দণ্ডই কি তুমি এখানে এসেছো ?

শান্তা । না, আমি তোমায় তোমার সহধর্মিণীর কাছে নিয়ে যেতে
এসেছি ।

মহিম । তার ত ফাঁসি হয়েছে । আমার জন্ত—

শান্তা । ফাঁসি হয়েছে বটে, কিন্তু তাঁর নয়—

মহিম । তবে কার ?

শান্তা । পার্শ্বতীর (দন্তে দন্তে ঘর্ষণ করিয়া) সেই—না, মাকে ফিরে পেয়েছি, আর কেন !—সে সতীর ফাঁসি হয় নাই, মৃত্যু হয়েছে বটে !

মহিম । সে কি ?

শান্তা । দাদামহাশয়ের মৃত্যুর পরদিনঃ সেই সতীর মৃত্যু হয় ।

মহিম । কিসে ?

শান্তা । জানি না কিসে । কোন চিকিৎসক সে রোগ ধর্তে পারে নাই । আমি তার মৃত্যুশয্যার পাশে ছিলাম । তাঁকে তৈ-না-ভাবে প্রদীপটির মত ধীরে ধীরে নিভে যেতে দেখেছি । সে দৃশ্য আমি কখনও ভুলবো না । আমি জিজ্ঞাসা করলাম, “কোথায় যাচ্ছ জানো, বোন ?” সতী উদ্বেগে অশ্রুসিক্ত নির্দেশ করে’ বল্লেন, “পরপারে—দাদামহাশয়ের কাছে ।” আমি জিজ্ঞাসা করলাম, “তোমার এই বিষয় কি হবে ?” নেশা সহ্যে তার মাতুলের মুখে’ পানে চেয়ে বল্লেন, “গবাবাদে আমি নিয়ে দিও মামা, দাদামহাশয় যা ক’রেন ।” তার পর আমার পানে চেয়ে বল্লেন, “বোন—তাঁর সঙ্গে যদি দেখা হয় ত ব’লো যে আমি শেষ নিঃশ্বাসে তাঁর কল্যাণকামনা করে’ মরেছি ।” এই বলে’, তাঁর স্থির চক্ষু স্বর্গের পানে চেয়ে বৈল ।

মহিম । তবে যে বলে’ তুমি আমার স্থান কাছে নিয়ে যেতে এসেছ ।—আমার দ্বীত স্বর্গে !

শান্তা । আমি তোমায় সেই স্বর্গের পথে নিয়ে যেতে চাই ।

মহিম । তুমি ! তুমি আমার স্বর্গের পথে নিয়ে যাবে ! তুমি বেগা—

শান্তা । তুমি যে তার অধম । সতীর গর্ভে তোমার জন্ম, সংসঙ্গে তোমার বাস, তুমি কি করেছে’ বল দেখি ? তোমার নরকেও স্থান নাই । বেগার ঘরে লালিত, বেগার কুলধর্ম্মে দীক্ষিত হ’য়েও, সেই

অন্ধকার গহ্বর থেকে, আমি নিজ শক্তিবলে এক পরিত্যক্ত ঠেলে উঠেছি। ঠাব তুমি—যাক। আমি তোমায় স্বর্গের পথ থেকে দূরে নিয়ে গিয়েছিলাম, আজ আমি তোমাকে সেই স্বর্গের পথে নিয়ে যাবো। আজ সে সাধ্য আমার আছে—যদিও আমি বেশ্যা।

সগরের শির উঁচু করিয়া দাঁড়াইল

মহি। (চাহিয়া স্তম্ভিতভাবে) এ কি!—না, না—তুমি ত বেশ্যা নও। বেশ্যা ত ও বকম গ্রীবা বক্র করে' মাথা উঁচু করে' দাঁড়ায় না। বেশ্যা ত ও বকম উজ্জল স্নেহকরণ মৃগ হাস্য হাসে না। বেশ্যা ত ও বকম সজল আনত নেত্রে অসীম অনুরক্তভাবে চায় না। তুমি ত বেশ্যা নও। কে তুমি।

শান্তা। আমি নারী। মামের পসাদে আমার কলঙ্ক ধোত হ'য়ে গিয়েছে। আমি আজ মাকে পেয়েছি।

মহিম। (সাগ্রহে) কোথায় পেল। কোথায় পেল। আমি যে পৃথিবীময় মাকেই খুঁজ বেড়াচ্ছি! একদিন উদ্ভ্রান্তবৎ এক সন্ন্যাসীর পদতলে পড়ে' বললাম, “আমাব মা কোথায়?” তিনি বল্লেন, “খোঁজ, দেখতে পাবে।” তুমি পেয়েছ? কোথায় মা। কোথায় মা।

শান্তা। দেখবে এসো।

হাত ধরিয়া মহিনকে লহয়া গেলেন

মহা দৃশ্য

শ্রান—শ্মশান । কাল—সন্ধ্যা ।

মহিম ও শান্তা

মহিম । কৈ ! মা কৈ !

শান্তা । এইখানেই মা ।

মহিম । (সত্যবিশ্বাসে) এখানে । এ ত শ্মশান ।

শান্তা । এর মত কামগা আব আছে ! চেয়ে দেখ, ঐ পতিতপাবনী
মা স্রবণী তার উদাম উচ্ছ্বাসে কই কী প্রাবিত হবে' খরশ্রোতে
চলেছে । ঐ দেখ, নদীর পবপারে বক্রিম সূর্য্য অস্ত যাচ্ছে । ঐ দেখ,
নোনা জিহ্বা চিত' আছে । ঐ দেখ, কত নোক শব কাধে হবে' আসছে,
নামাচ্ছে, পোড়াচ্ছে, মাটের দেহ ব পূ করে' পুড়ে যাচ্ছে, আর তারা
নিগিমেস নয়ন তার চেয়ে দেখছে, তার পবে চিরজন্মের মত পার্থিব
সম্বন্ধ বাচ্ছন্ন হবে' শূন্য ঘরে ফিরে যাচ্ছে । কি সুন্দর !

মহিম । (সত্যবিশ্বাসে) সুন্দর !

শান্তা । অতি সুন্দর । জীবনের দাপ নিশে গিয়েছে, বেদনার
স্পন্দন থেমে গিয়েছে, মেহেব মোহ পুড়ে গিয়েছে ; কৃষ্ণ মেহেব উপর
বিদ্যায় চমকচ্ছে ; জন্মের উপর যুগা গর্জে' উঠছে !—তাই মা আমার
শ্মশানচাঁবিণী ।

মহিম । কৈ মা ।

শান্তা । একবার পবপারে চাও দেখি ! চাও ! কি দেখছো ?

মহিম । বক্রিম সূর্য্য অস্ত যাচ্ছে ।

শান্তা । ওখানে নয় । জীবনের পবপারে চাও—কিছু দেখতে পাচ্ছ ?

মহিম । না ।

শান্তা । মাকে ?

মহিম । কৈ মা !

শান্তা । একবার প্রাণ ভবে' মা বলে ডাক দেখি ! দেখ, দেখতে পাও কি না ! ডাক !

মহিম । মা । মা !

শান্তা । দেখতে পাচ্ছ না ? আমি ত পাচ্ছি । (জান্ন পাতিষা করষোড়ে) বিশ্বব্যাপিনী বিবসনা উন্মাদিনী কালী করালী মা আমার ! ও কি মূর্তি ! উর্দ্ধবাহু দুটি গগন ভেদ করে' উঠছে , মাথার চাবিদিকে ঘিরে কোটি কোটি চন্দ্র সূর্য্য গ্রহ তারা নৃত্য করছে ; কটিদেশ জড়িয়ে ধরে' ধরনী স্তন্য পান করছে ; পদতলে রসাতল মুচ্ছিতা হ'য়ে পড়ে' আছে । ঐ দেখ, মা তাঁর মুষ্টি দিয়ে সংহার ও সৃষ্টি ছড়িয়ে দিচ্ছেন , তাঁর রসনায ছকার ও অভয়বাণীর সঙ্গীত ধ্বনিত হচ্ছে ; তাঁর বক্ষে জন্ম ও মৃত্যু স্পন্দিত হচ্ছে ; তাঁর সম্মুখে স্বর্গ, পশ্চাতে নরক—দুই মহাসমুদ্রের মত পড়ে' রয়েছে । তাঁর বক্ষের উপর জগতের যত পুণ্যাখ্যা ঘুমিয়ে আছে । ঐ দেখ, তোমাব দাদামহাশয়, ঐ দেখ, তোমার স্ত্রী, ঐ দেখ, তোমাব মা—জগন্মাতার বক্ষের উপর ঐ পরপারে ।

যবনিকা পতন

মুদ্রাকর ও প্রকাশক—শ্রীগোবিন্দপদ ভট্টাচার্য্য, ভারতবর্ষ প্রিন্টিং ওয়ার্কস্

২০৩।১।১ কর্ণওয়ালিস্ স্ট্রীট, কলিকাতা

